

# SUMMA LOGICÆ

PARTIM

Ex optimis quibusque Autoribus tum Antiquis tum Recētiorebus

COLLECTA:

Maximè autem ex usu & ad usum

COMPARATA:

Et Exemplis omnium generum abundè

ILLUSTRATA.

*Præceptum nihil est, si non referatur ad usum.  
Exemplis clarent præcepta atque usus eorum.*

*Nullius addictus jurare in verba Magistri:  
Nullius at docti aspernatus verba Magistri.*

L O N D I N I,

Typis S. Roycroft LL Typographi Regis, Impensis  
R. Clavell in Cœmeterio Divi Pauli Londini,  
A. D. MDCLXXXV.

# Imprimatur,

*C. Alston, R.P.D. Hen. Episc.*  
*Lond. a Sacris Domestici-*  
*cis.*

1622:01



# INDEX CAPITUM.

---

## Liber Primus.

Cap.	Pag.
I. <b>D</b> E Logica, Inventione, & Argumentis in genere.	I
II. De Nominato & Nomine.	2
III. De Causa & Causato. Et primò, De Efficiente & Effecto.	5
IV. De Materia & Materiato.	11
V. De Forma & Formato.	12
VI. De Fine & Destinato.	14
VII. De Subiecto & Adjuncto.	17
VIII. De Toto & Parte.	22
IX. De Dissentaneis. Et primò, De Diversis.	26
X. De Oppositis. Et primò, De Relatis.	29
XI. De Adversis.	31
XII. De Privantibus.	33
XIII. De Contradicientibus.	34
XIV. De Disparatis.	36
XV. De Repugnantibus.	37
A 2	XVI. De

## Index Capitulorum.

Cap.	Pag.
XVI. De Comparatis. Et primò, De Similibus.	39
XVII. De Dissimilibus.	45
XVIII. De Paribus.	48
XIX. De Imparibus; id est, Majore & Minore.	51
XX. De Argumentis Ortis. Et primò, De Nomine & Explicatione nominis.	58
XXI. De Nomine & Distinctione nominis.	61
XXII. De Definito & Definitione.	63
XXIII. De Distributo & Distributione.	65
XXIV. De Testato & Testimonio.	68
Appendix, De Prædicabilibus & Prædicamentis.	72

---

## Liber Secundus.

Cap.	Pag.
I. <b>D</b> E Dispositione in Genere.	79
II. De Dispositionis Speciebus. Et primò, De Propositione in Genere, deque ejus generalibus tum Principiis, tum Affectionibus.	80
III. De Propositione Simplicem, sive Categoricalam.	85
IV. De Affectionibus Propositionum Categoricalium. Et primò, De Suppositione.	91
V. De Conversione Propositionum Categoricalium.	93
VI. De Relatione Propositionum Categoricalium ad se invicem.	97
VII. De	

# Index Caputum.

Cap.	Pag.
VII. De <i>Æquipollentiâ Proposit. Categoricarum.</i>	106
VIII. De <i>Propositionibus Modalibus.</i>	105
IX. De <i>Propositione Compositâ, sive Hypotheticâ in genere.</i>	110
X. De <i>Propositione Connexâ. Et primò, De Conditionali.</i>	113
XI. De <i>Propositione Disjunctâ.</i>	129
XII. De <i>Propositione Copulatâ.</i>	135
XIII. De <i>Propositione Discretâ.</i>	140
XIV. De <i>Propositionum Hypotheticarum Enallage.</i>	147
XV. De <i>Hypothesi &amp; Consequentia Propositionum Hypotheticarum.</i>	154
XVI. De <i>Æquipollentiâ &amp; Contradictione Propositionum Hypotheticarum inter se.</i>	157
XVII. De <i>Propositionum Hypotheticarum Relationibus, &amp; Æquipollentiis ad Categoricas.</i>	163
XVIII. De <i>Propositionibus Decompositis.</i>	166
XIX. De <i>Complicatione partium in Propositionibus Decompositis.</i>	177
XX. De <i>Argumentatione, sive Syllogismo in genere.</i>	180
XXI. De <i>Syllogismo Categorico Communi in genere.</i>	183
XXII. De <i>Primâ Figurâ.</i>	187
XXIII. De <i>Secundâ Figurâ.</i>	188
XXIV. De <i>Tertiâ Figurâ.</i>	189
XXV. De <i>Conformatione Quæstionum ad Figuras &amp; Modos.</i>	190
XXVI. De <i>formatione sive completionem Syllogismi Categorici ex datâ Materiâ.</i>	192
XXVII. De	

# Index Capitulorum.

Cap.	Pag.
XXVII. De Reductione Syllogismorum Categoricorum ad se invicem. Et primò, De Directâ sive Ostemensivâ.	195
XXVIII. De Reductione Obliquâ, sive, Ad Absurdum vel Impossibile.	198
XXIX. De Syllogismo Singulari.	203
XXX. De Syllogismo Composito, sive Hypothenico in genere.	205
XXXI. De Syllogismo Connexo sive Conditionalì, ejusque duobus Modis.	207
XXXII. De Syllogismo Disjuncto ejusq; unico Modo.	209
XXXIII. De Syllogismo Copulato sive Discreto, ejusque unico Modo.	212
XXXIV. De Reductione Syllogismorum Hypothenicorum ad se invicem.	214
XXXV. De Reductione Syllogismorum Categoricorum ad Hypothenicos, & contrâ.	216
XXXVI. De Imperfectis formis Argumentationum.	221
XXXVII. De Enthymemate.	222
XXXVIII. De Syllogismo Rhetorico.	226
XXXIX. De Inductione sive Epagoge.	229
XL. De Exemplo.	231
XLI. De Sorite.	234
XLII. De Dilemmate.	238
XLIII. De Biaio, sive Violento.	246
XLIV. De Disputatione. Et primò, De Sociali.	256
XLV. De Disputatione Solitaria, sive Positione.	263
XLVI. De Methodo.	267
LIBER	

LIBERR PRIMUS

AGIT DE

Argumentis

IN

SPECIE.

Logica, Inventionem, & Argumentis in genere, —		1							
Liber Primus agit de	Argumentis in Specie. Quae sunt	Artificialia,	Prima	Simplicia	Conſentanea	Nominatum & Nomen, —	2		
						Cauſa & Cauſatum,	Efficiens & Effectum, —	3	
							Materia & Materialium, —	4	
							Forma & Formatum, —	5	
							Finis & Deſtinatum, —	6	
						Subjectum & Adjunctum, —	7		
						Totum & Pars, —	8		
						Diverſa,	—	9	
							Relata,	—	10
								Adverſa,	—
Privantia,	—	12							
Contradictoria,	—	13							
Unum uni	Disparata,	—	14						
		Repugnantia,	—	15					
Unum pluribus	Similia,	—	16						
		Diffimilia,	—	17					
		Paria,	—	18					
		Imparia,	—	19					
Qualitate	Nomen & Explicatio nominis,	—	20						
		Nomen & Diſtinctio nominis,	—	21					
		Definitum & Definitio,	—	22					
		Diſtributum & Diſtributio,	—	23					
Quantitate	Definitum & Definitio,	—	22						
		Diſtributum & Diſtributio,	—	23					
Vocis	Definitum & Definitio,	—	22						
		Diſtributum & Diſtributio,	—	23					
Rei	Definitum & Definitio,	—	22						
		Diſtributum & Diſtributio,	—	23					
Orta	Definitum & Definitio,	—	22						
		Diſtributum & Diſtributio,	—	23					
Inartificialia,	Definitum & Definitio,	—	22						
		Diſtributum & Diſtributio,	—	23					
Testatum & Testimonium,	Definitum & Definitio,	—	22						
		Diſtributum & Diſtributio,	—	23					

---

# LIBER PRIMUS.

---

## C A P. I.

*De Logica, Inventione, & Argumentis in genere.*

**L**ogica (quæ eadem & Dialectica) est Ars bene differendi; id est, ratione utendi.  
Logicæ partes duæ sunt: Inventio, & Dispositio.

Inventio est prior pars Logicæ, de inveniendis Argumentis. Aliàs dicitur Topica.

Argumentum est, quod ad aliquid arguendum affectum est. Aliàs dicitur Locus inventionis.

Quod arguitur, vicissim etiam arguit: licet in aliquibus reciprocatio arguendi obscurior sit, & minoris usus.

Utrumque, quando arguitur, Thema; quando arguit, Argumentum propriè dicitur.

Hinc, omnia Capita Argumentorum gemina sunt, & in mutuâ relatione ad se invicem; sive sint diverforum nominum, ut Causa & Causatum, Subjectum & Adjunctum, sive ejusdem nominis, ut Dissentanea, Comparata, Conjugata.

Atque hinc, neutrum eorum sine altero esse aut concipi potest, nedum exemplum unius sine altero dari. Ambo igitur nos semper uno & eodem capite tradimus, & amborum exempla simul damus.

B

Notandum,



Notandum, Eosdem terminos, alio atque alio respectu consideratos, posse habere diversorum argumentorum affectiones. Exempli gratiâ, Dominus & Domus, possunt considerari ut Efficiens & Effectum, Cap. 3. ut Finis & Destinatum, Cap. 6. ut Subiectum & Adjunctum, eaque variorum generum, Cap. 7. ut Relata, Cap. 10. ut Comparata, eaque etiam variorum generum, Cap. 16, 17, 18, 19. ut Nomen & Notatio, Cap. 20.

## C A P. II.

### De Nominato & Nomine.

**D**E his primo loco tractandum, quia in omni disputatione primo consideranda sunt; juxta illud vetus dictum, Πρὸς τὸ ἀρχαῖς διδόναι. *Dei πρὸς τὸν ἐξάρχον τὸ ἐνίστασθαι.* Et, Principium in omni disputatione & re, est Nomen.

Nominatum est Res nomine significata.

Nomen est Vox Rem significans.

Per Nominatum, sive Rem, intelligimus non solum Ens reale, sed quicquid ullo modo mente concipitur, aut voce exprimitur.

Per Nomen, sive Vocem, intelligimus omnes partes orationis, præcipue Nomen (à Grammaticis sic dictum) & Verbum, quod ferè semper Nomen aliquod in se continet.

Nihil autem interest, utrum Rem mente conceptam voce aliquâ significemus, an eandem vocem aliâ voce aut aliis vocibus interpretemur: nec utrum eandem linguâ hoc fiat, an diversis. Omnes enim linguas  
lingua-



## Cap.II.

## De Nominato &amp; Nomine.

3

linguarumque dialectos pro unâ atque eâdem accipimus. Ideoque hujusmodi Interpretationem hic inter Argumenta Prima censemus, non inter Orta.

Vocum (adeoque Rerum vocibus significatarum) variæ sunt distinctiones. Quarum cognitio utilis ac necessaria est ad ea quæ sequuntur explicanda atque intelligenda.

1. Vox est vel Categorematica, vel Syncategorematika, id est, vel significativa, vel consignificativa. Illa significat per se & seorsum, ut præcipuè Nomina & Verba: Hæc conjuncta cum aliis, ut pleræque voces indeclinabiles, & quædam etiam Nomina & Pronomina. Non-significativæ voces non sunt hujus loci; multo minus Inarticulatæ, & Naturales.

2. Est vel Primæ notionis sive intentionis, ut Homo, Animal; vel Secundæ, ut Genus, Species, & aliæ voces artis.

3. Est vel Finita, vel Infinita. Illa Affirmata, ut Homo: Hæc Negata, ut Non Homo.

4. Est vel Synonyma sive Univoca, vel Homonyma sive Æquivoca. Illa significat rem naturâ unâ, ut Homo: Hæc, res naturâ diversas, & solo nomine congruentes, ut hæc vox [*Populus*] significat & gentem & speciem arboris.

5. Est vel Incomplexa, vel Complexa: Illa simplex & unica, ut Equus; Albedo: Hæc ex pluribus conflata, ut Equus albus, Albedo Equi.

6. Est vel Segregata, vel Aggregata. Illa sejunctæ significationis, ut Homo. Hæc collectæ significationis, ut Gens, Tribus, Civitas, Ecclesia, Exercitus, Collegium, Concilium, Familia, &c. quæ constant ex pluribus hominibus; Sic Ovis, Bos, Apis, Arbor, Stella, segregatæ voces sunt: Grex, Armentum, Examen, Sylva, Constellatio, aggregatæ sunt.

7. Est vel Abstracta, vel Concreta. Illa significat formam abstractè & separatim à subiecto, ut Humanitas, Paternitas, Regnum, Dominium, Servitus, Sacerdotium, Judicium, Vindicta, Amicitia, Vicinitas, Societas, Conjugium, Magnitudo, Justitia, Dulcedo, Pulchritudo, Bonitas, Actio, Peccatum: Hæc significat formam in & cum subiecto, ut Homo, Pater, Rex, Dominus, Servus, Sacerdos, Judex, Vindex, Amicus, Vicinus, Socius, Conjux, Magnus, Justus, Dulcis, Pulcher, Bonus, Actor, Peccator.

8. Est vel Communis, vel Singularis. Illa significat rem pluribus singularibus communem, ut Homo, Equus, Mons, Insula, Urbs, Fluvius: Hæc significat rem individui sub communi contentam, ut singuli Homines, Equi, Montes, Insulæ, Urbes, Fluvii.

Individua pro vario exprimendi modo dicuntur vel Determinata, vel Demonstrativa, vel ex Hypothesi.

Determinata, ut *Alexander, Bucephalus, Olympus, Britannia, Londinum, Thamesis*, & omnia propria nomina.

Demonstrativa, ut *Hic homo, ille Equus, &c.*

Ex hypothesi, ut quæ supponuntur unica esse in rerum naturâ, ut Sol, Luna; Sic *Adam*, vel *Homo*, ante creatam *Evam*. Sic Pater alicujus, utpote qui non potest esse nisi unus. Item Frater vel Filius alicujus, supposito quod non habet nisi unum.

Quæ autem dicuntur *Individua Vaga*, non sunt propriè Individua sive Singularia, sed Communia, utpote quæ de pluribus dici possunt, imò de quibuscvis quæ sub eadem voce communi continentur; ut Aliquis homo, quidam Equus, & reliqua particularia.

Res & voces communes propriè & primariò in artibus & scientiis tractantur: Res & voces singulares sive individua tractantur secundariò, quatenus scilicet conti-

continentur sub communibus. Vide Lib. 2. Cap. 3.  
§. Cum autem Singularia. Et Cap. 21. §. De hoc Principio.

## C A P. III.

### De Causâ & Causato. Et primò, De Efficiente & Effecto.

**C**Ausa est, cujus vi res est.  
Causatum est, quod est vi causæ.

Causa & Causatum quadruplicia sunt; 1. Efficiens  
& Effectum. 2. Materia & Materialum. 3. Forma  
& Formatum. 4. Finis & Destinatum. *Aristot. Posterior.*  
lib. 2. cap. 11. Et *Physic.* lib. 2. cap. 13. Et *Metaphys.* lib. 2.  
cap. 3. Et lib. 4. cap. 2.

Ex Causis, Materia & Forma intrinsecæ sunt &  
vocantur *Principia*. Efficiens & Finis extrinsecæ sunt,  
& specialiter appellantur Causæ. Specialissimè autem  
Efficiens nominatur Causa, & distinguitur à Principiis  
& Fine.

Similiter Causatum, respectu Materiæ & Formæ  
dicitur Compositum: respectu Finis Destinatum: re-  
spectu Efficientis propriè dicitur Effectum. Generali  
autem acceptione Effectum respicit omnes quatuor  
causas, & sic idem est quod nobis Causatum.

Hæ quatuor Causæ, earumque Causata distinguun-  
tur per quatuor Præpositiones, viz. *A* (vel *Ab*), *E* (vel  
*Ex*), *Per*, & *Propter*.

Efficiens est causa, à quâ res est.

Effectum est, quod fit ab Efficiente.

Notæ Efficientis sunt, Pater, Mater, Artifex, Architectus, Author, Magister, Dux, Princeps, Principium, Caput, Origo, Fons, Radix, Semen, Fomes, Cibus, Nutrix, Nutrimentum.

Notæ Effecti, Filius, Filia, Proles, Soboles, Progenies, Fructus, Propago, Alumnus.

Efficiens & Effectum variè distinguuntur.

Primò & præcipuè, Efficiens est Agens, vel Faciens: Effectum est Actio, vel Res Actione producta.

Actio respectu Agentis, Effectum est: respectu Rei actione productæ, Efficiens est.

*Exempla Agentis & Actionis, siue aliquid actione producatur siue non.*

<i>Agents.</i>	<i>Actiones.</i>
Deus.	Creare, conservare, gubernare mundum.
Homo.	Cogitare, loqui, scribere, edere, bibere, ludere, laborare, pugnare, emere, vendere, ædificare, plantare, procreare & educare liberos.
Bestiæ.	Procreare pullos, parare sibi & pullis pastum & latibula, servire homini.
Plantæ & res inanimatæ.	Varie operationes Medicinales & alia.
Magnes.	Attrahere ferrum, tendere in polos mundi.
Ventus.	Flare, purgare aërem, afferre vel abigere pluviam.
Ignis.	Calefacere, exiccare, fovere, urere, coquere, assare, liquefacere, indurare.
Terra.	Sustentare omnia quæ in ipsâ sunt, plantas & quædam animalia proferre, omnia alere.

## Cap.III.

## De Efficiente &amp; Effecto.

7

Prudentia.

Rectè consulere de rebus agendis, medium ostendere inter extrema.

Temperantia.

Moderatè expetere &amp; frui voluptatibus corporis.

Iustitia.

Suum cuique tribuere.

Fortitudo.

Labores &amp; pericula rectè subire &amp; perferre.

*Exempla Facientis & Rerum actione factarum sive productarum.*

DEUS.

Mundus, &amp; omnia quæ in eo sunt.

Homo.

Liberi, nepotes, posteri, dicta, scripta, ædificia, horti, pomaria, aliaque opera.

Magistratus.

Leges, judicia, præmia, poenæ.

Animalia.

Pulli, pastus, latibula.

Plantæ.

Folia, flores, fructus, sensen, inde aliæ plantæ.

Sol, Luna,

} Lumen in aëre, dies, menses, anni, alij effectus varij.

Stellæ.

Frugalitas

&amp;

} Divitiæ, liberalitas, iustitia.

Diligentia.

Temperantia.

Sapientia, prudentia, sanitas corporis, bona fama, divitiæ, longævitas.

Intemperantia.

Stultitia, morbi, infamia, paupertas, brevitas vitæ.

Mansuetudo,

} Benevolentia, Pax.

Iustitia.

Iracundia,

} Jurgia, lites, pugna, bella, cædes, ruina.

Injustitia.

Similitudo.

Societas, amicitia.

Experientia.

Prudentia, fiducia, cautio,

Meritum.

Præmium, poena.

*Prov.* 2. 10, 11, 12, 16. Et 3. 2, 4, 8, 10. Et 11. 13, 14, 15, 16, 17, 18, 19. & 13. 10. & 14. 34. & 15. 1, 13, 18, 20, 27, 33. & 16. 18, 28. & 23. 14, 15, 21, 29, 30. *Iſa.* 32. 17. *Rom.* 5. 3, 4, 5. *1 Cor.* 13. 4, 5, 6, 7. 2 *Cor.* 7. 11. *Jac.* 1. 17.

2. Causa efficiens est vel Procreans vel Conſervans.

Nam etiam Causa conſervans numeratur inter Efficientes, non ſolum ipſius actionis ſive conſervationis, ſed etiam Rei conſervatæ. Ejus enim vi Res conſervata continuatur, & permanet in ſuo eſſe.

Sic Deus, ut creavit omnia, ita etiam creata conſervat. *Neb.* 9. 6.

Parentes, ut procreant liberos, ita etiam eoſdem alunt & educant.

Nutrix alit etiam quos non peperit.

Qualitates etiam, earumque actiones conſervant eadem effecta, quæ producunt. Sic *Ovidius* de otio ſive deſidia, & ejus effecto, Amore ſive Libidine.

4. De Remedio.

*Hæc [ſcil. Otia] ut ames faciunt, hæc quæ fecere tuentur.  
Hæc ſunt jucundi Cauſa cibique mali.*

Cauſa quæ dicitur *Permittens*, eſt quidem cauſa permiſſionis, ut Agens Actionis: Sed neque permittens neque permiſſio eſt cauſa rei permiſſæ: Neutra enim vim aliquam conſert vel ad procreationem vel ad conſervationem ejus: Sed ſolummodo non impedit, adeoque eſt, ut dicitur, *Cauſa ſine quâ non*. Ea autem verè & propriè non eſt cauſa.

Sic Deus permittit peccatum, ſed non eſt cauſa ejus; licet abſque ejus permiſſione fieri non poſſit.

Exempla

Exempla Causarum permittentium vide *Num.* 22. 20, 35. 2 *Sam.* 16. 10. & 18. 23. 1 *Reg.* 22. 12. 2 *Reg.* 2. 17, 18. 2 *Chron.* 25. 8. *Job* 1. 12. & 2. 6. *Psal.* 81. 12. *Eccles.* 11. 9. *Ezec.* 3. 26. & 20. 39. *Hos.* 4. 4. *Mat.* 23. 32. *Marc.* 5. 13. *Act.* 2. 23. & 14. 16. & 17. 30. 1 *Cor.* 6. 7. *Apoc.* 22. 11.

Causa etiam Corruptens (ut vocatur) est quidem causa corruptionis: sed neque ipsa, neque corruptio est causa rei corruptæ. Neque enim illi vim aliquam conferunt ut fiat sive sit, vel ut conservetur sive permaneat in suo esse; sed contrà efficiunt ut non sit, vel ut desinat esse.

*Ex. gr.* Cùm homo occiditur, domus aut urbs incenditur, vas aut statua frangitur, arbor aut sylva succiditur, scriptum aut pictum deletur, patrimonium comeditur aut dissipatur, cùm aqua extinguit ignem, ignis absumit aquam, & in genere cùm unum contrarium corrumpit aut destruit alterum.

*Deut.* 7. 5. & 12. 2, 3. *Judic.* 15. 5. 2 *Reg.* 10. 28. *Psal.* 74. 6, 7, 8. *Prov.* 25. 23. *Eccles.* 7. 7. & 9. 18. 1 *Cor.* 15. 33.

3. Efficiens est vel Solitaria, vel Socia.

4. Est vel Proxima, vel Remota. *Nebem.* 13. 10, 11.

*Jer.* 13. 17. *Rom.* 5. 3, 4.

5. Est vel Principalis, vel minùs Principalis.

6. Inter Minùs principales sunt Adjuvantes & Moventes.

7. Inter Adjuvantes sunt Instrumenta, sive Animata, sive Inanimata: ut distinguuntur ab *Aristotele* *Politic.* lib. 1. cap. 3.

8. Inter Moventes sunt *Προηγούμενη*, & *Προεγταρτική*. Illa quasi præcedens & præinducens: Hæc quasi incipiens, & in actum producens effectum.

*Ex.*



*Ex.gr.* Quòd Solomon morte affecit *Shemei*, causa *negyupim* erat, quia maledixerat *Davidi*: Causa *negyupim*, quia in iussu *Solomonis* exierat *Hierosolymis*.

1 Reg. 2. 42, 43, 44.

9. Est vel per se, vel per Accidens.

10. Per se est vel Naturalis, vel Voluntaria.

Per accidens autem improprie dicitur Efficiens: cum potius sit aliquid conjunctum cum Efficiente; vel ad summum *Occasio*, non *Causa*.

*Ex.gr.* Cum Veritas dicitur parere odium; Familiaritas contemptum; Patientia licentiam peccandi; Bona propria superbiam; Aliena invidiam; Præda opima & facilis rapinam.

*Gen.* 37. 4, 8. *Jos.* 7. 21. *Prov.* 1. 12, 13. *Eccles.* 4. 4. & 8. 11. *Rom.* 2. 4, 5. 1 *Cor.* 8. 1.



C A P. IV.

De Materia & Materiato.

**M**ateria est causa, ex qua res est.  
Materiatum est, quod est ex materia.

*Exempli gratia;*

*Materia.*

Chaos five Materia prima.

Terra.

Costa *Adami*.

Elementa.

Semen.

Terra & Aqua.

Exhalationes.

Nubes.

Pluvia, Nix, Grando.

Aurum, Argentum, Æs.

Ferrum.

Pannus.

Triticum.

Ligna, Lateres, Lapides.

*Materiatum.*

Omnia corpora naturalia.

Corpus *Adami*.

Corpus *Eve*.

Mixta.

Planta, & Animalia.

Exhalationes.

Nubes.

Pluvia, Nix, Grando.

Torrens.

Nummus, Vas, Statua.

Gladius, & alia Ferramen-  
ta.

Vestis.

Panis.

Domus, Murus, Statua.

*Gen.* 1. 2. & 2. 7, 22. & 3. 7, 21. & 6. 14. & 11. 3.  
*Exod.* 7. 19. & 8. 16. & 25. 3, 4, 5, 6, 7. & 35. 5, 6, 7, 8, 9.  
*Deut.* 29. 17. *1 Chron.* 29. 2. *Dan.* 2. 32, 33. & 5. 4  
*Joh.* 2. 9.

Materia

**Materia** est Permanens, vel Transiens. Illa, ex quâ res fit & constat, ut Nummus ex auro. Hæc ex quâ res fit sed non constat, ut vinum ex aquâ. *Job. 2.9.*

Item est Proxima, vel Remota.

Loco **Materiæ** aliquando usurpatur **Subjectum**, quod appellatur *Materia in quâ*: Aliquando **Objectum**, quod dicitur *Materia circa quam*: Aliquando **Genus**: Aliquando **Partes**. De quibus omnibus infra suis locis.

## C A P. V.

### De Forma & Formato.

**F**orma est causa, per quam res est id quod est.  
**Formatum** est, quod per formam est id quod est.

*Exempla gratia;*

<i>Forma.</i>	<i>Formatum.</i>
Anima rationalis.	Homo.
Anima sensitiva.	Animal.
Anima vegetativa.	Vivens.
Mediocritas.	Virtus.
Declinatio à Mediocritate.	Vitium.
Amor mutuus & manifestus.	Amicitia.
Rotunditas in plano.	Circulus.
Rotunditas in solido.	Sphæra.

Abstractum

Abstractum est Forma Concreti, ut *Albedo Albi, Dominium Domini*. Rerum naturalium Formæ essentiales fere nobis ignotæ sunt, aut nominibus destitutæ. Itaque illarum loco cogimur uti aliis argumentis. Rerum artificialium formæ, utpote quæ externæ sunt, facillè sensibus percipiuntur, sed non nisi pluribus verbis exprimuntur: ut forma *Domus, Vestis, &c.*

Similiter formæ externæ rerum naturalium, ut *Leonis, Equi, &c.* Sed hæc potius ad locum Adjunctorum referendæ sunt.

*Gen.* 6. 15, 16. *Exod.* Cap. 25, & 26, & 27. 1 *Reg.* Cap. 6, & 7. *Dav.* 2. 31, 32, 33. & 4. 10, 11, 12. & 7. 3, &c.

Quod cuique rei (sive Substantiæ sive Accidenti) maximè essenziale est, id pro ejus Formâ accipi, & usurpari potest.

Forma dat Formato, 1. Essentiam. 2. Nomen. 3. Differentiam ab aliis rebus. 4. Propria accidentia. 5. Operationes.

## C A P. VI.

*De Fine & Destinatio.*

**F**inis est causa propter quam, vel cujus gratiâ res est.

Destinatum est, quod est propter finem, vel gratiâ finis.

Notæ. Finis sunt, Scopus, propositum, intentio, intentum, Conjunctiones finales. Lib. 2. cap. 10. §. *Item Conjunct. final.* In linguâ Græcâ & Anglicanâ Modus Infinitivus post verba morûs. In linguâ Latinâ prius Supinum post ejusmodi verba.

Destinatum etiam dicitur Medium.

Finis (adeoque Destinatum) variè dividitur. Primò & præcipuè Finis est 3 vel 3; Finis cujus, vel Finis cui *Aristot. de Animâ, Text. 37.*

Finis cujus, est bonum quod intenditur.

Finis cui, est is vel id, cui bonum intenditur.

*Exempla prioris Generis.*

*Finis cujus.*

Vita.

Habitatio.

Operatio.

Ufus.

Victoria.

Pugna.

Pax.

Mutuum auxilium,

Procreatio liberorum,

Vitatio scortationis.

*Destinatum.*

Victus.

Ædificatio, Domus.

Instrumentum.

Divitiæ.

Pugna.

Milites, Equi, Arma.

Bellum.

} Conjugium.

Singulæ

Singulæ Artes suos habent proprios Fines.

*Exempli gratia.*

Bene loqui.  
Bene dicere.  
• Bene differere.  
Bene numerare.  
Bene mensurare.

Grammatica.  
Rhetorica.  
Logica.  
Arithmetica.  
Geometria.

Denique quicquid agimus, alicujus Finis (id est Boni, vel Veri, vel Apparentis) gratiâ agimus.

Gen. 1. 14, 15. & 2. 15. & 3. 23, 24. & 33. 8. & 45. 5.  
Exod. 13. 21. & 37. 5, 14, 15, 27. & 39. 21, 23. & 40. 30.  
Prov. 17. 23. & 30. 8, 9. Isa. 45. 18. Mic. 3. 11.  
Mat. 6. 2, 4, 5, 6, 16, 17, 18. & 9. 13. & 26. 5. Luc. 19. 10.  
Job. 10. 10. Act. 26. 16; 17, 18. Rom. 9. 17, 21, 22, 23.  
1 Cor. 1. 27, 28, 29. & 9. 20, 21, 22, 23. & 12. 7, 25.  
2 Cor. 12. 7. Gal. 1. 4. Eph. 4. 28, 29. 1 Tim. 2. 2. 2 Tim. 2. 20,  
21. Tit. 1. 13. & 2. 14. 1 Job. 3. 8.

Cic. pro Rabirio 94. a. Probat Saturninum jure occisum quia arma jure sumpta sunt contra eum: à Destinato ad Finem.

*Exempla posterioris Generis.*

Finis cui.  
DEUS.

Homo.

Dominus.

Cives.

Corpus humanum.

Destinatum.

Mundus, & omnia quæ in eo sunt.

Reliquæ creaturæ corporeæ.

Servus, ejusque opera.

Leges, Judicia, Artes.

Victus, Vestitus, Medicina.

Is qui amatur.  
Is cui militatur.  
Socii pop. Romani.

Amicitia, ejusque officia.  
Militia, Pugna, Victoria.  
Lex repetundarum. Cic.  
ver. 57. b.

*Me id facere maximè causâ meâ. Ter. Eun. Scen. ult.*

2 Sam. 10. 12. 1 Reg. 7. 8. 1 Chron. 29. 1. 2 Chron. 2. 1, 5.  
Prov. 16. 4, 26. Eccles. 4. 8. & 6. 7. Ezek. 29. 3. Marc. 12. 27.  
Rom. 11. 36. 1 Cor. 11. 9. Apoc. 4. 11.

*Exempla utriusque Generis.*

Cic. Agrar. 89. quâ de causâ, & quorum causâ.

Gen. 1. 29, 30. & 2. 18. & 4. 5. 19, 23. Exod. 25. 8. & 39.  
41. Dan. 4. 30. Mat. 26. 12, 28. & 27. 7. Rom. 13. 4. 1 Cor.  
14. 22. 1 Tim. 1. 15, 16. & 2. 6. 2 Tim. 2. 10. Heb. 1. 14.  
1 Pet. 2. 14. 2 Pet. 3. 9.

Porro, Finis est vel Summus, vel Subordinatus.

Item, Proximus, vel Remotus. 2 Sam. 24. 21. 2 Cor.  
12. 7.

Item, Solitarius, vel Socius.

Item, Principalis, vel Minus principalis.

Item, Rei, vel Agentis. Aquin. Sum. 22. q. 14. 1. 6. 1.  
& Supplem. q. 48. 2. c. Senec. de Benef. lib. 2. c. 33.

C A P.

## C A P. VII.

## De Subiecto &amp; Adjuncto.

**S**ubjectum est cui aliquid adjungitur.

Adjunctum est cui aliquid subicitur.

Subjectum & Adjunctum quadruplicia sunt.

1. Cum Adjunctum inhaeret Subjecto.
2. Cum Adjunctum extrinsecus accidit Subjecto.
3. Cum Adjunctum collocatur in Subjecto. Hic Subjectum Locus est; Adjunctum, Locatum.
4. Cum Adjunctum versatur circa Subjectum. Hic Subjectum dicitur Objectum; Adjunctum, Occupatum.

## Exempla primi Generis.

*Subjectum.*

*Adjunctum inherens.*

Anima humana. Potentia, Habitus, Artes, Virtutes, Vicia.

Corpus humanum. Statura, Forma, Figura, Pulchritudo, Deformitas, Robur, Infirmitas, Valetudo bona vel mala.

Stella.

Quantitas, Figura, Densitas, Lux, Virtutes.

Elementa

&

Mixta.

Ignis.

} Qualitates primæ & secundæ.

Calor, Siccitas, Tenuitas, Levitas, Lux.

Terra.

Frigiditas, Siccitas, Crassities, Gravititas.

Vitrum.

Soliditas, Perspicuitas,

Flores.



Flores.

Figura, Forma, Color, Oder, Vir-  
tus.Denique, Quolibet Substantia, & Accidentia ei in-  
hærentia.*Exempla secundi Generis.**Subiectum.**Adjunctum extrinsecus accidens.*

Homo.

Divitiæ, Paupertas, Honor, Infamia,  
Vestitus, Arma, Comitatus.

Res in tempore.

Tempus, quamdiu, quando, quoties,  
Antecedentia, Concomitantia,  
Consequentia.*Exempla tertii Generis.**Subiectum.**Adjunctum Locatum.*

Locus.

Res, Persona, factum, in loco.

Terra.

Homines, bestię, plantę, metalla,  
lapides; Ambulatio, equitatio, a-  
ratio, plantatio, ædificatio.

Aqua.

Pisces, naves, piscatores, nautę, pis-  
catio, navigatio, natatio.

Aër.

Volucres, nubes aliaque meteora, eo-  
rum motus.Coelum secun-  
dum.{ Sol, Luna, Stellę, Eorum situs, mo-  
tus.

Coelum tertium.

Deus per specialem præsentiam.  
Christus, Angeli, Sancti: Eorum  
actiones.

Patria.

Homo ibi natus, vel degens.

Urbs.

Civitas, quę in eā est. Cic. pro Sylla.  
172. a. Academic. 34. b.

Templum.

Sacerdos, Populus, Utenilia sacra, Res  
divina, Oratio, prædicatio verbi, Sa-  
cramenta. Sc-



Senaculum.	Senatus, Consultatio.
Academia, Schola.	Literati, Praeceptores, Discipuli, Praelectiones, Disputationes, Artes, Scientiae.
Domus.	Familia, Supellex, Officia domesti- ca.
Forum judiciale.	Judices, Rei, Actores, Advocati, Te- stes, Accensi, Lictores, aliique ministri, Accusatio, defensio, ab- solutio, condemnatio.
Forum mercatorium.	Mercatores, merces, mercatura, emptio, venditio, permutatio.

Aliis, Locus, (ut & Tempus) censetur inter Adjuncta Secundi generis, (id est, circumstantias sive extrinsecus accidentia) & Locatum pro Subiecto ejus reputatur.

*Exempla quarti Generis.*

<i>Subiecta occupantia, sive Objecta.</i>	<i>Adjuncta Occupata.</i>
Sensibile.	Sensus.
Color, Lux.	Visus.
Sonus, Vox.	Auditus.
Odor.	Odoratus.
Sapor.	Gustus.
Qualitates tactiles.	Tactus.
Res praeteritæ.	Memoria, oblivio, historia, pœnitentia.
Res futuræ.	Consultatio, prævísio, præsagium, prædictio, prophetia, spes, me- tus, promissio, comminatio.
Verum.	Intellectus.
Bonum.	Voluntas, amor, gaudium, deside- rium, spes, promissio.

Malum.

Odium, metus, fupa, tri-  
stitia, ira, comminatio.

Singulæ Artes (sive liberales sive Mechanicæ) &  
Artifices, sua habent Subjecta sive Objecta, id est  
materiam quam tractant, & circa quam versantur.

*Exempli gratia;*

Ratio.

Logica.

Oratio.

Grammatica, Rhetorica,  
& aliquo respectu etiam  
Logica.

Numerus.

Arithmetica.

Magnitudo.

Geometria.

Stellæ.

Astronomia.

Valetudo corporis.

Medicina.

Oves.

Pastoritia.

Ager.

Agricultura.

Aurum, argentum, æs,

Variæ artes fabriles, quæ  
in iis operantur.

Ferrum, lapis, lignum.

Virtutum etiam & vitiorum sua sunt Subjecta sive  
Objecta, circa quæ versantur, & quibus à se invicem  
distinguntur.

*Exempli gratia;*

Voluptates corporis.

Temperantia, Intempe-  
rantia.

Labores &amp; pericula,

Fortitudo, ejusque extre-  
ma.

Metus &amp; fiducia.

Τὰ Χρήματα.

Liberalitas, Frugalitas, A-  
varitia, Prodigalitas.

Honor.

Honor.

Magnanimitas, Modestia,  
Puffillanimitas, Super-  
bia.

Ira, Vindicta.

Mansuetudo, Lenitudo,  
Cruelitas.

Jus cujusque.

Justitia, Injustitia.

Quicquid etiam cogitamus, dicimus, scribimus, de aliquo Subjecto est.

Similiter & Actionis cujusque materia circa quam versatur, Subjectum sive Objectum est tam ipsius Actionis quam Agentis.

Accusativus casus post verbum Activum fore vel Effectum vel Objectum est cum Verbi tam Nominativi ejus. Sic & Nominativus Verbi Passivi respectu ejusdem Verbi Passivi & Ablativi Agentis.

In singulis his quatuor generibus, Subjectum & Adjunctum sunt,

1. Communia, vel propria.
2. Proxima, vel remota.

## CAP. VIII.

## De Toto &amp; Parte.

**T**otum est, quod continet Partem.

Pars est, quæ continetur à Toto.

Totum & Partem hic inter Argumenta prima ponimus, non inter Orta sub Distributo & Distributione. Quia licet omne Totum habet plures Partes, in quas omnes simul sumptas distribuitur; tamen potest arguere unam aliquam partem, aut plures aliquas partes absque Distributione. Neque Totum & Partes præsupponunt Distributionem, sed Distributio supponit Totum & Partes, adeoque his naturâ posterior est, & ex his oritur, non hæc ex illâ.

Totum & Pars duplicia sunt; 1. Integrum & Membrum. 2. Genus & Species.

## I. De Integro &amp; Membro.

Integrum est Totum quod constituitur ex suis partibus. Alias dicitur Totum integrale, Totum actuale, Totum ex partibus.

Membrum est pars Integri.

*Exempli gratia;*

*Integrum.*

Domus.  
Arbor.  
Corpus.  
Caput.

*Membrum.*

Parietes, Tectum.  
Radix, Ramus.  
Caput, Manus, Pes.  
Oculus, Auris, Nasus.

Oculus.

Oculus.	Pupilla.
Mundus.	Terra.
Terra.	Europa.
Europa.	Anglia, Gallia.
Annus.	Ver, Aestas.
Annus.	Mensis.
Mensis.	Dies.
Dies.	Hora.
Logica.	Inventio.
Oratio.	Exordium.

Huc refertur etiam Totum essentiale, id est Compositum, & Pars essentialis, id est Materia vel Forma. Nam & hoc Totum ex his partibus constituitur.

## II. De Genere &amp; Specie.

Genus est Totum concurrens ad constitutionem suarum partium. Aliàs dicitur Totum universale, Totum potentiale, Totum in partibus.

Species est Pars Generis.

Ex. gr.

Genus.	Species.
Animal.	Homo.
Planta.	Arbor.
Arbor.	Quercus.
Metallum.	Aurum.
Lapis.	Marmor.
Magnitudo.	Longitudo.
Figura.	Quadrangulum.
Quadrangulum.	Quadratum.
Habitus.	Virtus.
Virtus.	Iustitia.
Sensus.	Visus.
Ars.	Logica.
Color.	Albedo.
Causa.	Efficiens.
Totum.	Integrum.

Genus est Generalissimum, vel Subalternum.

Genus generalissimum (supremum sive summum) est, quod non habet aliud genus supra se in eadem serie.

Subalternum est, quod habet aliud genus supra se, cujus respectu est Species.


Species est Subalterna vel Specialissima.

Species subalterna est, quæ habet alias species infra se, quarum respectu est genus.

Specialissima (ima, sive infima) est, quæ non habet alias Species infra se. Hæc tamen respectu singularium sive Individuorum est quasi genus. Et singularia sive Individua ad Speciem suam relata sunt quasi Species.

Genus & Species sunt Proxima vel Remota.

Horum omnium Exempla habemus in Serie Substantiarum.



In hac Tabulâ, Substantia est Genus generalissimum: Corpus, Mixtum, Animatum, Animal, sunt Genera subalterna, & Species subalterna: Homo est Species specialissima: Socrates, Plato, Hic & ille homo sunt Singularia sive Individua.

Item,

Item, Hominis Genus proximum est Animal: Remota, Animatum, Mixtum, Corpus, Substantia.

Contrà, Substantiæ Species proxima est Corpus: Remotæ sunt Mixtum, Animatum, Animal, Homo.

Genus Subalternum, & Species Subalterna solâ ratione differunt. Quod enim ratione inferioris est Genus, idem ratione superioris est Species. Et è converso.

Idem genere sunt, quæ sub eodem genere continentur; ut Homo & Brutum, *Alexander & Bucephalus*.

Idem Specie sunt, ejusdem speciei individua, ut *Socrates, & Plato*.

Idem numero sunt, quæ una eademque res singularis sunt; ut *Philippus & Pater Alexandri, Johannes Baptista & Præcursor Christi, Judas Lebbæus, & Thaddæus* Apostolus, qui scripsit ultimam ex Epistolis. Idem homo infans, puer, juvenis, vir, senex. Idem corpus moriens & resurgens. Eadem aqua calida & frigida.

Hinc etiam apparet, quæ sint Diversa genere, specie, & numero.



## CAP. IX.

## De Dissentaneis. Et primo De Diversis.

**H**Actenus fuerunt Argumenta consentanea.  
Dissentanea sunt, quæ inter se dissentiunt.

Suntque vel Diverſa, vel Opposita.

Diverſa sunt, quæ ratione tantum dissentiunt; id est, ita dissentiunt, ut possint convenire.

Sunt igitur mediæ quasi naturæ inter simpliciter consentanea & simpliciter dissentanea. Id est, ita consentiunt, ut non sint planè eadem, & ita dissentiunt, ut tamen non opponantur.

Itaque ad duo Capita referri possunt: quæ, si placeat, appellentur *Consentanea dissentientia*, & *Dissentanea consentientia*.

*Consentanea dissentientia* voco, quæ videntur esse eadem & tamen differunt. Et hæc etiam duplicia sunt.

I. Quorum neutrum infert alterum.

*Exempli gratia.*

Robustus & fortis. Imbecillus & ignavus. Innupta & virgo. Cælebs & castus. Doctus & prudens. Amicus & blandus. Tenax & rapax. Locuples & *αὐτάδηνος*. Pauper & mendicus. Dulce & gratum. Amarum & ingratum. Propinquus & amicus.

Res grata, & probata. Cic. pro Ligario, 140. b. 141. a.

Dicere & clamare. Idem in Verr. 62. a.

Confiteri



Confiteri & assentiri. Idem *Tusc.* 151.b.  
 Dolere & queri. Idem pro *Flacco* 158.a.  
 Quid soleat fieri, & quid liceat. Idem in *Verr.*  
 191.a.

Disputator subtilis, & orator vehemens. Idem *Offic.*

1. b.

Orator vehemens, & dulcis. Ibid.

Maledicere & accusare. Idem pro *Calpio* 38.b.

2. Quorum unum infert alterum, sed non è con-  
 verso. Cujusmodi sunt Subordinata.

*Exempli gratia.*

Substantia & corpus. Animatum & animal. Quan-  
 titas & magnitudo. Magnitudo & longitudo. Largus  
 & liberalis. Largus & prodigus. Parcus & frugalis.  
 Parcus & avarus.

Ἀρεσυνός, & κόλαξ. *Aristot. Esth.* lib. 4. cap. 12.

Ἀκρίσιον, & βλάσιον. Idem *Esth.* lib. 3. cap. 1.

Qui facit ignorans, & qui facit per ignorantiam.

Lib. 3. cap. 2.

Ζήτησις, & βύλευσις. Ibid. cap. 5.

Ἐκύριον, & πεγαίρειον. Idem *Magn. moral.* lib. 1.

cap. 18.

Dolere, & Mœrere. *Cic. Tusc.* 154.b.

Læsus & injuriâ affectus. Idem in *Verr.* 63.b.

Licere, & oportere. *Cic. pro Balbo* 56.a.

Pactio & fœdus. Idem de *Orat.* 98.

Solutum & vagum.

Ingredi libere, & licenter errare.

Tacere, & celare. Idem *Offic.* 62.b.

*Habac.* 2. 3. 1 *Cor.* 10. 23. & 14. 20. 2 *Cor.* 4. 8, 9. & 11. 6.

2 *Pet.* 3. 9.

*Differ.*

*Dissentanea consentientia* appello quæ videntur plane pugnare, sive opponi, & tamen solummodo differunt; id est, Neutrum eorum tollit alterum.

*Exempli gratia.*

Robustus & ignavus. Imbecillus & fortis. Nupta & virgo. Conjugatus & castus. Doctus & improbus. Indoctus & prudens. Rapax & prodigus. Pauper & dives. Dives & mendicus. Dulce & ingratum. Amarum & gratum. Frugalis & liberalis. Magnanimus & modestus. Justus & misericors. Mansuetus & severus. Comis & gravis. Irritabilis & placabilis. Cic. Attic. 14. b.

Prov. 30. 24. Cant. 1. 5. Job. 8. 14. 2 Cor. 6. 8, 9, 10.

Huc pertinent Contraria mediata negata.

*Exempli gratia.*

Album non est, sed tamen nigrum non est. Non formosus est, nec tamen deformis est.

Cic. de claris Orat. 186. b. Non erat abundans, nec inops tamen.

Idem pro Sextio 22. a. Pulsi eramus, non omnino istâ manu solâ, sed tamen non sine istâ.

Denique omnia quæ enuntiantur per Quamquam, & tamen, hujus loci sunt; sive alterum affirmetur, alterum negetur, ut in Consentaneis dissentientibus; sive utrumque affirmetur vel utrumque negetur, ut in Dissentaneis consentientibus.

Hujus loci insignis usus est ad rectè judicandum tum de veritate & falsitate propositionum, tum de consequentia & inconsequentia Argumentationum. Hinc enim fons omnis erroris; cum Diversa vel pro Iisdem,

Idem, vel pro Oppositis accipiuntur. Vide lib. 2. cap. 44. §. *Huc Affine*; & §. *Ex Propositionibus*.

## C A P. X.

## De Oppositis. Et primò De Relatis.

**O**pposita sunt, quæ non tantum ratione, sed etiam re dissentiant, id est ita dissentiant ut eidem, & secundum idem, & ad idem, & eodem tempore convenire sive attribui non possint.

Hinc uno eorum affirmato, alterum necessario negatur.

Et hinc, Omnia Opposita implicant contradictionem. Lib. 2. cap. 10. §. *Hæc conversio*; & cap. 38. §. *Hæc pertinet*.

Oppositorum alia opponuntur ut unum uni: alia ut unum pluribus.

Quæ opponuntur ut unum uni, ea sola ab *Aristotele* agnoscuntur pro Oppositis, & vocantur *Antithetæ*. Post-prædic. 1.

Horum quatuor genera sunt: *Relata, Adversa, Privantia, & Contradictoria*.

Relata sunt Opposita, quorum alterum pendet è mutuâ alterius affectione. *Aristoteli* appellantur *πρὸς ἄλλο*, Ad aliquid.

Horum itaque ut unum non potest esse alterum, ita unum non potest esse sine altero.

Suntque Diversorum Nominum, vel ejusdem Nominis.

I. *Diverſorum Nominum*; Ex. gr.

Pater & filius. Sub Patre etiam Mater, & ſub Filio Filia comprehenditur. Et ſic in reliquis in quibus eſt differentia ſexûs, Masculinum ſub ſe completur ſœmininum: Alioqui Relatum poſſet eſſe ſine correlato. Sed Pater eſt etiam filia, etſi filium non habet, Et Filius eſt matris, etſi non habeat patrem. Sic Avus vel Avia, & Nepos vel Neptis. Socer vel Socrus, & Gener vel Nurus. Vitricus vel Noverca, & Privignus vel Privigna. Dominus vel Domina, & Servus vel Ancilla. Rex vel Regina, & Subditus vel Subdita. Magiſter vel Magiſtra, & Diſcipulus vel Diſcipula. Sic Patronus & Cliens. Benefactor & Beneficiarius. Creditor & Debitor.

Sic, ut ſuprà notatum, Cap. 1. Omnia Capita argumentorum diverſorum nominum; ut Cauſa & Cauſatum. Subjectum & Adjunctum. Totum & Pars, &c.

In Verbis & Participiis, Dare & Accipere. Dans & Accipiens. Sic Emere & vendere. Locare & conducere. Docere & diſcere. Præſſe & ſubefſe. Imperare & ſervire. Antecedens & Conſequens.

Sic idem Verbum vel Participium Activum & Paſſivum; ut Amare & Amari. Amans & Amatus. Continens & Contentum.

II. *Ejuſdem Nominis.*

Fratres; Sorores; Cognati; Fratrueles; Conjuges; Affines; Populares; Tribules; Concives; Comites; Collegæ; Contubernales; Commilitones; Coævi; Conſines; Vicini; Socii; Amici; Inimici; Adverſarii; Hoſtes; Alieni; Conſcii; Competitores; Rivales;

Rivales; Cohæredes; Conservi; Hospites; Dissentanea; Comparata; Conjugata.

Deut. 13. 6. Isa. 24. 2. Mic. 7. 6. Mat. 10. 21, 35, 36.

## C A P. XI.

## De Adversis.

**A**dversa sunt, quorum unum uni positivè opponitur, & Neutrum pendet ex alterius affectione. Aliàs appellantur *Contraria*. *Aristoteli* *Evassia*.

*Exempli gratia.*

Calor & frigus (vel in concreto Calidum & frigidum) Humiditas & siccitas; Mollities & durities; Albedo & nigredo; Dulcedo & amaritudo; Amor & odium; Voluptas & dolor; Virtus & vitium; Prudentia & stultitia; Fortitudo & ignavia; Justitia & injustitia; Temperantia & intemperantia; Mansuetudo & crudelitas; Severitas & lenitudo; Magnanimitas & pusillanimitas; Modestia (sive Humilitas) & superbia; Liberalitas & avaritia; Frugalitas & prodigalitas; Amicitia & inimicitia; Felicitas & miseria; Consensio & dissensio; Similitudo & dissimilitudo; Paritas & imparitas; Præmium & pœna; Honor & infamia; Generatio & corruptio; Augmentatio & diminutio; Ascensio & descensio; Prosequi & fugere; Suadere & dissuadere; Laudare & vituperare; Accusare & defendere; Absolvere & condemnare; Benedicere & maledicere; Sperare & timere;

timere; Promittere & minari; Hortari & dehortari;  
 Aperire & claudere; Ligare & solvere; Remittere  
 & retinere; Placere & displicere; Dare & auferre;  
 Inspirare & expirare; Dilatare & contrahere; *et cetera*  
*et cetera* & *et cetera*.

*Eccles. 3. 2, 3, 4, 5, 6, 7, 8.*

Sic etiam (quanquam contra vulgarem opinionem)  
 in substantiis, Corpus & Spiritus; Homo & Brutum;  
 Ignis & Aqua, &c. Quæ non solum qualitatibus op-  
 ponuntur, sed primario & præcipue ipsis formis &  
 essentiis, unde illæ qualitates fluunt.

Ex his & multis aliis Exemplis apparet, hunc lo-  
 cum multo latius patere quam vulgò docetur. Alio-  
 qui nullum esset caput inter Opposita (opposita enim  
 ea esse nemo negare potest) ad quod referri pos-  
 sent.

Adversa sunt vel Immediata, ut Par & impar in  
 numeris, vel Mediata, ut Albedo & Nigredo in colo-  
 ribus.

## C A P. XII.

## De Privantibus.

**P**rivantia sunt Habitus & privatio ejusdem.

*Aristoreli* <sup>ἔξω, ὁ σέπνος.</sup> Post-prædic. 1.

Habitus est Ens sive positivum quid.

Privatio est absentia habitus in subiecto habili.

*Exempli gratiâ.*

Vita & mors (vel in concreto, Vivus & mortuus)  
 Visus & cæcitas; Lumen & tenebræ; Scientia &  
 ignorantia; Memoria & oblitio; Passio & apathia;  
 Dolor & indolentia; Divitiæ & paupertas; Motus &  
 quies; Plenum & vacuum; Pater & orbus; Filius &  
 orphanus; Maritus & viduus; Uxor & vidua; Lo-  
 quelâ præditus & mutus; Vestitus & nudus; Arma-  
 tus & inermis; Hæres & exhæres.

In hoc & præcedente Capite tres errores cautè  
 vitandi sunt.

1. Ne Privantia pro Adversis accipiamus: præ-  
 fertim ubi neutra pars componitur ex particulâ priva-  
 tivâ; ut in his, Vivus & mortuus; Videns & cæcus;  
 Dives & pauper; Motus & quies.

2. Ne Adversa pro Privantibus accipiamus: præ-  
 fertim ubi altera pars componitur ex particulâ pri-  
 vativâ: ut in his, Injustitia, Intemperantia, Inimi-  
 citia, Infamia, Ignominia, Inparitas, Dissentanea,  
 Diffimilia, Displicere, Dissuadere.

3. Ne Habitum pro Privatione; aut Privationem  
 pro Habitu accipiamus; ut in his, Mors & Immorta-



litas; Corruptibile & Incorruptibile; Otium & Negotium; Σχολή & Ἀσχολία. In quibus prius est privatio, posterius habitus; cum tamen contra esse videatur ob rationes prædictas.

Hos omnes errores uno modo cavebimus, nempe si non ad formam sive figuram, vel sonum vocum, sed ad vim & significationem attendamus.

Privantia in Subiecto habili sunt immediate Opposita.

## C A P. XIII.

### De Contradicientibus.

**C**ontradicientia sunt, quorum alterum ait, alterum negat idem.

*Aristoteli, Κατάφασις, καὶ Ἀπόφασις. Post-prædic. 1.*

Affirmatum est Finitum, Negatum Infinitum. Ut suprà cap. 2. §. 3. *Est vel Finita.*

*Exempli gratiâ.*

Homo & Non homo; Videns & Non videns; Dives & Non dives; Vestitus & Non vestitus; Memor & Non memor.

Imò etiam negatione appositâ ad terminum privativum; ut Cæcus & non cæcus; Pauper & non pauper; Nudus & non nudus; Oblitus & non oblitus; Orbus & non orbus; Orphanus & non orphanus; Viduus & non viduus.

Fabii

Fabii non dimicare erat vincere. *Val. Max.* lib. 7. cap. 3.

Si scalpra & formas non futor. *Hor.* lib. 2. Ser. 3.

Licebat quem nolebam non defendere. *Cic.* Epist. fol. 95.

*Gen.* 15. 13. *Deut.* 32. 21. *2 Chron.* 13. 9. *Psal.* 44. 12. & 59. 4. *Eccles.* 7. 17. *Isai.* 10. 7. & 31. 8. & 43. 13. & 51. 21. & 52. 3. & 55. 1, 2. *Jer.* 2. 32. & 17. 11. & 22. 13. *Dan.* 11. 20. *Habac.* 1. 6. & 2. 6. *Act.* 15. & 5. 26. & 12. 18. & 17. 4, 12. & 20. 12. & 21. 12. & 24. 18. & 28. 2. *Rom.* 9. 25. & 14. 6. *Gal.* 4. 17. *1 Tim.* 1. 20. *1 Job.* 5. 16, 17.

Hujusmodi negationes & inde ortæ contradicções appellantur *Simplices* sive *Topicæ*. De affirmatione & negatione Axiomaticâ, sive Propositionum, dicetur lib. 2. cap. 2, & 6.

Contradientia sunt immediatè opposita.

## C A P. XIV.

## De Disparatis.

**O**pposita ut unum pluribus, sunt Disparata & Repugnantia.

*Disparata* sunt, quorum unum pluribus ejusdem ordinis opponitur.

*Exempli gratia.*

Ex Substantiis corporeis, Homo, arbor, lapis.

Ex Quadrupedibus, Leo, equus, bos, ovis, canis, lepus.

Ex Arboribus, Vitis, ficus, olea, quercus, ulmus.

Ex Coloribus, Album, rubrum, viride, flavum.

Ex Vocibus, Ridere, boare, hinnire, latrare, rugire.

Ex Gentibus, *Anglia, Gallia, Hispania, Germania.*

Quædam, quæ in abstracto sunt Disparata, in concreto sunt solummodo Diverſa, aut etiam conſentanea.

*Exempli gratia.*

Prudentia, Juſtitia, Fortitudo, Temperantia, ſunt diſparatæ ſpecies virtutis, ut per Objecta & Actus diſtinguuntur: Sed in concreto bene conveniunt, imò neceſſariò connexæ ſunt. Idem enim homo, & prudens, & juſtus, & fortis, & temperans eſt. Sic Albedo & dulcedo diſparatæ qualitates ſunt: At idem poteſt & album & dulce eſſe.

C A P.

## C A P. XV.

## De Repugnantibus.

**R**epugnantia sunt, quorum unum pluribus non ejusdem ordinis opponitur; vel (ut alii definiunt) sunt Oppositorum antecedentia & consequentia. Vide *Keckerm. Syst. Logic. lib.1. Sect. poster. Cap.6.*

*Exempli gratia.*

- Amicum esse. Odisse, invidere, ἐμχάσασθαι, fraudare, opprimere, prodere, adulari, improbum esse. Item non amare, non bene velle, non bene facere, non congaudere & condolere, non veracem esse, non fidelem esse, non bonum virum esse.
- Equum esse. Balare, boare, rugire. Item non hinnire.
- Hinnire. Ovem, bovem, leonem esse. Equum non esse.
- Hominem esse. Irrationalem esse, mortuum esse, Animal non esse.
- Spiritum esse. Habere carnem & ossa, contrectari, videri. *Luc.24.39.*
- Præteritum. Prævisio, prædictio, consultatio.
- Futurum. Memoria, Oblivio, Historia.
- Bonum. Odisse, metuere, irasci, minari.
- Malum. Diligere, optare, sperare, promittere.
- Prudentem esse. Injustum, avarum, intemperantem esse. Justum, liberalem, temperantem non esse.

Deum esse.

Factum esse, *Hof.* 8.6. *Mentiri, Heb.* 6.

18. Non omnipotentem, non omniscium, non veracem, non Optimum Maximum esse.

Bonam arbo-  
rem esse.} Malos fructus ferre, Bonos non fer-  
} re.Malam arbo-  
rem esse.} Bonos fructus ferre, Malos non fer-  
} re.

*Gen.* 13. 8. & 18. 25. *Num.* 23. 19. *Deut.* 22. 5.  
*Prov.* 17. 7. *Eccles.* 3. 16. & 10. 7. *Joh.* 2. 16. *1 Cor.* 8.  
 7, 8, 15, 16. & 11. 13, 14, 15. & 13. 4, 5, 6. *1 Tim.* 3. 3,  
 6, 8. *Tit.* 1. 7. *Jac.* 3. 10, 11, 12.

Hinc apparet, Hunc locum, quantumvis ab aliquibus neglectum, aut obscure sub Loco Disparatorum comprehensum, magni usus esse, & latissime patere, adeoque distinctum genus Oppositorum poni debere.

Repugnantium vox aliàs latius accipitur pro Oppositis in genere.

## C A P. XVI.

*De Comparatis. Et primò De Similibus.*

**F**uerunt Argumenta Simplicia tam Consentanea  
quàm Dissentanea.

Comparata sunt, quæ inter se comparantur.

De his in genere duo notanda.

1. Quòd hæc etiam ficta arguunt fidemque faciunt.

2. Quòd enuntiantur Aliquando contractè & breviter unà quasi sententiâ: Aliquando explicatè duabus distinctis partibus; Quarum prior *Protasis* sive *Propositio*, posterior *Apodosis* sive *Redditio* appellatur.

Comparata sunt vel in qualitate, vel in quantitate.

Per Qualitatem hic intelligimus Absolutum sive Positivum: per Quantitatem Gradum. Nam & ipsa Quantitas absolutè (id est, absque Gradu) considerata, pro Qualitate accipitur; ut infra §. *Sic accipiendo.*

In Qualitate Comparata sunt Similia & Dissimilia.

*Similia* sunt, quorum eadem est qualitas; id est, quæ in aliquâ re absolutè sive positivè conveniunt.

Horum notæ sunt, Similis, imago, effigies, more, ritu, instar, imitari, assimilare, assimulare, quasi, ceu, tanquam, ut, velut, veluti, sicut, sicuti, quomodo, quemadmodum, prout, perinde, sic, ita, itidem, qualis, talis, frater, germanus, socius, cognatus, affinis, assidens, exemplum, exemplar.

Item negatio *Dissimilitudinis*: Non dissimilis, non dispar, non alienus, non alius, non aliàs, non aliter, non secus, non diversus, non differens, non abludens.

Similitudo est Propria, vel Metaphorica. Illa dicitur Παράδειγμα, Exemplum: Hęc Παρόμοια, Parabola.

*Exempla prioris Generis.*

Duo viri fortes (ut *Hector* & *Achilles*) duo timidi, duo constantes, duo inconstantes, duo avari, duo mortales.

Vide *Plutarchi* Vitas parallelas; *Thesei* & *Romuli*, *Lycurgi* & *Numæ*, *Demosthenis* & *Ciceronis*, *Agésilai* & *Pompeii*, *Alexandri* & *Cæsaris*, &c.

*Gen.* 9. 3. & 48. 5. *Judic.* 1. 7. & 11. 24. *1 Sam.* 8. 8. *1 Reg.* 16. 2, 3. *2 Reg.* 8. 27. *Prov.* 18. 9. & 28. 24. *Eccles.* 8. 14. & 9. 2. *Isa.* 10. 9, 10, 11. & 14. 10, 24. & 24. 2. *Zech.* 1. 6. *Matth.* 5. 12. & 6. 10, 12. & 22. 39. *Luc.* 6. 35, 36. & 17. 26, 27, 28, 29, 30. *Act.* 7. 51. & 14. 15. *1 Cor.* 11. 1. & 15. 48, 49. & 16. 1, 10. *1 Thes.* 2. 14. *1 Tim.* 5. 2. *2 Tim.* 3. 8, 9. *Heb.* 2. 17. & 4. 15. *Jac.* 5. 10, 17. *2 Pet.* 2. 1, 15.

Sic accipiendo Quantitatem pro Qualitate, viz. consideratam absolute & absque gradu. Ex gr. Instar montis equum; id est, Magnitudine similem, non æqualem.

*Gen.* 13. 16. & 15. 5. & 32. 12. & 41. 49. *Num.* 13. 33. *Deut.* 2. 10, 21. & 10. 22. *Jes.* 11. 4. *Judic.* 6. 5. *1 Reg.* 10. 27. *1 Chron.* 12. 8, 22. *2 Chron.* 1. 9, 15. *Isa.* 24. 2. *Joel* 2. 11. 25. *Amos* 2. 9. *Heb.* 11. 12.

*Exempla posterioris Generis.*

Vir fortis similis est Leoni, equo generoso; Timidus damæ, lepori: Constans Soli, Terræ, lapidi quadrato: Inconstans Lunæ, Mari, Euripo, vento, ventilogio, polypo, chamæleonti, rotæ: Avarus, lupo, milvio, sepul-



## Cap.XVI.

## De Similibus.

41

sepulcro, inferno: Mortalis inquilino, viatori, gramini, flori, fumo, bullæ, umbræ, somnio..

Hujus Generis sunt pleræque omnes Similitudines apud Autores: quæ ab *Erasmo* & aliis collectæ sunt. Omnes etiã Metaphoræ & Allegoriæ.

*Cic. Offic. 10. b.* In referendâ gratiã debemus imitari agros fertiles, qui multo plus afferunt quàm acceperunt.

Idem ibid. ex *Ennio*.

*Homo, qui erranti comiter monstrat viam,*

*Quasi lumen de lumine suo accendat, facit :*

*Nihilominus ipsi lucet, cùm illi accenderit.*

*Ergasilus* apud *Plautum* *Capteiv. Act. 1. De se & aliis parasitis.*

*Quasi mures semper edimus alienum cibum.*

2 *Sam.* 14. 14. 2 *Reg.* 18. 21. *Job.* 8. 14. & 14. 2. *Psal.* 1. 3, 4. & 37. 20. & 68. 2. & 123. 2. & 124. 7. & 125. 1, 2. & 126. 1, 4. & 127. 4. & 128. 3. & 129. 6. & 133. 2, 3. *Prov.* 1. 17, 18, 19. & 5. 3, 4, 19. & 6. 5, 27, 28, 29. & 7. 22. & 10. 15, 20, 25, 26. & 11. 22. & 12. 4. & 13. 14. & 15. 19. & 16. 24, 27. & 17. 3, 8, 14, 22. & 18. 4, 8, 10, 11. & 19. 12, 13. & 20. 5, 25, 27, 30. & 21. 1. & 22. 5. & 23. 5, 27, 28, 32, 34. & 24. 34. & 25. 11, 12, 13, 14, 18, 19, 20, 22, 23, 25, 26, 27, 28. & 26. 1, 2, 6, 7, 8, 9, 11, 14, 17, 18, 19, 20, 21, 22, 23, 27. & 27. 8, 9, 15, 16, 17, 18, 19, 20, 21. & 28. 3, 15. & 29. 5. & 30. 14, 33. & 31. 14. *Eccles.* 7. 6. & 9. 12. & 10. 1. & 12. 2, 3, 4, 5, 6, 11. *Isa.* 36. 6. & 53. 2, 6, 7. *Fer.* 13. 11. & 17. 11. *Hos.* 13. 3. *Mic.* 5. 8. & 7. 4. *Naum.* 1. 10. & 3. 12. *Zech.* 12. 6. *Mat.* 7. 24, ad finem cap. & 10, 16. & 11. 16. & 23. 16, 24, 25, 27, 33, 37. *Rom.* 6. 4. & 7. 2, 3, 4. & 11. 16, 17, &c. 1 *Thess.* 5. 2, 3. *Jac.* 1. 6, 10, 11,

11, 23. & 2. 26. & 4. 14. 1 Pet. 5. 8. Sapien. 5. 9, 10, 11, 12, 14.

Hujusmodi sunt Parabolæ Specialiter sic dictæ, quæ plerunque fictâ Protasi constant; ut illa *Menenii Agrippæ* apud *Livium*, lib. 2. cap. 32. de conspiratione membrorum corporis adversus ventrem.

*Judic.* 9. 8, &c. 2 *Sam.* 12. 1, &c. & 14. 5, &c. *Psal.* 80. 3, &c. *Isa.* 5. 1, &c. *Jer.* 18. 2, &c. *Ezec.* 16. 3, &c. & 19. 2, &c. Et ver. 10, &c.

Maximè autem Parabolæ Servatoris nostri in Evangelio. Quarum aliquas Ipse plenè & particulatim interpretatur; ut *Mat.* 13. 18, &c. Et ver. 37, &c. Et ver. 49, 50. Et *Luc.* 7. 41, 42, 43, 44, 45, 46, 47.

Aliquas brevius applicat, ut *Mat.* 18. 35. & 20. 16. & 21. 43. & 24. 42, 43, 44. *Luc.* 6. 45. & ver. 47, 48, 49.

In aliquibus relinquit Apodofin colligendam ex Protasi; ut *Mat.* 13. 31, 32. Et ver. 33. Et ver. 44. Et ver. 45, 46. Et cap. 21. 33, &c. Et cap. 22. 1, &c. Et 24. 45, &c. Et 25. 14, &c.

Huc etiam pertinent Apologi sive Fabulæ morales: quales sunt illæ *Æsopicae*. Ex gr. Ut Gallus gallinaceus præfert grânnum hordei omnibus gemmis: ita Stultus præfert exiguum commodum, aut voluptatem corporis omnibus animi bonis.

Parabola sive Fabula ipsa est Protasis sive Propositio: Morale (ut vocatur) est Apodofis sive Redditi.

Omnis Similitudo, præsertim Parabolica, conjunctam habet aliquam Dissimilitudinem. Hinc illa dicta, Omne simile est etiam dissimile. Omnis similitudo claudicat. Nullum simile est idem. Nulla similitudo currit quatuor pedibus. Satis est si similitudo quadret in eo ad quod arguendum adhibetur.

*Mat.* 10. 16. 1 *Cor.* 14. 20.

Similitudo

Similitudo rationis est, cùm ratio inter Comparata eadem est genere, licèt non gradu.

*Exempli gratia;*

Similiter debitor est is qui centum minas debet, atque is qui mille, licèt non pariter.

Similis, licèt non æqualis, ratio est furti & latrocinii: Scortationis, adulterii, & incestus: Mendacii & perjurii: Mendacii officiosi, jocosì, & perniciosi: Et ut verbo dicam, *Omnia peccata similiter mala & prohibita sunt, licèt non pariter.* Quod fefellit Stoicos.

Sic qui peccatum facit, & qui consentit, consulit, suadet, adjuvat, approbat, permittit, aut ullo modo participat, omnes similiter in culpâ sunt, sed non pariter. *Luc. 16. 10.*

Contrariorum ad contraria similis ratio est, licèt non semper par.

*Exempli gratiâ.*

Defendere aut absolvere nocentem, & accusare vel condemnare innocentem similiter injusta sunt. *Prov. 17. 15.* Licèt posteriora pejora sunt. *Mat. 27. 26.*

Sic in illo Exemplo *Quintiliani*, lib. 5. cap. 11. *Si turpis est consuetudo Dominae cum Servo, turpis est Domini cum Ancillâ.*

Sic patrum vel avunculum ducere neptem ex fratre vel sorore, similiter nefarium est, ac patrem ducere filiam, licèt non pariter.

Item patrem ducere filiam, ac filium ducere matrem.

Item patrum vel avunculum ducere neptem ex fratre vel sorore, ac nepotem ducere amitam vel mater-

materteram, similiter (& quidem pariter ratione propinquitatis) incestuosa sunt: Et si posteriora videantur esse magis contra ordinem, ratione dominii & subjectionis; quod nihil est ad rationem incestus.

Sic in sequentibus exemplis similis saltem ratio est, si non etiam par.

*Cic. pro Syllâ* 172. *b.* Si invides quod omnes boni omnium generum atque ordinum suam salutem cum meâ salute conjungunt: consolare te quod omnium mentes improborum mihi uni maximè sunt infensæ atque adversæ.

Et *ibid.* 176. *a.* Neque verò quid mihi irascere, intelligere possum. Si quod eum defendo; quem tu accusas: Cûr tibi ipse quoque non succenseo, qui accuses eum quem ego defendo? Inimicum, inquis, accuso meum. Et amicum ego defendo meum.

Idem de *Senect.* 84. *b.* Ut adolescentem, in quo senile aliquid; ita senem, in quo est adolescentis aliquid, laudamus.

Idem de *Amic.* 102. *b.* Si utilitas amicitias conglutinat: Eadem commutata dissolveret.

Idem de *Offic.* 64. Negant sapientis esse, pluris emere, quàm potuisset; ut si minoris, quàm poruisset, vendidisset.

*Boëtius de Consol.* lib. 3. Quem felicitas amicum fecit, infortunium faciet inimicum.

*Quintilian.* lib. 1. cap. 6. Ut novorum verborum optima sunt maximè vetera; ita veterum maximè nova.

1 *Sam.* 2. 30. *Job.* 8. 20. *Psal.* 18. 25, 26, 27. *Prov.* 10. 1, 4, 5, 6, &c. & 18. 12, 14, 23. & 19. 12, 16. & 22. 3. & 27. 6, 7, 12. & 28. 1, 4, 12, 13, 14, 18, 19, 27, 28. & 29. 2, 15, 23, 27. *Fer.* 18. 7, 8, 9, 10. *Ezec.* 18. per totum. *Zech.* 7. 13. *Mat.* 10. 32, 33, 39. & 7. 17, 18. & 13. 12. & 23. 12. *Luc.* 10. 10, 25. *Rom.* 5. 18, 19, 21.

& 6.20,21,22. 1 Cor.7.2,3,4,10,11,12,13,14,16,18,  
22,32,33. & 15.22. Gal.6.8. 2 Thess.1.6,7. Com-  
& sub para 1 Tim.3.2. cum Cap.5.9. Hebr.5.13,14 Sirac.  
10.31. & 11.11,12,13,25.

## C A P. XVII.

## De Dissimilibus.

**D**issimilia sunt, quorum diversa est qualitas; id est,  
quæ in aliquâ re positivè sive absolutè dissen-  
tiunt.

Itaque omnis dissimilitudo fundatur in Dissentaneis.  
Et Dissimilia sunt Dissentaneorum subiecta.

## Exempli gratiâ.

Albedo & nigredo (vel Album & nigrum) sunt  
Dissentanea, nempe Adversa: id quod est album (ut  
Cygnus) & id quod est nigrum (ut Corvus) sunt  
Dissimilia. Quod idem apparet in omnibus exemplis  
Dissimilium hîc sequentibus.

Notæ Dissimilium sunt Dissimilis, Dispar, Dif-  
ferens, alius, aliàs, aliter, secus, interest, refert.

Item negatio Similitudinis, Non similis, non talis,  
non idem, non ut, non sicut, non ita, non sic.

Dissimilitudo (ut antea Similitudo) est vel Propria,  
vel Metaphorica sive Parabolica.

*Exempla*

## Exempla prioris Generis.

Vir fortis dissimilis est viro ignavo (ut *Achilles Ther-siti*) constans inconstanti, liberalis avaro, &c.

Anima humana (quæ immaterialis & immortalis est) dissimilis est animabus reliquorum viventium, quæ materiales & mortales sunt.

*Phædria & Thraso Ter. Eunuch. Act. 3. Sc. 2.*

*Atque hæc qui misit [scil. Phædria] non sibi soli postulat*

*Te vivere, & suâ causâ excludi cæteros :*

*Neque pugnas narrat, neque cicatrices suas*

*Ostentat, neque tibi obstat: Quod quidam [scil. Thraso] facit.*

*Sic Chærea & Dorus, ibid. Act. 4. Sc. 4.*

*Ad nos deductus hodie [scil. Chærea] est adolescentulus,*

*Quem verò tu videre velles, Phædria.*

*Hic [scil. Dorus] est vetus, vietus, veterinosus, senex, Colore mustelino.*

*Sic Antiphila & Bacchis, Heautont. Act. 1. Sc. 2.*

*Clinia habet bene & pudicè eductam, &c. [scil. Antiphilam]*

*Adea [scil. Bacchis] est potens, procax, magnifica, sumptuosa, nobilis.*

*Sic Sicilienses & cæteri Græci. Cic. Verr. I 10. Nihil [scil. in Siciliensibus] cæterorum simile Græcorum, nulla desidia, nulla luxuria: Contrà, summus labor, in publicis privatisque rebus, summa patrimonio, summa diligentia.*

Idem

Idem ibidem 228. Comparat *Verrem* cum *Marcello* ut longe dissimillimum.

Idem de *Offic.* 21. b. Ut in corporibus maximæ dissimilitudines sunt, &c. ita in animis existunt etiam majores varietates, &c. Harum multa exempla dat per integram paginam, fol. 22. a. Et pagina b. concludit sic. Innumerabiles aliæ dissimilitudines sunt naturæ, morumque minimè tamen vituperandorum.

*Gen.* 4.2. & 25.27. & 27.11. *Exod.* 1.19. *Num.* 12.6,7,8. *Deut.* 11.10,11,12. & 12.4,8,31. & 18.14. & 32.31. *1 Sam.* 16.7. *1 Reg.* 11.4,6. *Neb.* 5.14,15. *Job.* 10.4,5. *Psal.* 1.4,6. *Prov.* 15.7. *Isa.* 55.8. *Fer.* 22.15,16,17. & 51.19. *Zeck.* 1.4 & 8.11. *Mat.* 5.2,3,5,6,7,8,16,32,33. & 7.29. & 20.25,26. & 25.1,2,&c. Et ver. 16,17,18. Et ver. 32,&c. *Job.* 2.10. & 4.13,14. & 6.58. & 14.27. *1 Cor.* 10.6,7,8,9,10. & 15.42,43,44,47. *2 Cor.* 2.17. & 3.1. *Eph.* 4.17,&c. *1 Theff.* 4.5. & 5.6. *Hebr.* 9.25.

### *Exempla posterioris Generis.*

Fortis dissimilis est lepori, damæ. Ignavus leoni, &c. ut ex Capite præcedente colligere licet.

#### *Catullus.*

*Soles occidere, & redire possunt:*

*Nobis cum semel occidit brevis lux,*

*Nox est perpetua una dormienda.*

*Job.* 14.7,8,9,10,11,12. *Isa.* 1.3. *Fer.* 8.7. *2 Cor.* 3.13.

Sic in omnibus Parabolis, Fabulis, Apologis, contrario modo applicatis.

#### *Exempli*



*Exempli gratiâ.*

Non ut Gallus gallinaceus præfert granum hordei omnibus gemmis, ita sapiens præfert exiguum commodum aut voluptatem corporis omnibus animi bonis.

Undecunque enim peti potest *Similitudo*, inde etiam in re contrariâ peti potest *Dissimilitudo*. Sic, Avibus, quæ æstate adsunt, hyeme avolant, falsi amici similes, veri dissimiles sunt.

## C A P. XVIII.

*De Paribus.*

**C**omparata in quantitate sunt *Paria & Imparia*. Notandum, Omnem comparisonem in quantitate (sive Paritatem sive Imparitatem) præsupponere convenientiam in qualitate, id est, Similitudinem. Neque enim propriè dici possunt duæ res aut pariter aut impariter tales, nisi ambæ sint positivè & absolutè tales. Vide *Aristotelem* in *Categoriâ Qualitatis* sub finem Capituli. Quæ igitur aliter sonare videntur, figuratæ locutiones sunt: de quibus vide infra in fine Capituli proximi.

Paria sunt, quorum eadem est quantitas, id est, quæ sunt æquali gradu.

Notæ parium sunt, Par, pariter, æquus, æquè, æqualis, æqualiter, æquare, adæquare, æquiparare, idem quod, tam quàm, tantum quantum, tanto quanto, eo quo, tot quot.

Item

Item, Negatio imparitatis, Non magis, non minus. Sic negatio cujusvis vocis comparativi aut superlativi gradus; ut, Non melior, non doctior. Item verborum, quæ Imparitatem significant; ut, Nihil refert, nihil interest, non præpono, non antepono, non præfero, non antefero, non excello, non præcellō, non antecello, non vinco. Et contra, Non posthabeo, non cedo, non concedo, non vincor.

*Exempla Parium.*

Consules *Romani* erant pares potestate; Cives omnes libertate.

*Hor. lib. 1. Od. 4.*

*Pallida mors æquo pulsat pede pauperum tabernas,  
Regumque turres; id est, Pauperes & Reges sunt  
æque mortales.*

*Cic. Offic. 9.* Qui aliis nocent, ut in alios liberales sint, in eadem sunt injustitiâ, ut si in rem suam aliena convertant. Et *ibid. 50.* Quid est aliud, quam aliis sua eripere, aliis dare aliena?

Idem *ibid. 18.* Quânto superiores sumus, tantò nos submissius geramus.

Idem in *Verr. 98.* Si finem edicto Prætoris adferunt Calendæ *Januarij*, cur non initium quoque edicti nascitur ex Calendis *Januarij*? An in eum annum nemo progredi poterit edicto, quò Prætor alius futurus est; in eum, quò Prætor alius fuit regreditur?

*Ibid. 189. b.* Quamobrem enim Scriba deducat? Ac non potius mulio, qui advexerit? Tabellarius, cujus adventu certiores facti petiverunt? Præco qui adesse iussit? Viator ac Venerius, qui fiscum sustulit?

Quæ pars operis aut opportunitatis in Scriba est? Id est, Si Scriba potest deducere, pariter etiam mulio, tabellarius, præco, viator & venereus: Si hi non possunt, tum pari ratione nec Scriba potest.

Idem *Philippic.* 166. Si id quod me arguis voluisse interfici *Cæsarem*, crimen erit: etiam lætatum esse morte *Cæsaris*, crimen erit. Quid enim interest inter suaforem facti, & probatorem? Aut, quid refert utrum volueris fieri, an gaudeas factum?

*Juvenal.* lib. 1. *Satyr.* 3. 143.

*Quantum quisque suâ nummorum servat in arcâ,  
Tantum habet & fidei.*

*Virg.* 6. *Æneid.*

*Si potuit manes arcessere conjugis Orpheus:*

*Si fratrem Pollux alternâ morte redemit, &c.*

————— *Quid Thesea magnum?*

*Quid memorem Alciden? Et mî genus ab Jove summo.*

Id est, Si *Orpheus*, *Pollux*, *Theseus*, *Hercules* hoc fecerunt: Cur non & ego pariter faciam? Nam & ego proles *Jovis* sum æquæ ac illi.

*Judic.* 11. 24, 25. *1 Sam.* 17. 37. *1 Reg.* 19. 4. *Job.* 12. 3. & 13. 2. *Eccles.* 2. 16. & 3. 19, 20, 21. & 5. 15. *Amos* 6. 2. *Nabum* 3. 8, 9, 10. *1 Cor.* 9. 5, 6, 13, 14. *2 Pet.* 3. 8.

Si ratio Contrariorum ad Contraria sit non tantum similis, sed etiam æqualis: Exempli erunt hujus loci. Et sic forte quædam ex iis, quæ Capite decimo sexto adducta sunt, ad hoc Caput referri possunt.

## C A P. XIX.

*De Imparibus; id est, Majore & Minore.*

**I**mparia sunt, quorum diversa est quantitas; id est, Quæ differunt gradu. Suntque Majus & Minus.

Notæ Imparium sunt, Impar, inæqualis, magis, minus, potius, insuper, imprimis, maximè, præcipuè, præsertim, idque, saltem, imò verò.

Item omnes voces Comparativi & Superlativi gradus; ut Doctior, doctissimus.

Item Verba, quæ iis æquipollent; ut Malo, præsto, antesto, præcello, excello, antecello, præcedo, excedo, antecedo, supero, emineo, superemineo, præeo, anteo, vinco, præfero, antefero, præpono, antepono, interest, refert.

Item horum contraria; ut Cedo, concedo, posthabeo, postpono, vincor, superor.

Item, Non solum sed etiam, Non solum sed ne, nedum, tantum abest, adeo non, ne quidem.

Item, Negatio Paritatis aut Similitudinis vel Comparisonis; ut, Non par, non pariter, non æquus, non æquè, non æqualis, non æqualiter, non æquare, non æquandus, non comparandus, non conferendus, non tam quàm, non tantus quantus, non tot quot, non talis qualis, non sicut, non sic, non similiter.

## Exempla Imparium.

Lunæ splendor minor est quàm Solis, major quàm Stellarum. Stellarum quantitas major est quàm Lunæ, minor quàm Solis. Ipsæ etiam Stellæ inter se impares sunt tum magnitudine tum splendore.

*Florus* lib. 1. cap. 7. Superbia crudelitate gravior est bonis.

*Cic.* de *Amic.* 99. *b.* Hoc præstat Amicitia Propinquitati, quòd ex propinquitate benevolentia tolli potest, ex amicitia non potest.

Idem in *Verr.* 202. Malo emere quàm rogare.

Idem ad *Attic.* 122. *b.* Malo cum *Pompeio* vinci, quàm cum istis vincere.

Idem pro *Plancio* 278. Si vitæ cupiditas contra Rempublicam turpis est: certè multò mortis cupiditas mea turpior fuisset cum perniciæ Civitatis.

Idem pro *Rabirio* 92. *b.* *Porcia* lex virgas ab omnium civium *Romanorum* corpore amovit: hic misericors flagella retulit. *Porcia* lex libertatem civium Lictori eripuit: *Labiennus*, homo popularis, carnifici tradidit.

Idem in *Catilin.* 97. *b.* gradatim ascendit à Minore ad Majus. Hic tamen vivit. Vivit? imò verò etiam in Senatum venit, fit publici consilii particeps, notat & designat oculis ad cædem unumquemque nostrum.

*Davus* Ter. *Phorm.* A&I. Sc.2.

——— *Abi sis insciens:*

Cujus tu fidem in pecuniâ perspexeris,  
Vereris ei verba credere? ubi quid mihi lucri est  
Te fallere?

Et Heautont. Act. 5. Sc. 1.

*Non auderet hæc facere viduæ mulieri  
Quæ in me facit.*

Et Adelph. Act. 1. Sc. 1.

*Pudore & liberalitate liberos  
Retinere satius esse credo, quàm metu.*

Hor. lib. 1. Ep. 2.

*Ut jugulent homines, surgunt de nocte latrones:  
Ut teipsum serves, non expergisceris?*

Num. 24. 7. Judic. 8. 2. Ruth. 2. 13. 1 Sam. 15. 22.  
2 Sam. 19. 7. 1 Reg. 5. 6. & 4. 30, 31. & 12. 10, 11.  
2 Reg. 3. 2. & 14. 3. & 17. 2. & 18. 5. & 23. 22, 25.  
2 Chron. 9. 19, 22. Job. 12. 3. & 13. 2. & 28. 15, 16, 17,  
18, 19. Psal. 19. 10. & 84. 10. Prov. 3. 14, 15. &  
8. 11, 19. & 16. 16, 32. & 17. 10. & 18. 19, 24. &  
19. 1, 22. & 22. 1. & 27. 3, 4, 5, 10. & 21. 3. Eccles. 4.  
6, 9. & 7. 1, 2, 3, 19, 26. & 9. 4, 16, 17, 18. Isa. 55. 9.  
& 56. 5. Ezek. 15. 5. Mat. 6. 25, 26. & 11. 9, 11. &  
18. 22. & 19. 24. Marc. 12. 33, 43. Luc. 7. 9. & 11. 27,  
28. & 12. 1, 23, 24, 26, 27, 28. Job. 7. 46. & 16. 2. &  
19. 11. Act. 5. 29. & 20. 35. & 21. 13. Rom. 3. 2.  
1 Cor. 6. 6, 8. & 13. 13. & 14. 15. & ver. 18, 19. 2 Cor.  
3. 7, 8, 9, 11. Gal. 6. 10. Phil. 1. 29. & 4. 22. 1 Tim.  
4. 10. & 5. 8, 17. Heb. 1. 4. & 3. 3. & 11. 25, 26. 2 Pet.  
2. 10. 1 Job. 3. 20. & 4. 4. Sirac. 40. 18, 19, 20, 21,  
&c.

Gradatim Gen. 22. 2. 1 Sam. 4. 17. Jer. 24. 9, 10.  
1 Cor. 6. 7, 8.

A Majore ad Minus arguitur, Judic. 14. 16. 1 Reg.  
8. 27. 2 Reg. 5. 13. & 6. 27. & 10. 4. Neb. 5. 8. & 13.  
26, 27. Job. 4. 18, 19. & 9. 13, 14. & 15. 15, 16. &  
25. 5, 6. Prov. 15. 11. & 19. 7, 10. Jer. 25. 29.

*Exec.* 15. 15. *Mat.* 9. 5, 6. & 10. 25. *Luc.* 16. 31. & 23. 31. *Job.* 13. 14. *Rom.* 8. 32. & 11. 21. & 15. 27. *1 Cor.* 6. 2, 3. & 9. 11. *Gal.* 2. 14. *1 Pet.* 4. 17, 18.

A Minore ad Majus, *Gen.* 48. 11. *Exod.* 6. 12. *1 Sam.* 23. 3. *2 Sam.* 4. 10, 11. *Job.* 34. 18, 19. *Prov.* 21. 27. *Iſa.* 1. 3. *Fer.* 2. 10, 11, 32. & 8. 7. & 12. 5. & 35. 14. *Lam.* 1. 10. & 4. 3. *Ezec.* 14. 13, ad ver. 21. *Jona* 4. 10, 11. *Malac.* 1. 8. *Mat.* 6. 26, 28, 29, 30. & 7. 9, 10, 11. & 8. 8, 9. & 12. 3, 4, 5, 6, 11, 12, 41, 42. *Luc.* 7. 44, 45, 46. & 11. 13. & 12. 6, 7, 26, 27, 28. & 13. 15, 16. & 14. 5. & 16. 11. & 18. 6, 7. *Job.* 3. 12. & 7. 23. & 14. 5. *Rom.* 5. 8, 9, 10, 15, 17. & 11, 12, 15, 24. *1 Cor.* 9. 9, 10, 12. *2 Cor.* 3. 7, 8, 9, 11. *1 Tim.* 3. 5. *Heb.* 2. 2, 3. & 9. 13, 14. & 10. 28, 29. & 12. 9, 25. *1 Job.* 4. 20. & 5. 9. *Judith.* 8. 14. *Sapient.* 9. 16. *Sirac.* 28. 3, 4, 5.

Aliquando Argumentum, quod unâ ratione est à Majore, aliâ ratione est à Minore, Et contrâ. Ut, Quod magis difficile aut admirabile est, minùs est probabile.

Quod minùs malum est, magis eligendum aut tolerandum est.

Quod affirmatum Majus est, negatum Minus est. Et contrâ.

*Terent. Adelp.* 1. Act. 1. Sc. 1. Qui mentiri aut fallere infuerit Patrem, aut Audebit; multò magis audebit cæteros.

*Gen.* 44. 8. *Exod.* 6. 12. *Deut.* 31. 27. *1 Sam.* 23. 3. *2 Sam.* 12. 18. & 16. 11. *2 Reg.* 5. 13. *Prov.* 19. 7. *Lam.* 1. 10. *Mat.* 10. 25. *Luc.* 23. 31. *Job.* 3. 12. *Rom.* 5. 8, 9, 10. *2 Cor.* 11. 14, 15. *1 Job.* 4. 20. *Sirac.* 10. 31.

Quandoque plura Imparia complicantur, & fortius fit Argumentum.

*Exempli*



## Exempli gratia.

*Cic. Epist. fol. 97.* Nec putavi, cum integri pares non fuisset, fractos superiores fore.

Idem in *Verr. 223.* Eone tu servos ad spoliandum Templum immittere ausus es, quò liberos adire ne orandi quidem causâ fas esset?

*Ibid. 229. a.* Honestius est Reip. nostræ, ea quæ illis pulchra esse videantur Imperatorem nostrum in bello reliquisse, quàm Prætorem in pace abstulisse.

Idem in *Catil. 97.* An verò vir amplissimus *P. Scipio* Pontifex Maximus *Tiberium Gracchum* mediocriter labefactantem statum Reipublicæ privatus interfecit, *Catilinam* orbem terræ cæde atque incendiis vastare cupientem nos Consules perferemus?

Idem pro *Flacco 153.* Quantum sibi ablatum homo impudentissimus dicit, tantum nunquam est ausus, ut haberet optare.

Idem pro *Cælio 49. a.* Quod facinus in alienum hominem illatum severè accepisset, &c. ad finem lin. 12.

2 *Sam. 16. 11.* 1 *Chron. 17. 1.* *Prov. 14. 11, 20.* & 19.7. *Jonæ 4. 10, 11.* *Mat. 3. 14* & 7.3. *Luc. 7. 44, 45, 46.* & 15. 29, 30. 2 *Cor. 11. 14, 15.* *Gal. 2. 14.* *Judæ ver. 8, 9.*

*Mat. 18.* Si Dominus servo 10000 talenta remisit: multò magis servus conservo 100 denarios remittere debuit.

## Imparia Ficta.

*Cic. pro S. Roscio 30.* Si hunc apud bonorum emptores ipsos accusares, eique judicio *Chrysogonus* præesset, tamen diligentius paratiusque venisses; id est, multò magis apud hos iudices & hunc quæsitorem.

Et ibid. 37. Si hanc ei rem privatim *S. Roscius* mandasset, &c. Nunc non hanc ei rem *S. Roscius* mandavit, sed (id quod multo gravius est) ipse *S. Roscius* cum famâ, vitâ fortunisque omnibus à *Decurionibus* publicè *Roscio* mandatus est.

Idem in *Ver.* 186. Si mehercule te tuam pecuniam, non populi *Romani*, in provinciâ sœneratum docerem, tamen effugere non posses: Sed publicam, sed ob frumentum decretam, sed à publicanis sœnore accepto, hoc licuisse cuiquam probabis?

Idem *Philippic.* 172. Si inter cœnam in tuis immanibus illis poculis hoc tibi accidisset, quis non turpe duceret? In cœtû verò populi *Romani*, negotium publicum gerens, Magister equitum, cui vel ructare turpe esset, is vomens frustis esculentis vinum redolentibus gremium suum & totam Tribunal implevit. Vide *Quintilian.* lib. 8. cap. 4.

*Num.* 22. 18. *Ruth.* 1. 12, 13. 2 *Sam.* 18. 12. 1 *Reg.* 13. 8. 2 *Reg.* 5. 13. & 7. 2. 1 *Cor.* 13. 1, 2, 3.

Vide plura lib. 2. cap. 13. §. Excipe quòd in prolepticis.

### Figuratæ Locutiones.

I. Comparativum ponitur pro contrario positivi cum [*Minus.*]

#### Exempli gratiâ.

*Curtius.* Mare *Ponticum* dulcius est cæteris; id est, minus falsum. Vide *Linac.* Gram. lib. 2. de partium Enallage.

*Vilius argentum est auro, virtutibus aurum;*  
Id est, minus pretiosum. Sic Melius, pro minus malo, Deterius pro minus bono. Facilius pro minus difficili.

*Gen.* 38. 26. *Exod.* 14. 12. *Prov.* 21. 9, 19. & 26. 12. *Eccles.* 4. 2, 3. & 5. 5. & 6. 3. *Jer.* 3. 11. *Lam.* 4. 9. *Ezek.*

*Ezec.* 16. 52. *Mat.* 10. 15. & 11. 22, 24. & 18. 6, 8, 9. & 19. 24. *Marc.* 9. 42. *Luc.* 16. 17. & 17. 2. *Job.* 2. 10. *1 Cor.* 7. 9. & 9. 15. *2 Pet.* 2. 21. *Sirac.* 20. 18, 25, 31.

2. Comparativum pro Negativo. Hoc potius quam illud; id est, hoc non illud.

*Cic. Epist.* fol. 83. Iniquissimam pacem justissimo bello antefero; id est, Volo pacem, licet iniquissimam: nolo bellum, licet justissimum.

*Job.* 36. 21. *Psal.* 52. 3. *Prov.* 15. 16, 17. & 16. 8. & 17. 1; & 19. 1. & 25. 7. & 28. 6, 23. *Eccles.* 4. 13. & 5. 1. & 7. 5, 8. *Mat.* 10. 5, 6. & 21. 31. *Luc.* 18. 14. *Job.* 3. 19. *Eph.* 4. 28. & 5. 4, 11. *1 Tim.* 1. 4. *Heb.* 11. 4. 25. *1 Pet.* 3. 17.

3. Contra, Negativum pro Comparativo. Hoc, non illud: id est, hoc potius quam illud.

*Prov.* 8. 10. & 17. 12. *Hos.* 6. 6. *Joel.* 2. 13. *Luc.* 10. 20. & 14. 12, 13. *Job.* 6. 27. *1 Cor.* 1. 17. & 9. 9, 10. *1 Tim.* 2. 9, 10, 14. *1 Pet.* 2. 20. & 3. 3, 4.

Negativum & Comparativum junguntur. *Luc.* 10. 20.

4. Negatio Majoris ponitur pro Minore. Et contra, Negatio Minoris pro Majore.

*Ennius de Fabio, Cic. Offic.* 17. b.

Non ponebat enim rumores ante Salutem;  
Id est, Ante ponebat salutem rumoribus.

*Judic.* 11. 25. *Amos* 6. 2. *Nabum* 3. 8. *Luc.* 6. 40. *Job.* 4. 12. & 8. 53. & 13. 16.

## C A P. XX.

De Argumentis Ortis. Et primò De  
Nomine & Explicatione nominis.

**D**E Argumentis primis, tum Simplicibus tum Comparatis, dictum est.

Orta à primis sunt vel vocis, vel rei.

Vocis sunt, Nomen & Explicatio nominis, Nomen & Distinctio nominis.

Explicatio nominis est per Conjugata & Notationem.

## I. De Conjugatis.

Conjugata sunt voces ab eodem principio variè deductæ.

*Ex. gr.* Scribere, Scriptum, Scriptio, Scriptura, Scriptor, Scriptorius, Scripturarius, Scriptitare, Scriba.

Libertas, Liber, Liberè, Liberare, Liberatio, Liberator, Libertus, Libertinus.

*Cic. pro Flacco 157. b.* Definant putare, autoritatem esse in eo testimonio, cujus autor inventus est nemo.

*Idem Topic. 221. b.* Si compascuus est ager, jus est compascere.

*Idem Epist. fol. 97. b.* Si hæc civitas est, civem esse me.

*Idem Paradox. 119. b.* Si bene facta rectè facta sint & nihil recto rectius: certè nec bono quicquam melius inveniri potest.

*Aristot.*

Cap.XX. De Nomine & Explicatione nominis. 59

Aristot. Ethic. lib.8.cap.9. Κοινὰ τῶν φίλων, ἐν κοινότητι  
τὰς ἡ φιλία.

Quid prodest peccanti non habere conscium, habenti conscientiam?

Gen.18.25. An iudex totius terræ non faciet iudicium? Judic.11.27. 1 Sam.24.13. & 25.25. Psal.11.7. Isa.11.13. Recedet invidentia Ephraim, & vexatores in Juda excidentur: Ephraim non invidetbit Judæ, & Juda non vexabit Ephraim. & 32.6. Mat. 11.12. Job.8.36,44. & 10.10,16. Rom.3.26. & 7.7. & 8.24. & 13.1,2,8,9,10. 2 Cor.3.5,6. Gal.3.6,7,8,9. 1 Tim.6.17,18. Jac.4.4,10. 1 Job.3.7. & 4.7,8. Apoc.14.2. Sapient.6.10.

II. De Notatione sive Etymologia.

Notatio, sive Etymologia, est ratio nominis ab origine ejus.

Longius igitur petitur Notatio, quàm Conjugata.

Exempli gratiâ.

A Materiâ, Homo ab humo אָדָם ab אֲדָמָה  
Gen.2.7.

A Formâ. Animatum, & Animal, ab Animâ.

Ab Effecto. Focus, à fovendo. Fides quia fiat quod dictum est. Cic. Offic.5.b.

A Subiecto. Reus, cujus de re disceptatur. Cic. de Orator.125.138.

Ab Adjuncto. Æquor ab æquo. Cadaver à cadendo.  
Πτώμα ἀπὸ τοῦ πίπτειν. נֶבֶל אֶל נִבְּלָה

Ab Adjuncto temporis. Noctua quia noctu volat. Vespertilio quia vesperi volat.

A Dissentaneis. Lucus à non lucendo.

A

A Simili. Pyropus ἀπό τοῦ πυρός.

Gen. 2. 23. & 3. 20. & 4. 1, 25. & 16. 11. & 27. 36.  
& 31. 47, 49. & 32. 2, 28, 30. & 33. 17. Exod. 12. 27.  
Num. 13. 24.

Sic in multis propriis nominibus, præsertim hominum, & locorum.

Vitandæ autem sunt ineptæ Notationes sive Etymologiæ: quæ plerunque ex imperitiâ linguarum nascuntur.

Exempli gratiâ.

Πάσχα à πάσχειν, quia tum passus est Christus.

Cephas à κεφαλή, quia Petrus erat Caput Ecclesiæ.

Gloss. in *Extravagant. commun.* lib. 5. De penitentiis & remissionibus, fol. 35.

Apocrisarius, ab Apos nuntius & Chrisis aurum. Gloss. in cap. *Significasti. Extra de Electione* §. 4. Vide *Panormitan.* ibid. Qui hanc notationem videtur asserere, joco an serio nescio.

Acedia ab acido. *Aquin. Sum.* 22. q. 35. Art. 1. c.

C A P. XXI.

*De Nomine & Distinctione nominis.*

**D**istinctio nominis est, quâ vox homonyma, sive æquivoca, in sua varia significata distinguitur.

Hæc varia significata eveniunt vel casu, vel consilio & ratione aliquâ.

1. Casu, cum eadem vox significat plures res inter quas nulla est Affinitas sive Cognatio; adeoque cujus nulla ratio probabilis reddi potest.

*Exempli gratiâ.*

Malum pro pomo, & pro pravo. Populus pro gente, & pro specie arboris. Planta pro stirpe, & imâ parte pedis. Gallus pro Franco, & pro gallo gallinaceo. Hæc propriissimè dicuntur Homonyma sive Æquivoca: quia solo nomine sive voce conveniunt.

2. Consilio, sive ratione; cum inter res significatas est aliqua affinitas, adeoque aliqua ratio quare eodem nomine appellantur.

*Exempli gratiâ.*

Cum vox accipitur aliàs propriè, aliàs tropicè, id est, Metonymicè, Synecdochicè, Ironicè, Metaphoricè; ut Ferrum pro gladio & pro materiâ ejus. Ecclesia pro Congregatione, & pro loco in quo Congregantur. Tectum, pro domo & pro superiore parte ejus. Flos agri, Flos lactis, Flos ætatis, Flos orationis, Flos populi, &c.

Item,



Item cùm vox accipitur (ut nulla ferè non accipitur) aliàs latiùs, aliàs strictiùs; ut, Virtus accipitur strictè pro Fortitudine, latè pro virtute morali in genere, latiùs ut comprehendit etiam virtutes intellectuales, latissimè pro cuiusque rei vi sive potentiâ ad operandum.

Item cùm vox accipitur aliàs positivè, aliàs privativè; ut inhabitabile, pro eo quod potest, aut quod non potest inhabitari. Investigabile, pro eo quod potest, vel quod non potest investigari. *Rom.* 11. 33.

Item cùm vox aliàs in bonam, aliàs in malam partem accipitur; ut Parsimonia pro Frugalitate, & pro Avaritia. *Εὐτεγμία* pro Urbanitate, & pro Scurritate, *Ephes.* 5. 4. Otium aliàs pro Quietè, Pace, aut (ut *Seneca* interpretatur lib. 10. Ep. 74.) Arbitrio sui temporis, aliàs pro Desidiâ. Privilegium pro privatâ lege de aliquo, sive in ejus favorem vel commodum (ut vulgo) sive in ejus damnum & incommodum, ut communiter apud *Ciceronem*. *Τύπῳ*, Exemplum sive ad imitandum, ut *Philip.* 3. 17. 1 *Thess.* 1. 7. sive ad cavendum & vitandum, ut 1 *Cor.* 10. 6, 11. *Ἐντυχάδεις*, propriè pro aliquo, ut *Rom.* 8. 34. *Hebr.* 7. 25. Sed & contrà *Act.* 25. 24. *Rom.* 11. 2. *ὑπὸ δέσσει*, *Job.* 13. 15. & contrà 2 *Per.* 2. 6.

C A P. XXII.

De Definito & Definitione.

**A**rgumenta orta , quoad Rem, sunt Definitum & Definitio; Distributum & Distributio.

*Definitum* est , quod Definitione explicatur quid sit.

*Definitio* est, quâ explicatur quid Definitum sit.

Definitio & Definitum sint reciproca.

Partes Definitionis sunt Genus & Differentia.

Genus aliquando subintelligitur.

Differentia essentialis petitur à Formâ: **Accidental**is, ab aliis Argumentis.

Hinc, Definitio ipsa est vel Essentialis, vel Accidental. Illa propriè dicitur *Definitio*: hæc Descriptio.

Utraque debet esse, quoad ejus fieri potest, Brevis & perspicua.

*Exempla Definiti & Definitionis.*

<i>Definitum.</i>	<i>Definitio.</i>
Substantia.	Ens per se subsistens.
Accidens.	Ens subsistens in & per substantiam.
Animatum.	Corpus animâ præditum.
Animal.	Animatum sensu præditum.
Homo.	Animal rationale, vel ratione præditum.
Punctum.	Cujus pars nulla.
Linea.	Longitudo non lata.
Superficies.	Quæ longitudinem latitudinemque habet.

Cir-

Circulus.

Figura plana sub unâ lineâ comprehensa, quæ vocatur *Peripheria*, ad quam ab uno puncto eorum quæ intra figuram sunt posita omnes cadentes rectæ sunt æquales.

Centrum.

Punctum intra Circulum, à quo omnes rectæ ad *Peripheriam* ductæ sunt inter se æquales.

Physica.

Corporum naturalium scientia.

Natura.

Principium motûs & quietis, in eo in quo inest primò & per se, & non secundum accidens.

Motus.

Actus ejus quod potestate est, quâ tale est.

Ignis.

Elementum calidissimum & siccum.

Ethica.

Doctrina de moribus humanis secundum virtutem instituendis, ad bene beateque vivendum.

Virtus moralis.

Habitus electivus consistens in mediocritate ad nos relatâ, & ratione definitâ sicut vir prudens eam definitur.

Περαιρέτων.

Ἐκείνον περιβεβλημένον.

Fortitudo.

Virtus mediocritatem servans circa metum & fiduciam in laboribus & periculis.

Temperantia.

Virtus mediocritatem servans circa voluptates corporis.

Amicitia.

Mutua & manifesta inter homines benevolentia, ejus gratiâ qui amatur, suscepta.

Logica.

Ars bene differendi.

Causa.

Cujus vi res est.

C A P. XXIII.

*De Distributo & Distributione.*

**D**istributum est Totum, quod in suas partes distinguitur.

Distributio est Totius in partes suas distinctio.

Partes sint Toti consentaneæ, inter se dissentaneæ.

Partes simul sumptæ reciprocentur cum Toto.

Distributio est vel Partitio Integri in Membra, vel Divisio Generis in Species.

*Exempla Partitionis Integri in Membra.*

*Integrum.*

*Partitio in Membra.*

Corpus humanum.	}	Caput, Truncus, Artus.
Arbor.		Radix, Truncus, Rami.
Domus.		Fundamentum, Parietes, Tectum.
Mundus.		Cælum, & Inferiora.
Aër.		Regio suprema, media, & infima.
Caput humanum.	}	Cranium, & Facies.
Annus.		Ver, Æstas, Autumnus, Hyems.
Logica.		Inventio, & Dispositio.
Comparatio Explicata.	}	Protasis, & Apodosis.
Definitio.		Genus, & Differentia.
Nux.		Nucleus, & Putamen.
Oratio.		Exordium, Narratio, Confirmatio, Confutatio, Peroratio.

F

Gladius.

Gladius.

Capulus five Manubrium, & Lamina  
five Ferrum.

Sic quilibet Liber, Sermo, Tractatus, Historia, Epistola, Poëma, Fabula, &c. in suas integrantes Partes five Membra distribui potest.

Huc pertinet etiam Distinctio Totius essentialis in suas partes essentialès, id est, Materiam & Formam, vel Materiale & Formale; ut Homini in Corpus & Animam; Malefacti in Factum & Malitiam; Claudicationis in Motum & Obliquitatem moris.

*Exempla Divisionis Generis in Species.*

<i>Genus.</i>	<i>Divisio in Species.</i>
Ens.	Substantia & Accidens.
Substantia.	Spiritus & Corpus.
Quantitas.	Magnitudo & Numerus.
Qualitas.	Habitus, Potentia, Passibilis, & Forma.
Actio.	Immanens, & Transiens.
Litera.	Vocalis, & Consonans.
Nomen.	Substantivum, & Adjectivum.
Argumentum.	Artificiale, & Inartificiale.
Causa.	Efficiens, Materia, Forma, Finis.
Dissentanea.	Diversa, & Opposita.

Divisio Generis in Formas five Differentias Specierum, eadem est cum Divisione ejus in Species: Genus enim cum Formâ five Differentiâ constituit Speciem.

*Exempli*

*Exempli gratia.*

Substantia.	Corporea, & Incorporea.
Quantitas.	Continua, & Discreta.
Animal.	Rationale, & Irrationale.
Causa.	A quâ, Ex quâ, Per quam, & Propter quam.
Dissentanea.	Ratione tantum, Ratione & Re.

Distinctio cujusvis Generalis in sua Specialia per quascunque etiam accidentales Differentias, est quasi Divisio Generis in Species.

*Exempli gratia.*

Distinctio hominum Ratione Sexus, in Mares & Fœminas; Ratione ætatis, in Senes & Juvenes; Ratione aliorum accidentium, in Bonos & Malos, Doctos & Indoctos, Nobiles & Ignobiles, Divites & Pauperes, Conjugatos & Cœlibes, &c.

In Distributione (sive Integri in Membra sive Generis in Species) non semper ambitiosè affectanda est *Dichotomia*: sed aliquando potius augendus est numerus partium, ut minuatur numerus Distributionum. Atque eo modo sæpe melius consulitur tum intelligentiæ tum memoriæ.

## C A P. XXIV.

## De Testato &amp; Testimonio.

**F**uerunt Argumenta Artificialia. Restant Inartificialia : Testatum & Testimonium.

Testatum est cui Testimonium perhibetur.

Testimonium est, quod Testato perhibetur.

Tota vis Testimonii pendet ex autoritate Testis.

Testi autoritatem conciliant tria : *Scientia, Virtus, & Benevolentia.*

Testimonium est Divinum vel Humanum.

Divinum est quod à Deo perhibetur.

Fitque vel immediatè vel mediatè.

Item vel Verbo vel Re, *Job. 5. 36. & 10. 35. Act. 14. 17. & 15. 8.*

Deus ad confirmandum Testimonium suum sæpe interponit juramentum suum : Et quoniam non potest jurare per majorem, jurat per seipsum. *Heb. 6. 13. Gen. 22. 16. Exod. 32. 13. Isa. 45. 23. Jer. 49. 13.*

Sic, quod idem est; Per Nomen suum. *Jer. 44. 26.*

Per Animam suam, *Jer. 51. 14. Amos 6. 8.* Per vitam suam, *Num. 14. 21, 28. Exec. 33. 11.* (& sæpe alibi.) Per dextram suam, & per brachium roboris sui, *Isa. 62. 8.* Per Sanctitatem suam, *Psal. 89. 35.* Per excellentiam *Jacobi* (id est, per seipsum) *Amos 8. 7.*

Testimo-



Testimonium Humanum est, quod ab homine perhibetur.

Estque vel Commune vel Proprium.

Commune est plurium hominum simul.

*Exempli gratia.*

arti-

Te-

us,

4.

pe

po-

13.

49.

44.

Per

pe

ris

5.

005

10.

Fama vulgi; Sensus communis; Opinio communis; Jus scriptum & non scriptum; Archiva publica; Proverbia; Aliæ illustres sententiæ, quarum nullus extat singularis autor, quæque ad eam jam publici juris factæ sunt, & quasi in Proverbia abierunt.

Proprium est singularis hominis seorsum. Idque tum in judiciis, tum extra judicia.

Testimonium etiam artificum in suâ cujusque arte, & scientia: ut, Theologorum, Jurisconsultorum, Medicorum, Philosophorum, Historicorum. Item, Mercatorum, Agricolarum, Pastorum, Mechanicorum. Horum denique omnium vel vivorum, vel mortuorum.

Modi testandi varii sunt: viz. vel ore tenus, vel per Chirographum (id est Scriptionem aut Sub-scriptionem) vel per Sigillum. Unde Cicero ad Quintum fratrem 292. Sit annulus tuus non ut vas aliquod, sed tanquam ipse tu; non minister alienæ voluntatis, sed testis tuæ. Item per pignus. Item per solennia quædam signa sive ceremonias. Denique per res aut actiones quasvis.

Juramentum ab homine præstitum (sive Assertorium, sive Promissorium) est Modus testimonii humani cum provocatione ad Testimonium Divinum, quo scilicet Deus invocatur tanquam Testis veritatis & vindex falsitatis.

*Gen.* 14. 22. & 21. 23, 24. & 24. 2, 3. & 26. 28. & 31. 53. & 47. 29, 31. & 50. 25. *Exod.* 22. 11. *Num.* 5. 19. *Jos.* 2. 12. & 9. 15, 18. *Judic.* 11. 10. *Neb.* 5. 12, 13. *Fer.* 34. 18. & 42. 5. *Rom.* 1. 9. & 9. 1. *1 Cor.* 15. 31. *2 Cor.* 1. 13. *Phil.* 1. 8. *1 Thess.* 2. 5.

Confessio est Testimonium hominis de seipso, & præsertim contra seipsum, sive liberum (quod validissimum est) sive expressum tormentis.

*Psal.* 32. 5. & 51. 3, 4.

*Cic.* pro *Quinctio* 14. a. Opinor tuum testimonium, quod in alienâ re leve esset, id in tuâ, quia contra te est, gravissimum debet esse.

Idem pro *Qu. Roscio* 46. Sed hæc quanquam firma esse video, tamen ipse mihi satisfacere non possum, nisi à *C. Fannio* ipso testimonium sumo, hanc pecuniam ei non deberi. Magnum est quod conor, difficile quod polliceor: nisi eundem & adversarium, & testem habeat *Roscio*, nolo vincat.

Hinc, sæpe fit provocatio ad ipsum adversarium. Similiter ad ejus amicos, socios, advocatos, patronos, testes, judices, aut alios, quibuscum nobis res est.

*Cic.* pro *Quinctio* 9. b. 10. a. Quæro abs te *C. Aquili*, *L. Luculle*, *P. Quintili*, *M. Marcelle*, &c. Profecto, Si vestram bonitatem atque prudentiam cognovi, non multum me fallit, si consulamini, quid sitis respon-  
suri.

*Gen.* 31. 6, 37. *Deut.* 32. 31. *Jos.* 24. 14, 22. *1 Sam.* 17. 3. & 24. 10. & 25. 8. *2 Sam.* 1. 16. & 4. 8, 9, 10, 11. *2 Chron.* 29. 8. *Isa.* 5. 3, &c. *Fer.* 2. 5. *Mic.* 6. 3. *Mat.* 12. 27. *Joh.* 3. 28. & 8. 46. & 18. 23. *Act.* 2. 22, 23. & 4. 19. & 10. 28. & 20. 34. & 22. 5, 12. & 24. 20. & 25. 10. & 26. 45, 26. *1 Cor.* 11. 13, 14. *Gal.* 3. 2. *1 Thess.* 2. 1, 5, 9, 10, 11. & 3. 4. *2 Thess.* 2. 5. & 3. 7. *Tit.* 1. 12. *Hebr.* 12. 17. *Susan.* ver. 61.

Cap. XXIV. De Testato & Testimonio.

71

Fit etiam aliquando provocatio ad experientiam.

*Cic. in Ver. 113. b. Ecquis Volcatio, si sua sponte venisset, unam libellam dedisset? Veniat nunc, experiatur, tecto recipiet nemo.*

*Ajax contra Ulysses. Ovid. Metam. lib. 13.*

*Si perstas certare, locum redeamus ad illum.*

*Redde hostes, vulnusque tuum, solitumque timorem.*

*Post clypeumque late, & mecum contende sub illo.*

*Gen. 31. 32, 37. Num. 11. 23. Isa. 41. 22, 23. & 47. 12, 13. Jer. 2. 28. & 27. 18. Hagg. 2. 18, 19. Mal. 1. 8. & 3. 10.*

Testificatio aliquando tribuitur brutis & rebus inanimatis, *Gen. 21. 30. & 31. 47, 48, 52. Deut. 4. 26. & 31. 19, 21. Jos. 22. 27, 28, 34. & 24. 27. Job. 16. 8. Isa. 19. 20. Habac. 2. 11, 12. Marc. 6. 11.*

Gen. 14. 22. & 21. 23, 24. & 24. 2, 3. & 26. 28. & 31. 53. & 47. 29, 31. & 50. 25. Exod. 22. 11. Num. 5. 19. Jos. 2. 12. & 9. 15, 18. Judic. 11. 10. Neh. 5. 12, 13. Jer. 34. 18. & 42. 5. Rom. 1. 9. & 9. 1. 1 Cor. 15. 31. 2 Cor. 1. 13. Phil. 1. 8. 1 Thess. 2. 5.

Confessio est Testimonium hominis de seipso, & præsertim contra seipsum, sive liberum (quod validissimum est) sive expressum tormentis.

Psal. 32. 5. & 51. 3, 4.

Cic. pro *Quinctio* 14. a. Opinor tuum testimonium, quod in alienâ re leve esset, id in tuâ, quia contra te est, gravissimum debet esse.

Idem pro *Qu. Roscio* 45. Sed hæc quanquam firma esse video, tamen ipse mihi satisfacere non possum, nisi à *C. Fannio* ipso testimonium sumo, hanc pecuniam ei non deberi. Magnum est quod conor, difficile quod polliceor: nisi eundem & adversarium, & testem habeat *Roscio*, nolo vincat.

Hinc, sæpe fit provocatio ad ipsum adversarium. Similiter ad ejus amicos, socios, advocatos, patronos, testes, judices, aut alios, quibuscum nobis res est.

Cic. pro *Quinctio* 9. b. 10. a. Quæro abs te *C. Aquili*, *L. Luculle*, *P. Quinctili*, *M. Marcelle*, &c. Profecto, Si vestram bonitatem atque prudentiam cognovi, non multum me fallit, si consulamini, quid sitis respon-  
suri.

Gen. 31. 6, 37. Deut. 32. 31. Jos. 24. 14, 22. 1 Sam. 17. 3. & 24. 10. & 25. 8. 2 Sam. 1. 16. & 4. 8, 9, 10, 11. 2 Chron. 29. 8. Isa. 5. 3, &c. Jer. 2. 5. Mic. 6. 3. Mat. 12. 27. Joh. 3. 28. & 8. 46. & 18. 23. Act. 2. 22, 23. & 4. 19. & 10. 28. & 20. 34. & 22. 5, 12. & 24. 20. & 25. 10. & 26. 4, 5, 26. 1 Cor. 11. 13, 14. Gal. 3. 2. 1 Thess. 2. 1, 5, 9, 10, 11. & 3. 4. 2 Thess. 2. 5. & 3. 7. Tit. 1. 12. Hebr. 12. 17. Susan. ver. 61.

Cap. XXIV. De Testato & Testimonio.

71

Fit etiam aliquando provocatio ad experientiam.

*Cic. in Ver. 113. b. Equis Volcario, si sua sponte venisset, unam libellam dedisset? Veniat nunc, experiatur, tecto recipiet nemo.*

*Ajax contra Ulysses. Ovid. Metam. lib. 13.*

*Si perstas certare, locum redeamus ad illum.*

*Redde hostes, vulnusque tuum, solitumque timorem.*

*Post clypeumque late, & mecum contende sub illo.*

*Gen. 31. 32, 37. Num. 11. 23. Isa. 41. 22, 23. & 47. 12, 13. Jer. 2. 28. & 27. 18. Hagg. 2. 18, 19. Mal. 1. 8. & 3. 10.*

Testificatio aliquando tribuitur brutis & rebus inanimatis, *Gen. 21. 30. & 31. 47, 48, 52. Deut. 4. 26. & 31. 19, 21. Jos. 22. 27, 28, 34. & 24. 27. Job. 16. 8. Isa. 19. 20. Habac. 2. 11, 12. Marc. 6. 11.*

# APPENDIX

A D

## Librum Primum.

### *De Prædicabilibus & Prædicamentis.*

**P***rædicabilium & Prædicamentorum* Doctrina adeo necessaria ad Logicam vulgò putata fuit, ut absque hac ne fundamenta quidem hujus artis jacta esse videantur.

Ne quid igitur hîc à nobis desideretur, hanc rationem breviter reddendam esse arbitramur; viz.

#### 1. *De Prædicabilibus.*

*Prædicabilia* quidem (quæ dicuntur quinque; Genus, Species, Differentia, Proprium, & Accidens) ad Logicam propriè pertinere agnoscimus, & unicuique eorum locum suum inter Argumenta assignavimus; viz. *Generi & Speciei*, Cap. 8. *Proprio & Accidenti*, Cap. 7. *Differentiæ*, Cap. 5. 22, & 23.

Non autem hæc sola, sed & reliqua etiam Argumenta de pluribus prædicari apta nata sunt, adeoque pari jure, atque illa quinque, dici possunt *Prædicabilia*.

2. *De*

## 2. De Prædicamentis.

*Prædicamenta* autem sive *Categoriæ*; si considerentur ut summa genera sive Capita Entium, ad *Metaphysicam* referenda sunt, cujus est tractare de Ente quatenus est *Ens*. Si autem descendatur ad Subordinata genera & Species, quæ sub iis continentur (ut fieri solet in Tabulis sive Scalis singulorum Prædicamentorum) efficientur inde specialia variarum Artium & Scientiarum Subiecta. Quæ in Logicâ usurpantur solummodo, ut Præceptorum ejus Exempla.

*Prædicamenta* autem sive *Categoriæ* decem numerantur: *Substantia, Quantitas, Qualitas, Ad aliquid, Actio, Passio, Quando, Ubi, Situs, Habitus.*

Quorum primum est Subiectum reliquorum, reliqua ejus Accidentia.

De his omnibus, qui volet, consulat vulgus Logicorum, & ei satis aut etiam plus satis fiet.

LIBER



Deus omnipotens dei vobis conlatis vulgari Logi  
corum de et facit etiam plus his fieri

ЯДЕР

**LIBER SECUNDUS,**

**D E**

**Dispositione,**


**S I V E**

**JUDICIO.**

A Liber Secundus, agit de Dispositione sive Judicio

In Genere	1
In Genere.	2
Partibus, Vinculo, & Quantitate.	3
Affectio- nibus: Quae sunt,	4
Suppositio.	5
Conversio.	6
Relatio.	7
Æquipollentia.	8
Modalis.	8
In Genere.	9
Connexa.	10
Disjuncta.	11
Copulata.	12
Discreta.	13
Enallage.	14
Hypothesis & Consequentia.	15
Æquipollentia inter se. 16 & cum Cate- goricis. 17	16
Contradictio.	17
Decompositio.	18
Complicatio parti- um.	19
Ejusque Speciebus: Quae sunt,	
1. Propositio: De qua	
Ejusque Speciebus: Quae sunt	
Simplex, sive <i>Categorica</i> ,	
Pura: De cujus	
Modalis.	
In Genere.	
Connexa.	
Disjuncta.	
Copulata.	
Discreta.	
Enallage.	
Hypothesis & Consequentia.	
Æquipollentia inter se. 16 & cum Cate- goricis. 17	
Contradictio.	
Decompositio.	
Complicatio parti- um.	
Ejusque Speciebus: Quae sunt,	
Composita, sive <i>Hyperbica</i> : De qua	
Ejusque Speciebus: Quae sunt	
Affectio- nibus: Quae sunt,	
2. Argumentatio. <i>Tabula B.</i>	
3. Methodus.	46

B Argumentatio : Cujus	Forma,	Perfecta, Syllogismus : De quo	Ejusque Speciebus : quæ sunt	Categoricus,	Communis : De quo	In Specie,	Deque Consecutariis	In Genere,	20								
								De singulis Figuris earumq; Modis)	Primâ,	22							
									Secundâ,	23							
									Terriâ,	24							
								1. De conformatione Questionum ad Figuras & Modos,	2. De Formatione five Completionem ejus ex datâ materiâ,	3. De Reductione ejus,	Directâ,	27					
											Obliquâ,	28					
											Singularis,	29					
								In Genere,	Speciebus quæ sunt	Connexus five Conditionalis,	Disjunctus,	Copulatus five Discretus,	Se invicem,	Categoricos, & contra,	31		
																Affectione, scil. Reductione ad	32
In Genere,	Ejusque	34	35														
				Enthymema,	Syllogismus Rhetoricus,	Inductio,	Exemplum,	Sorites,	Dilemma,	Biaion,	36						
												37					
38																	
	Ejusque speciebus : Quæ sunt	39	40	41	42	43											
							Ufus, ad Disputationem : Socialis,	44									
Solitaria,									45								



# LIBER SECUNDUS.

## C A P. I.

### *De Dispositione in Genere.*

**D**ispositio, five Judicium, est secunda pars Logicæ de disponendis Argumentis ad bene judicandum.

*a* In hoc Secundo Libro in calce singulorum Capitulum præcipuas Regulas Versibus etiam astrinximus; tum lucis, tum compendii, tum memoriæ causâ.

*b* Dispositioni accidit Crypsis: Quæ est naturalis dispositionis occultatio. Estque triplex; In Excessu, in Defectu, & in Transpositione.

Ut autem vera & naturalis dispositio restituatur; quæ defunt supplenda, quæ supersunt amputanda, quæ denique transposita sunt, in suos quæque locos reponenda sunt.

Posse verò his Crypsibus uti, quando opus est, eademque quando opus est detegere & ad naturalem dispositionem reducere, perfecti dialectici est.

Versiculi,

## Versiculi.

- a. Versiculos libra placet adiecisse Secundo.  
 Iste Versiculus prope explicat, hanc simul isti,  
 Et simul abbreviant, simul & meminisse juvabunt.
- b. In disponendo triplex est Crypsis; eamque  
 Recte adhibere aut detegere est perfecta opus artis,  
 Deficit, excedit, membrorum invertitur ordo.  
 Adice quæ desunt, & demat si quæ supersunt,  
 Si qua invertuntur, disponas ordine recto.

## C A P. II.

De Dispositionis Speciebus. Et primò, De  
 Propositione in genere, deque ejus gene-  
 ralibus tum Principiis, tum Affectioni-  
 bus.

**D**ispositio triplex est: *Propositio, Argumentatio, & Methodus.*

Propositio est dispositio Argumenti cum Argu-  
 mento, quæ esse aliquid vel non esse judicatur.

Aristoteli dicitur *Ἀποφατικὴ*. Aliis *Ἀξιωμα*. Latine,  
*Pronuntiatum, Pronuntiatio; Enuntiatum, Enuntiatio;*  
*Proloquium, Effatum, Axioma.*

b. In omni Propositione duo consideranda sunt tan-  
 quam principia ejus essentialia: Partes tanquam ma-  
 teriale, & Vinculum tanquam formale.

f Affe-



v. Affectiones generales omnium Propositionum tres sunt: Qualitas ex Voce, Qualitas ex Re, & Qualitas ex Modo.

I. De Qualitate ex Voce.

Qualitas Propositionis ex Voce, est *Affirmatio* & *Negatio*. *Aristoteli Kampanensis, Ambrosio.*

d. Hinc Contradictio (*Aristoteli, Ambrosio*) cum eadem Propositio affirmatur & negatur.

Affirmata Propositio est, *cujus vinculum affirmatur.*

Negata est, *cujus vinculum negatur.*

e. Potest autem quævis Propositio esse Affirmata ex partibus Negatis, & Negata ex partibus Affirmatis. Cum enim de totius Propositionis qualitate quæritur, non respicitur ad Partes sive Materiale, sed ad Vinculum sive Formale. Vide Cap. 3. §. Itaque Verbo; & Cap. 9. §. Itaque e Conjunctione.

f. Cuivis Propositioni contradici potest præponendo negationem toti, vel tollendo præpositam: modo tamen negatio referatur ad Vinculum, non ad partes. Vide Cap. 7. §. Negatio præposita.

g. Interrogatio sæpe æquivalens contradictioni: Et quidem Affirmata fortius negat, Negata fortius affirmat.

Exempli gratia.

An? id est, Nequaquam. An non? id est, Certè, Omnino.

Num. 12. 2. 1 Sam. 14. 30. & 20. 9. & 24. 19. 1 Reg. 1. 24. 2 Reg. 4. 28. & 5. 26. Job. 1. 9, 10. & 10. 9, 10. & 11. 2, 3. & 14. 16. Eccles. 1. 10. Isa. 36. 12. & 58. 5, 6, 7. Jer. 6. 15. Lam. 3. 38. Ezech. 18. 23. Zech. 8. 6. Dan. 6. 39. Job. 13. 6, 8. 1 Cor. 9. 1, 4, 5, 6, 8, 9, 10, 11, 12, 13. & 11. 22. & 12. 29, 30. Heb. 10. 2.

Quis? Nunquis? id est, Nullus. Quis non? id est, Omnis.

1 Sam. 12. 3. 2 Sam. 22. 32. Job. 9. 4, 12. & 14. 4 & 41. 10, 11, 13, 14. Psal. 27. 1. & 73. 25. & 89. 6, 8, 48. Nabum 3. 19. Mat. 5. 46, 47. & 12. 11. Luc. 12. 14, 25. & 14. 5. & 15. 4, 8. Act. 7. 52. & 10. 47. Rom. 11. 34, 35. 1 Cor. 9. 7. Heb. 1. 5, 13. 1 Pet. 2. 20.

Quid? id est, Nihil. Quid non? id est, Omnia.

Gen. 44. 16. Eccles. 1. 3. Isa. 5. 4. Mat. 16. 26. 1 Cor. 4. 7. Sirac. 34. 25, 26.

Cur? id est, Nulla ratione. Cur non? id est, Omni ratione.

Gen. 44. 7. Num. 27. 4. Judic. 11. 26. Nebem. 2. 3. Job. 3. 11, 12, 20. Isa. 5. 4. Mat. 26. 10. Marc. 2. 7, 8, 16, 18, 24. Luc. 19. 23. 1 Cor. 4. 7.

Quomodo? id est, Nullo modo. Quomodo non? id est, Omni modo.

Gen. 39. 9. & 44. 8, 34. Num. 23. 8. Jos. 9. 7. 2 Sam. 1. 14. & 2. 22. 2 Reg. 10. 4. Psal. 137. 4. Mat. 12. 26, 29, 34. & 16. 11. & 22. 45. & 26. 54. Marc. 3. 23. Job. 3. 4, 9, 12. & 5. 44, 47. & 6. 52. & 14. 5. Rom. 6. 2. & 8. 32. & 10. 14, 15. 1 Cor. 14. 7, 9, 16. 2 Cor. 3. 8. Heb. 2. 3. 1 Job. 3. 17. & 4. 20.

Quando? id est, Nunquam. Quando non? id est, Semper. Mat. 25. 37, 38, 39, 44.

Ubi? id est, Nusquam. Ubi non? id est, Ubique.

Job. 17. 15. & 20. 7. & 21. 28. & 38. 4. Psal. 42. 3. Isa. 19. 12. & 51. 13. Jer. 3. 2. Luc. 8. 25. & 17. 17, 18. 1 Pet. 4. 18.

## II. De Qualitate ex Re.

Qualitas Propositionis ex Re, est Veritas & Falsitas.

Vera Propositio est, quæ pronunciat ut res est.

Falsa est, quæ pronunciat aliter ac res est.

g. Contradictionis semper altera pars vera est, altera falsa.

b Si Propositio minus dicat, quam verè dicere posset: Vera quidem est, at significationem sive speciem habet falsi, aut ridicula est. Quando enim minus dicit, videtur ei, quod plus est, contradicere.

*Exempli gratia.*

Aliquis homo est animal; quasi Aliquis non esset. Aliquis ignis non est frigidus; quasi Aliquis esset. Possibile aut probabile est id quod sentit vivere; quasi non necesse esset. Non si album est, nigrum est; pro, Si album est, nigrum non est. Homo aut rationalis aut mortalis est; pro, Et rationalis & mortalis est. Et Sol ortus est, & etiam dies est; quasi posset Sol ortus esse, & tamen dies non esse. Quanquam grave est, tamen tendit deorsum; pro, Si vel Quia grave est, ideo tendit deorsum.

## III. De Qualitate ex modo.

Qualitas Propositionis ex modo, est Necessitas, Impossibilitas, & Contingentia (sive Possibilitas.)

Necessaria Propositio est, quæ ita vera est, ut falsa esse non possit; ut Homo est animal. Homo non est brutum.

Impossibilis est, quæ ita falsa est, ut vera esse non possit; ut, Homo est brutum. Homo non est animal.

Contingens (vel Possibilis) est, quæ vel ita vera est, ut falsa esse possit, vel ita falsa ut vera esse possit; ut, Dives est avarus. Dives non est avarus.

i. Contingentiam & Possibilitatem pro uno & eodem modo ponimus. Propriè autem & distinctè loquendo, ut Necessaria est necessario vera, & Impossibilis necessario falsa; ita Contingens est contingenter vera, & Possibilis est contingenter falsa.

*Exempli gratia.*

Aliquis dives est avarus, & Aliquis dives non est avarus, sunt contingenter veræ, id est, ita veræ ut possint esse falsæ: Contra, Omnis dives est avarus, & Nullus dives est avarus, sunt Possibiles, vel contingenter falsæ, id est, ita falsæ, ut possint esse veræ. Sed non opus est tam exquisitâ distinctione.

### Versiculi.

- a. *Dispositum est, Effatum, Argumentatio, & Ordo.*
- b. *Materia Effati sunt Partes, Formaue Vinculum.*
- c. *Ex voce, Affirmatum dicitur atque Negatum:  
Ex re, Verum & Falsum est: Exque modo variato,  
Contingens, Impossibile, atque Neceße vocatur.*
- d. *Affirmando negandoque Contradictio fiet.*
- e. *Sive affirmata sint partes, sive negata;*  
*Totius affirmatio sive negatio, Vinculi est.*
- f. *Quærendo fortis fit contradictio: Nempe  
Affirmata negat valide, affirmatque Negata.*
- g. *Dividit à vero omnis Contradictio falsum.*
- h. *Si minus est dictum quàm verè dicere posses:*

*Falsè*

- Falsè aut ridiculè dictum illud jure putetur.*  
 i *Contingentem & Possibilem conjungo ut eandem:*  
*Cùm tamen hæc propriè sit falsa, & vera sit illa.*

C A P. III.

De Propositione Simplicè sive Categorica.

**P**ropositio est vel Simplex sive Categorica, vel Composita sive Hypothesica.

Simplex sive Categorica Propositio est, cujus Partes sunt termini Simples, Vinculum autem Verbum.

Itaque Verbo Affirmato affirmatur, Negato negatur. Vide Cap. 2. §. *Affirmata*; & Cap. 9. §. *Itaque & Conjunctione*.

*a* Hæc proptie Indicativo Modo enuntiatur, & sine Interrogatione. Sed & in reliquis Modis est aliquid simile; quod ad Indicativum reduci potest; ut, Fac hoc, id est, impero, vel permitto, ut facias. Utinam facias, id est, opto ut facias.

Categorica Propositio, si absque Modo adjecto enuntiatur, appellatur *Pura*: si cum Modo, *Modalis*.

De *Pura* ejusque affectionibus præcipuè agemus hoc & quatuor sequentibus Capitibus: Quæ *Modali* facile & breviter applicabuntur, Cap. 8.

*b* Partes ejus sunt Subjectum & Prædicatum.

*Subjectum* est quod antecedit Vinculum; vel, est id, de quo aliquid dicitur: Aliàs, Antecedens.

*Prædicatum* est quod sequitur Vinculum; vel, est id, quod de aliquo dicitur: Aliàs, Consequens.

*Vinculum* est Verbum conjungens Subjectum & Prædicatum: Alias, Copula.

*Exempli gratia.*

In hac Propositione [*Homo est Animal*] vel [*Homo non est animal*]; *Homo*, est Subjectum, sive Antecedens: *Animal*, est Prædicatum, sive Consequens: *Est*, est Vinculum, sive Copula.

c Quoad sensum, idem significant Negatio prædicati affirmato Vinculo, & Negatio Vinculi affirmato prædicato.

*Exempli gratia.*

Idem est dicere [*Homo est non brutum*], & [*Homo non est brutum*]. Item [*Homo non potest* (vel, non est potens) *ambulare*], & [*Homo est non potens ambulare*].

Differt autem [*Homo potest* (vel est potens) *non ambulare*]. Hic enim Negatio non est totius prædicati, sed solummodo partis ejus.

Hujus Regulæ usum vide Cap. 5. §. *Similiter*. Et Cap. 17. §. *Hoc ut appareat*.

d Vinculum propriè dictum, est solummodo Verbum *Sum* tertii (ut vocant) Adjecti, id est, nihil aliud significans nisi meram partium Copulationem. Reliqua omnia Verba continent Verbum *Sum*, & aliquid præterea Adjectum, quod sit Prædicatum aut pars ejus; ideoque dicuntur Verba Adjectiva. Sic & ipsum Verbum *Sum* secundi (ut vocant) Adjecti, id est, significans aliquid præter Copulationem partium, nempe ipsum Prædicatum, aut partem ejus.

Hinc, Propositio Categorica est vel Explicita, vel Implicita.

*Explicita*

*Explicita* est, cujus Vinculum est Verbum *Sum* tertiæ Adjecti, sive separatum à partibus; ut in Exemplis suprà datis.

*Implicita* est, cujus Vinculum implicatur in Verbo Adjectivo connotante prædicatum aut partem ejus.

*Exempli gratiâ.*

Homo vivit; Pater diligit filium; Juvenis erit senex; Senex fuit juvenis; Providentia est; Fatum non est.

*Psal.* 58.11. *Prov.* 23.18. *Luc.* 1.5. *Job.* 1.1, 2, 6. & 5.5. *Act.* 23.8. & 24.15. *Heb.* 11.6.

Aliquando Subjectum etiam implicatur, & Propositio ad unum Verbum contrahitur; ut, Pluit, Pugnatur, Peccatur, Pœnitet, Tæder, Pudet, Piger.

Quævis Propositio implicita Explicari potest, solvendo Verbum Adjectivum in Verbum Substantivum [*Sum*,] & Participium vel Relativum: ut in exemplis datis, Homo est vivens; Pater est diligens filium; Juvenis est futurus senex; Senex est is qui fuit juvenis; Providentia est existens; Fatum non est existens; Pluvia est pluens; Pugna est pugnata; Peccatum est commissum; Pœnitentia est acta, &c.

Hujus Explicationis usum, & quidem necessitatem vide Cap. 5. §. *Propositio implicita*. Et sic ubicunque est usus Conversionis: ut Cap. 17. §. *Horum etiam singulis*. Et Cap. 27. §. *Per Conversionem*.

Propositioni Categoricæ propriè & peculiariter accidit Quantitas. Cujus ratione est vel Communis, vel Singularis.

Communis est, cujus Subjectum est vox Communis.

Estque vel Definita, vel Indefinita.

Definita est, in quâ signum quantitatis exprimitur.



Estque Universalis vel Particularis.

Universalis est, cujus Signum est *Universale*, *Omnis*, *Nullus*; ut, *Omne animal est rationale*. *Nullum animal est rationale*.

Hic Signum [*Omnis*] accipiendum est distributive, de omnibus & singulis; non collectivè de omnibus simul sumptis, ut in his [*Omnia elementa sunt quatuor. Omnes partes reciprocantur cum toto.*] Vide Cap. 12. §. *Ut Propositio.*

Particularis est, cujus Signum est *particulare*, *Aliquis*, *Quidam*; ut, *Aliquod animal est rationale*. *Aliquod animal non est rationale*.

Indefinita est, cujus Subjectum est vox Communis, & nullum Signum expresse ei apponitur; ut, *Animal est rationale*. *Animal non est rationale*.

Accipitur nunc Universaliter, nunc Particulariter, pro ratione *Materiae*, & intentione *Loquentis*.

Singularis est, cujus Subjectum est vox Singularis; ut, *Hoc animal est rationale*; *Hoc animal non est rationale*. *Socrates est rationalis*; *Socrates non est rationalis*.

f Ex Qualitatibus (Cap. 2.) cum Quantitate conjunctis cognoscitur tota vis Propositionis Categoricæ. Quæ duabus quæstionibus interrogari potest.

Prior quærit Quantitatem, cum Qualitate ex voce; id est, Utrum Propositio sit Universalis affirmata, an Universalis negata: Particularis affirmata, an Particularis negata: Indefinita affirmata, an Indefinita negata: Singularis affirmata, an Singularis negata.

Hinc intelligitur quid quæque Propositio pronuntiet five significet.

Altera quærit Qualitatem ex Re, & ex Modo; id est, Utrum sit Vera necessaria, vera contingens; Falsa impossibilis, an falsa contingens, five possibilis.

Hinc

Hinc intelligitur, quàm rectè aut secus quæque Propositione pronunciet, five significet.

g Cum autem Propositiones Singulares (ut Voces & Res singulares, lib. 1. cap. 2.) sint solummodo Secundarium Subjectum hujus & aliarum Artium; Indefinitæ autem nihil certi significant, adeoque nullum certum judicium de iis fieri possit, nisi quatenus reducuntur ad Universales vel Particulares: restant igitur præcipuè & hic, & in sequentibus consideranda reliquæ quatuor, viz.

b	Universalis affirmata,	} Quorum signa sunt	{	} 300	{	A E I O
	Universalis negata,					
	Particularis affirmata,					
	Particularis negata,					

*Crypses Propositionis Categoricæ.*

1. Aliquando deest Vinculum; ut, Homo bulla; Homo homini lupus. Hoc in linguâ Hebræa frequentissimum est.

2. Aliquando Partes invertuntur; ut Cic. Offic. 5. b. Fundamentum Justitiæ est fides. Et ibid. 37. Malus est custos diuturnitatis metus. Et Juvenal. Sat. 8.

*Nobilitas sola est atque unica virtus.*

Prov. 10. 6, 11, 12. & 20. 2, 3, 5. Mat. 6. 22. & 12. 8. Joh. 1. 1. Rom. 10. 4. 1 Cor. 10. 4. & 11. 3. 2 Cor. 3. 2, 1 Tim. 6. 6, 10.

3. Aliquando utrumque fit; ut, Dulce bellum inexpertis.

Num. 23. 19. Prov. 3. 32. & 9. 10. & 10. 4. & 19. 17. & 20. 1, 5, 15, 17, 19, 23, 26, 27, 29. & 21. 1, 17, 18. & 22. 14. & 23. 27. Mat. 10. 36. Joh. 4. 24. Rom. 10. 4. &c

& 13. 10. 1 Cor. 8. 4. & 15. 56. Gal. 3. 10, 13. Heb. 1. 8. & 6. 16. Sirac. 21. 9.

Hinc sæpe oritur ambiguitas. Ex. gr. Prov. 10. Latinus interpret eadem verba aliter reddit ver. 6. aliter ver. 11. Et cap. 21. 17. Græcus invertendo pervertit prius hemistichium. Idem faciunt & Græcus & Latinus, Cap. 18. 17.

4. Aliquando fit Crypsis in excessu; viz.

Per Repetitionem, Exod. 5. 17. Deut. 16. 20. Judic. 5. 7, &c. Et interpositâ Parenthesi, Psal. 92. 9. & 93. 3. & 94. 3. & 96. 7. & 124. 1. Isa. 57. 6, 19. & 62. 10.

Per Appositionem sive Explicationem, Job. 13. 14. Act. 10. 22. Rom. 1. 1.

Per Compositionem: Cùm Propositio simplex constat ex partibus compositis, Prov. 12. 9. & 15. 16, 17. & 17. 1. & 19. 1. & 28. 6, 8. Eccles. 4. 13. Luc. 8. 21. & 11. 34. Act. 10. 1, 2, 3. 1 Cor. 11. 4, 5. Heb. 13. 20, 21. I Job. 2. 4, 9. Apoc. 1. 9.

Vide Cap. 12. §. Contra.

### Versiculi.

- a *Indicat Effatum propriè, haud interrogat unquam, Imperat, aut hortatur, permittit, vetat, optat, Aut Subjunctivè, aut Infinitivè adhibetur. Hæc tamen Effatorum sunt prægnantia sæpe, Aut referunt: Itaque illorum ad leges referuntur.*
- b *Simplicis Effati (seu Puri sive Modalis) Partes Subiectum atque Adjectum, Copula Verbum.*
- c *Par est, sive neges Verbum partemve secundam.*
- d *Sum facit Explicitam; Implicitam reliqua omnia verba; Atque ipsum verbum Sum, Adjecti quando Secundi est.*

e *Verbum*

Cap. IV. De Suppositione proposit. Categoricarum. 91

- e Verbum Adjectivum in Substantivum ipse resolvat :  
Implicitam quoque ad Explicitam simul ipse reducat.  
f Quanta appellantur vulgo simul Un. Par. & In. Sin.  
g Verum sic propriè duo tantum prima vocantur.  
h Afferit A. negat E. verum generaliter ambo.  
Afferit I. negat O. sed particulariter ambo.
- 

C A P. IV.

De Affectionibus Propositionum Categoricarum. Et primò de Suppositione.

a **E**X iis quæ dicta sunt oriuntur quatuor Affectiones sive Accidentia Propositionum Categoricarum: viz. *Suppositio*, *Conversio*, *Relatio*, & *Equipollentia*. Quæ omnia magni usûs sunt ad rectè iudicandum.

Suppositio est quantitatis terminum in Propositione Categoricâ acceptio; id est, docet cujus quantitatis uterque terminus (Subiectum & Prædicatum) supponatur accipi in unaquaque Propositione Categoricâ.

b Hujus Regulæ duæ sunt, juxta duos illos Terminos.

1. Subiectum semper est ejusdem quantitatis cum totâ Propositione; id est, supponit sive, accipitur in Universali universaliter; in Particulari particulariter; in Indefinitâ indefinitè; in Singulari singulariter.

2. Prædi.

92 *De Suppositione proposit. Categoricarum. Lib. II.*

2. Prædicatum (si sit Vox communis) supponit five accipitur in omni Affirmatâ (etiam Universali) Particulariter, in omni Negatâ (etiam Particulari) Universaliter.

Singulare non potest propriè accipi nisi Singulariter. Sed si opus est, & si ita loqui liceat, sequitur Regulas Communium.

*Exempla harum Regularum.*

Omnis homo est animal; id est, Omnis homo est aliquod animal.

Nullus homo est brutum; i. e. Omnis homo est nullum brutum.

Aliquod album est dulce; i. e. Aliquod album est aliquod dulce.

Aliquod album non est dulce; i. e. Aliquod album est nullum dulce.

Socrates est Philosophus; i. e. Socrates est aliquis Philosophus.

Socrates non est Rex; i. e. Socrates est nullus Rex.

Hinc facîle judicatur de significatione, adeoque de veritate aut falsitate cujusvis Propositionis Categoricæ.

c Hinc etiam apparet, Majorem esse vim (cæteris paribus) in Universali, quàm in Particulari, nempe ratione Subjecti; item in Negatâ quàm in Affirmatâ, ratione Prædicati.

*Versiculi.*

a Suppono, Verto, Refero, *Æquivalentia monstro.*

b A. prius Extremum reddit generale, sed ali'rum Particulare facit. Generale E. reddit utrumque. Particulariter I. quicquid sibi sumit, habebit.

*Parti-*

Cap. V. De Conversione proposit. Categoricalum. 93

Particulare prius facit O. generale secundum.

Pro solo ac certo Singulare assumitur uno.

c Major vis est in Generali, quam in Speciali.

Inque Negata, quam Affirmata, est vis quoque major.

---

C A P. V.

De Conversione propositionum Categoricalium.

**C**onversio Propositionis Categoricalæ est apta Subjecti & Prædicati commutatio.

a Hoc Caput præcedenti proximè adjungimus, quia hoc ex illo planè & immediatè dependet, tanquam ex causâ & fundamento suo. Eam enim dicimus Aptam commutationem, quæ congruit Suppositioni five Acceptioni quantitatis utriusque termini in unaquaque Propositione Categoricalâ juxta Regulas traditas Capite præcedente.

Differt hæc Conversio ab Inversione (de quâ supra in Crypsibus, Cap. 3.) Ibi enim licet inverso ordine partes ponantur, tamen Subjectum manet Subjectum, & Prædicatum manet Prædicatum. Hic autem inter se mutantur, Subjectum in Prædicatum, & Prædicatum in Subjectum. Vide Cap. 10. §. Differt.

b Propositio Implicita explicanda est antequam convertenda.

Conversio triplex est; Simplex, Attenuata, & Per contrapositionem.

I. Simplex

*I. Simplex.*

e Simplex conversio est, in quâ iisdem terminis transpositis eadem remanet quantitas; id est, ex Universalis colligitur Universalis, & ex Particulari particularis.

Ita convertitur Universalis negata, & Particularis affirmata.

*Exempli gratia.*

Nullus lapis sentit: Ergo, Nullum sentiens est lapis. Item, Aliquod album est dulce: Ergo, Aliquod dulce est album.

In his enim Subjectum & Prædicatum eodem modo supponunt; id est, sunt ejusdem quantitatis.

Similiter etiam converti potest Particularis negata, mutata prius negatione Vinculi in negationem Prædicati, (ut docetur Cap. 3: §. *Quoad sensum.*)

*Exempli gratia.*

Aliquod animal est non homo: Ergo, Aliquod non homo est animal.

Non autem sic, Ergo, Aliquis homo non est animal, Quia sic plus esset in Prædicato conversæ, quam erat in Subjecto convertendæ. Subjectum enim Convertendæ erat Particulare, Prædicatum autem Conversæ fit Universale.

*II. Attenuata.*

d Attenuata Conversio est, in quâ transpositis terminis minuitur quantitas; id est, Ex Universalis colligitur particularis.

Sic



Sic convertitur Universalis affirmata.

*Exempli gratia.*

Omnis homo est animal: Ergo, Aliquod animal est homo.

Non autem sic, Ergo, Omne animal est homo: Quia sic plus effet in Subiecto Converſæ, quàm erat in Prædicatione Convertendæ. Prædicatum enim Convertendæ erat Particulare, Subiectum autem Converſæ fit Univerſale. Vide Cap. 10. §. *Non autem.*

Si quando autem Universalis affirmata convertitur ſimpliciter, id fit ratione materiæ, non formæ: id eſt, vi terminorum, non ex naturâ Propositionis. Ut, Omnis homo eſt riſibilis; Et, Omne riſibile eſt homo. Itaque non dicitur Converſio propoſitionis, ſed Converſio terminorum. Quia *Homo & Riſibilis*, ſunt termini convertibiles. Vide Cap. 10. §. *Excipe.*

### III. Per Contrapoſitionem.

e Per Contrapoſitionem Converſio eſt in quâ Partes tranſpoſitæ inſuper etiam mutantur in ſuas Contradictorias, eâdem manente qualitate & quantitate totius Propositionis.

Hoc modo convertitur Universalis affirmata, & Particularis negata.

1. *Universalis Affirmata*; ut,

Omnis homo eſt animal: Ergo, Omne non animal eſt non homo.

Omnis homo eſt non brutum: Ergo, Omne brutum eſt non homo.

Omne quod non eſt Subſtantia eſt Accidens: Ergo, Omne quod non eſt Accidens, eſt Subſtantia.

Omne

98 *De Conversione proposit. Categoricarum. Lib. II.*

Omne non vivens est non sentiens: Ergo, Omne sentiens est vivens. Vide Cap. 10. §. *Convertitur. Joh. 5.23. 1 Joh. 3.6.*

2. *Particularis Negata*; ut,

Aliquod animal non est homo: Ergo, Aliquid non homo (vel, quod non est homo) non est non animal; id est, Est animal.

Aliquis non dives non est mendicus: Ergo, Aliquis non mendicus non est dives.

Sed hæc conversio referri potest ad Simplicem conversionem *Particularis affirmata*; ut supra §. *Similiter etiam.*

f. In Conversione Simplicem & Per Contrapositionem, Convertenda & Conversa mutuo se inferunt, adeoque sunt plane una & eadem Propositio. In Conversione autem *Attenuata* Convertenda infert Conversam (id est, Universalem particularem) sed non contrâ. Vide Cap. 6. §. *Subalternæ possunt.*

Verficuli.

- a. *Vertendi ratio est, utriusque acceptio partis.*
- b. *Implicitam redde Explicitam, & tum denique verte.*
- c. *E. I. simpliciter vertendo, signa manebunt.*
- d. *Attamen A. cum vertere vis, cape signa minora.*
- e. *Si contraponas, muta Affirmata Negatis;*  
*A.O. sic versis, eadem quoque signa manebunt.*
- f. *Contraponendo si vertas, Simpliciter ve;*  
*Ex Convertendâ semper Conversa sequetur,*  
*Et contrâ. Quod si convertas Attenuatè:*  
*Versa à Vertendâ, non hæc infertur ab illâ.*

C A P. VI.

De Relatione Propositionum Categoricarum  
ad se invicem.

**P**ropositiones Categoricæ quadrifariam ad se invicem referuntur: viz. ut Contradictoriæ, Contrariæ, Subcontrariæ, & Subalternæ. Quarum duæ priores Oppositionem important, duæ posteriores minimè.

*a* Contradictoriæ sunt Universalis & Particularis, altera Affirmata, altera Negata; ut, Omne animal est rationale, Aliquod animal non est rationale. Item, Nullum animal est rationale, Aliquod animal est rationale. Sic duæ singulares; ut, *Socrates* est rationalis, *Socrates* non est rationalis.

*b* Contrariæ sunt duæ Universales, altera Affirmata, altera Negata; ut, Omne animal est rationale, Nullum animal est rationale.

*c* Subcontrariæ sunt duæ Particulares, altera Affirmata, altera Negata; ut, Aliquod animal est rationale, Aliquod animal non est rationale.

*d* Subalternæ sunt Universalis & Particularis, pariter Affirmatæ, vel pariter Negatæ; ut, Omne animal est rationale, Aliquod animal est rationale. Item, Nullum animal est rationale, Aliquod animal non est rationale.

*Diagramma Relatarum.*

Omnis dives est avarus.	Contrariæ.	Nullus dives est avarus.
Subalternæ.	Contradictoriæ.	Subalternæ.
Aliquis dives est avarus.	Subcontrariæ.	Aliquis dives non est avarus.

*Leges Singularum.*

*e* *Contradictoriæ* non possunt esse aut simul veræ, aut simul falsæ. Vid. Cap. 2. §. *Contradictionis*.

*f* *Contrariæ* possunt esse simul falsæ, sed non possunt esse simul veræ.

*g* *Subcontrariæ* possunt esse simul veræ, sed non possunt esse simul falsæ.

*h* *Subalternæ* possunt esse vel simul veræ, vel simul falsæ. Sed in veritate, Particularis sequitur Universalem, non contrā: in falsitate, Universalis sequitur Particularem, non contrā.

*i* Ex his omnibus maximè notandæ sunt *Contradictoriæ*.

Verficuli.

Versiculi.

- a A.O. sunt sibi met Contradictoria, & E.I.  
Sic Sing'laria sunt, Affirmatum atque negatum.
- bc Sunt Contraria A.E. sunt Subcontrariaque I.O.
- d Suntque subalternatim & A. Ique & E. Oque re-  
lata.
- e Vera aut falsa queunt nec A. O. nec E. I. simul  
esse.
- f A.E. falsa queunt, non vera queunt simul esse.
- g I.O. vera queunt, non falsa queunt simul esse.
- h Vera aut falsa queunt vel A. I. vel E. O. simul  
esse :  
In vero at partes, in falso tota sequuntur.
- i Præcipue tibi sint Contradictoria nota.

## C A P. VII.

## De Æquipollentiâ Propositionum Categoricarum.

**Æ**quipollentia Propositionum in genere est duarum Propositionum Verbis differentium eadem significatio.

Hæc ad rectè judicandum plurimum conducit: quandoquidem omnis Propositio est ejusdem tum Quantitatis, tum Qualitatis ex voce, re, & modo, cum eâ, cui æquipollet.

*a* Propositiones Categoricæ inter se relatæ, sunt sibi invicem Æquipollentes per variam appositionem Particulæ negativæ. Ideo præcedenti Capiti, *De Relatione Categoricarum*, subjungitur hoc, *De earum Æquipollentiâ*.

Apponitur autem Particula negativa Signo tribus Modis: viz. *Præ*, *Post*, & *Præ postque*.

I. *Præ*.

Negatio præposita cuivis signo facit Propositionem Æquipollere suæ Contradictoriæ. Cap. 2. §. *Cuivis Propositioni*.

*Exempli gratiâ.*

Non omnis,	} id est,	{	Aliquis non.
Non nullus,			Aliquis.
Non aliquis,			Nullus.

i. Non

1. Non omnis; id est, Aliquis non.

*Cic. de Senect.* 90, 91. Ut non omne vinum, sic non omnis ætas vetustate coacescit.

*Levit.* 16. 2. *Deut.* 12. 13. *1 Reg.* 11. 13. *Ecclesi.* 7. 24. *Mat.* 7. 21. & 19. 11. *Job.* 13. 10, 11, 18. *Rom.* 9. 6. & 10. 16. *1 Cor.* 8. 7. & 10. 23. & 12. 29, 30. & 15. 39. *2 Thess.* 3. 2. *Heb.* 3. 16. *1 Job.* 2. 19. & 4. 1.

Sic, Non semper, vel, Non in æternum; id est, Aliquando non. *Gen.* 6. 3. *1 Reg.* 11. 39. *Psal.* 9. 18. *Prov.* 27. 24. *Isa.* 57. 16. *Mat.* 26. 11. Non ubique, id est, Alicubi non. *Ὁὐ πᾶσι*, *1 Cor.* 5. 10.

2. Non nullus; id est, Aliquis. Non nihil; id est, Aliquid, vel Aliquantum. Non nunquam; id est, Aliquando. Non nusquam; id est, Alicubi.

*Cic. Epist.* fol. 64. a. Et te non nunquam à me alienarunt, & me aliquando immutarunt tibi.

Idem pro *Quinct.* 1. Non nihil commoveor; id est, Aliquantum.

Idem pro *Muræna* 138. b. Consilium tuum non nullâ in re forsitan emendare possim.

Idem de *Senect.* 93. b. Nolite arbitrari, me, cùm à vobis discessero, nusquam aut nullum fore.

3. Non aliquis, Non ullus, Non unus; id est, Nullus. Non unquam; id est, Nunquam. Non usquam; id est, Nusquam.

*Cic. de Or.* 94. Non mihi videtur ars Oratoris esse ulla.

*Exod.* 8. 31. & 9. 4, 6, 7. & 10. 19. *Num.* 31. 49. *Deut.* 2. 7. *Jos.* 23. 14. *1 Reg.* 4. 27. *Job.* 5. 37. *Rom.* 3. 10. *2 Pet.* 3. 9.

Excipe, quòd Negatio præposita universali affirmatæ non rarò æquipollet Contrariæ, præsertim in Linguâ Hebræâ & Hellenisticâ; ut, *Exod.* 10. 15. &



20.4, 10, 17. *Levit.* 18. 6. *Num.* 16. 26. *Deut.* 8. 9. & 12. 19. & 14. 3. & 18. 1. & 20. 16. & 22. 19. *Judic.* 13. 4. & 19. 19. *1 Sam.* 2. 32. & 3. 14. *2 Sam.* 12. 3. & 15. 11. *2 Reg.* 4. 2. *Psal.* 31. 1. & 34. 22. & 49. 17. & 119. 133. & 143. 2. *Prov.* 11. 21. & 13. 7. & 30. 30. *Eccles.* 1. 9. & 2. 10. *Isa.* 56. 2. *Fer.* 12. 12. & 13. 7, 10. & 17. 22. & 18. 18. & 32. 17, 23, 27. & 35. 19. & 51. 43. *Mat.* 5. 34. & 24. 22. *Luc.* 1. 37. *Joh.* 10. 28. & 11. 26. & 13. 8. *Rom.* 3. 20. *1 Cor.* 1. 29. & 8. 13. *Gal.* 2. 16. *Apoc.* 7. 1, 16. & 9. 4. & 21. 27. *Tobit* 4. 18.

II. *Post.*

Negatio postposita Signo (sc. *Universali*) facit Propositionem Æquipollere suæ Contrariæ; ut, Omnis non; id est, Nullus. Nullus non; id est, Omnis.

1. Omnis non; id est, Nullus: ut, Omnis bene sibi conscius non timet; id est, Nullus bene sibi conscius timet.

*Exod.* 12. 16, 43, 48. & 15. 26. *Levit.* 3. 17. & 22. 10, 20, 21. *Num.* 30. 5, 12. (aliàs ver. 6, 13.) *Joh.* 2. 10. *Psal.* 25. 3. *Prov.* 2. 19. & 20. 1. *Isa.* 54. 17. *Fer.* 2. 24. *Ezec.* 18. 22. & 33. 16. *Mat.* 12. 25. *Marc.* 7. 18. *Luc.* 14. 33. & 21. 15. *Joh.* 3. 15, 16. & 6. 39. & 11. 26. *Act.* 11. 8. *Rom.* 9. 33. *Ephes.* 4. 29. & 5. 3, 5. *2 Pet.* 1. 20. *1 Joh.* 2. 16, 21, 23. & 3. 6, 9, 10, 15. & 4. 3. & 5. 18. *2 Joh.* ver. 9. *Apoc.* 18. 22. & 22. 3. *Sirac.* 48. 13.

Aliquando autem Universalis affirmata, postpositâ Negatione, Æquipollet suæ Contradictoriæ; ut, Omnes docti non sunt prudentes, pro, Non omnes docti sunt prudentes; id est, Aliqui docti non sunt prudentes.

*Rom.* 12. 4. *1 Cor.* 15. 51. *Sirac.* 10. 6.

2. Nullus non; id est, Omnis: ut, Nullus sibi malè  
consciùs non timet; id est, Omnis sibi malè consciùs  
timet.

*Exod.* 12. 30. *Deut.* 3. 4. *Jos.* 8. 17, 35. *1 Reg.* 8. 46.  
& 10. 3. *2 Reg.* 10. 21. *Jer.* 49. 36. *Mat.* 10. 26. &  
24. 2. *Marc.* 10. 29, 30. *Luc.* 8. 17. & 12. 2. & 18.  
29, 30. *Heb.* 2. 8. & 12. 7.

### III. *Præ postque.*

Negatio Præposita & Postposita cuilibet Signo,  
facit Propositionem Æquipollere suæ Subalternæ; ut,  
Non omnis non; id est, Aliquis. Non nullus non;  
id est, Aliquis non. Non aliquis non, vel, Non ullus  
non; id est, Omnis.

#### *Exempli gratia.*

Non omne animal non est rationale; id est, Ali-  
quod animal est rationale. Non nullum animal non  
est rationale; id est, Aliquod animal non est ratio-  
nale. Non aliquod animal non sentit; id est, Omne  
animal sentit.

*Cic. de Senect.* 83. Nec ulli bonarum artium Magi-  
stri non beati putandi; id est, Omnes bonarum artium  
Magistri sunt beati putandi.

Idem de *Fin.* 61. b. Neque Stultorum quisquam bea-  
tus, neque sapientum non beatus; id est, Nulli stulti,  
Omnes sapientes, sunt beati.

*Deut.* 3. 4. *2 Sam.* 17. 22. *1 Reg.* 10. 3. *2 Reg.* 10. 21.  
& 20. 13, 15.

b Ex dictis patet, Datâ quacunque Propositione Ca-  
tegoricâ clari posse duas alias Categoricas ei Æquipol-  
lentes.

*Exempli gratiâ.*

1. Omnis, { Nullus non. Pòst contra.  
Non aliquis non. Præ postq; subalter,
2. Nullus, { Omnis non. Pòst contra.  
Non aliquis. Præ contradict.
3. Aliquis, { Non nullus. Præ contradict.  
Non omnis non. Præ postq; subalter,
4. Aliquis non, { Non omnis. Præ contradict.  
Non nullus non. Præ postq; subalter.

*Diagramma Relatarum, & Equipollentium simul.*

Omnis. Nullus non. Non aliquis non	Contrariæ.	Nullus. Omnis non. Non aliquis.
Subalterne.	Contradictoriæ. Contra- dictorie.	Subalterne.
Aliquis. Non nullus. Non omnis non.	Subcontrariæ.	Aliquis non. Nō om- nis. Non nullus non.

Versiculi.

## - Versiculi.

- a *Particulam variè variis appone negantem :  
Præ contradict, Pōst contra, Præpostque Subalter.*
- b *Ter ternis Effata modis quævis referuntur :  
Terque novenis quæque modis si singula spectes.*

## C A P. VIII.

*De Propositionibus Modalibus.*

\* **M**odales Propositiones sunt, in quibus loco Signorum ponuntur Modi : Necessè, Impossibile, Contingens vel Possibile, Contingens non vel Possibile non.

Necessè,	} <i>vim signi</i> {	Universalis affirmati,	{	Omnis.
Impossibile,		Universalis negati,		Nullus.
Contingens vel possibile,		Particularis affirmati,		Aliquis.
Contingens non, vel possibile non,		Particularis negati,	{	Aliquis non.

b Modales similiter supponunt, convertuntur, referuntur, & æquipollent, ut Puræ. Regulas igitur ex quatuor præcedentibus Capitibus repetitas, hic solummodo exemplis Modalium illustrabimus.

I. *Suppositio Modalium.*

Necesse est hominem esse animal; id est, Omnis homo est aliquod animal.

Impossibile est lapidem esse animal; id est, Omnis lapis est Nullum animal.

Contingit, vel possibile est animal esse hominem; id est, Aliquod animal est aliquis homo.

Contingit, vel possibile est animal non esse hominem; id est, Aliquod animal est nullus homo.

II. *Conversio Modalium.**Simplex.*

Impossibile est album esse nigrum: Ergo, Impossibile est nigrum esse album.

Contingit, vel possibile est, album esse dulce: Ergo, Contingit, vel possibile est, dulce esse album.

*Attenuata.*

Necesse est hominem esse animal: Ergo, Contingit, vel possibile est animal esse hominem.

*Per Contrapositionem.*

Necesse est hominem esse animal: Ergo, Necesse est non animal esse non hominem.

Contingit, vel possibile est, album non esse dulce: Ergo, Contingit, vel possibile est, non dulce non esse non album; id est, non dulce esse album.

III. *Re-*

III. Relatio Modalium.

Diagramma.

Necesse est esse.	Contrariæ.	Impossibile est esse.
Subalternæ.	<div style="display: flex; justify-content: space-around; align-items: center;"> <div style="transform: rotate(-45deg);">Contradictoriæ.</div> <div style="transform: rotate(45deg);">Contrariæ.</div> </div>	Subalternæ.
Contingit vel possibile est esse.	Subcontrariæ.	Contingit vel possibile est non esse.

IV. Equipollentia Modalium.

*Pra* contradict.

Non necesse est esse : Contingit vel possibile est non esse.

Non impossibile est esse : Contingit vel possibile est esse.

Non contingit, vel Non possibile est, esse : Impossibile est esse.

*Post* contra.

Necesse est non esse : Impossibile est esse.

Impossibile est non esse : Necesse est esse. Compara  
Mat. 18.7. cum Luc. 17.1.

*Pra*

## Præ postque subalter.

Non necesse est non esse: Contingit vel possibile est esse.

Non impossibile est non esse: Contingit, vel possibile est, non esse.

Non contingit, vel non possibile est, non esse: Necesse est esse. *Act. 4. 20.*

Hinc, Datâ quacunque Propositione Modali, dari possunt duæ aliæ Modales ei Equipollentes.

## Exempli gratiâ.

1. Necesse est { Impossibile est non esse. Põst contrâ.  
Non contingit, vel Non possibile est non esse. Præ postque subalter.

2. Impossibile { Necesse est non esse. Põst contrâ.  
est esse, Non contingit, vel Non possibile est esse, Præ contradict.

3. Contingit { Non impossibile est esse. Præ contra-  
vel possibi- dict.  
le est esse, Non necesse est non esse. Præ postque Subalter.

4. Contingit { Non necesse est esse. Præ contradict.  
vel possibile { Non impossibile est non esse. Præ post-  
est non esse, que Subalter.

Diagramma



*Diagramma Propositionum Modalium Relatarum & Equipollentium simul.*

Necesse est esse. Impossibile est non esse. Non contingit, vel non possibi- le est non esse.	Contrariæ.	Impossibile est esse. Necesse est non es- se. Non contingit, vel non possibile est esse.
Subalternæ.	Contradictoriæ. Contradictoriæ.	Subalternæ.
Cōtingit vel pos- sibile est esse. Non impossibile est esse. Non necesse est non esse.	Subcontrariæ.	Contingit, vel possi- bile est non esse. Non necesse est es- se. Non impossibile est non esse.

### Versiculi.

- a *Singula Signa Modi suppleant : Sic nempe Necesse, est Pro signo Omnis stans : Impossibile, est quoque Nullus ; Contingens, Aliquis : Contingens non, Aliquis non.*
- b *Ut puræ, supponunt, Vertunturque Modales ; Atque etiam ut puræ pariter referuntur & æquant.*

## C A P. IX.

De Propositione Compositâ, sive Hypotheticâ  
in Genere.

**D**E Propositione Simplicè sive Categoricalâ egimus:

De Compositâ sive Hypotheticâ restat agendum.

**a** Eandem Propositionem Compositam atque Hypotheticam appello: Quia in omni Compositâ est aliqua Hypothesis & Consequentia, sive Illatio alicujus Consequentis ex aliquo Antecedente, ut videbitur Cap. 15.

Hanc partem Logicæ (quæ permagni usûs est, tum in se tum in ordine ad Syllogismos Hypotheticos) eò longius & diligentius persequendam putavi, quò magis eam à plerisque neglectam esse video. Ei igitur excolendæ hoc & decem sequentia Capita tribuere, operæ pretium fore existimavi.

**b** Propositio Composita, sive Hypothetica est, cujus partes sunt integræ Propositiones, Vinculum Conjunctionis.

**c** Itaque è Conjunctione affirmatâ affirmatur, negatâ negatur. Nec refert utrùm partes sint affirmatæ an negatæ; ut suprâ Cap. 2. §. *Affirmata*. Et §. *Negata*. Et Cap. 3. §. *Itaque verbo*.

**d** Contradicitur ei in se uno fere modo, nempe eò de quo dictum est Capite secundo, Præponendo negationem toti, aut tollendo præpositam. Sed & aliò quocunque modo, Vinculo affirmato vel negato.

e Conjunctionis vocabulum hîc latè accipimus pro quavis particulâ Propositiones integras conjungente, sive sit ea, quæ à Grammaticis specialiter sic dicitur, sive alia aliqua pars Orationis.

f Pro varietate Conjunctionum variæ sunt etiam Propositionum Hypotheticarum species. Præcipuæ autem & ad quas reliquæ reduci possunt, quatuor sunt; *Connexa, Disjuncta, Copulata & Discreta.*

g Conjunctio aliquando omittitur, ut in quatuor sequentibus Capitibus videbitur. Aliquando implicatur in Participio; ut Cap. 10, 11, 13. Aliquando una Conjunctio pro aliâ ponitur; ut Cap. 14. per totum. Quænam autem sit vera & propria Conjunctio, adeoque cujus speciei Propositio sit, ex partium inter se affectione intelligitur.

b Propositionis hypotheticæ specie cognitâ, proprietates sive qualitates ejus duabus quæstionibus interrogantur; viz. 1. Qualitas ex voce, viz. utrùm sit Affirmata an Negata, adeoque quid significet sive pronunciet. 2. Qualitas ex re & modo, viz. utrùm sit Vera necessaria, Vera contingens; Falsa impossibilis, an Falsa contingens sive possibilis, adeoque quàm rectè aut secus pronunciet.

Quantitatem Hypotheticæ propriè non habent: sed tamen habent aliquid instar, ut videbitur Cap. 17.

i Propositiones Connexæ & Discretæ ex binis tantum partibus semper constant, Antecedente nimirum & Consequente: Disjunctæ & Copulatæ nullo certo numero partium definiuntur. Veruntamen & in his, quocumque fuerint partes, omnes possunt reduci ad binas, idque variè, viz. ponendo unam quamlibet aut plures pro *Antecedente*, reliquam reliquasve pro *Consequente*: ut videbitur Cap. 11, & 12.

**K** De Conversione Hypotheticarum distinctius & fufius dicetur in singulis speciebus. Hic tantum breviter dicimus, Connexam converti per Contrapositionem, reliquas tres species Simpliciter. In omnibus autem Convertendam & Conversam æquipollere, adeoque ex se mutuo inferri, & planè pro unâ atque eâdem sumi; ut Cap. 5. §. In Conversione.

**L** De Æquipollentiâ verò & Contradictione harum specierum inter se dicetur Cap. 16. Cum *Categoricis* Cap. 17.

### Verficuli.

- a *Composita in se omnis supponit conditionem,  
Ex aliquoque aliquid (quicquid sit) perpetuo infert.*
- b *Effata integra sunt Partes, Conjunctio Vinculum.*
- c *Sive igitur Verba affirmantur, sive negentur,  
Affirmatque negatque tibi Conjunctio Totum.*
- d *Ex aiente neganteque Contradictio fiet,  
Particulam præponendo aut tollendo negantem.*
- e *Hic autem accipimus vocem [Conjunctio] latè.*
- f *Necto, disjungo, jungo discernoque partes.*
- g *Neglectum, implicitum, mutatum quomodocunque  
Sit Vinculum; quod sit, membrorum affectio monstrat.*
- h *Qualis quæque fiet de voce, est Quæstio prima:  
Qualis de re, deque modo fiet, altera quærit.  
Quanta licet propriè non sit, quantæ est tamen instar.*
- i *Partes duntaxat necto & discernito binas.  
At quotcunque voles, junge & disjungito plures.  
Has plures iterum ad binas (varieque) reduces.*
- K** *Contraponendo Connexam vertito solam.  
Simpliciter reliquas species convertere debes.  
Convertenda & Conversa hic sumuntur ut una.*

b.II.  
&  
pre-  
tra-  
In  
qui-  
pro-  
ver-  
  
um  
icis

Cap. X. De Propositione Connexâ, &c.

113

L Quæ quibus Æquivalentia sint monstrabitur infra,  
Atque Categoricalis, quocunque modo referantur.

---

C A P. X.

De Propositione Connexâ. Et primò,  
De Conditionali.

**P**ropositio Connexa est, cujus Conjunctio est Con-  
nexiva, id est, quâ suspenditur, & infertur ipsum  
Consequens ex ipso Antecedente.

Hanc ex Hypotheticis primo loco ponimus: ut-  
pote ex quâ reliquæ omnes pendent; & ad quam,  
tanquam ad normam suam referuntur, cujus denique  
ratione dicuntur Hypotheticæ, ut dictum est Cap. 9.  
& amplius dicetur Cap. 15, & 16. Itaque de hac  
etiam prolixius quàm de reliquis agemus.

a Hujus tres sunt species; *Conditionalis*, *Causalis*, &  
*Relativa*. In quarum primâ neutra pars *denotans*, sive  
positivè accipitur; in Secundâ, utraque; Tertia similis  
est nunc primæ nunc secundæ, ut infra hoc Capite  
videbitur de Singulis.

I. De Conditionali.

Conditionalis Propositio est; cujus Conjunctio est  
conditionalis, *Si, Nisi*.

Hæc specialissimè & propriissimè dicitur Connexa,  
& Hypothetica: quia in hac (ut modo dictum est)  
Neutra pars *denotans* sive positivè accipitur, sed solum-

I

modo

modo Consequens connectitur, suspenditur, & infer-  
tur ex Antecedente,

*Exempli gratia,*

*Affirmata*; Si homo est, animal est. Si leo est, e-  
quus non est. Si sanus non est, aeger est. Si non vivit,  
non sentit.

*Negata*; Non si largus est, liberalis est. Non si  
misericors est, justus non est. Non si album non est,  
nigrum est. Non si corpus non est, substantia non  
est.

Affirmata significat, ipsum Consequens sequi ex  
ipso Antecedente: Negata, non sequi.

*b* Vera igitur est affirmata, quando Consequens re-  
vera sequitur ex Antecedente: Negata quando non  
sequitur; ut in Exemplis datis. Et *Mat.* 6. 14, 15.  
*2 Tim.* 2. 11, 12. 13. *1 Job.* 1. 6, 7, 8, 9, 10. & 3. 21.  
*1 Cor.* 15. 14, 15, 16, 17, 18, 19.

Falsa est Affirmata, quando Consequens non re-  
vera sequitur ex Antecedente: Negata, quando se-  
quitur, ut in datorum Exemplorum contradictoriis.  
Et *Gen.* 3. 4, 5. *Ezr.* 4. 13. 16. *Job.* 1. 11. & 2. 5.  
*Mat.* 4. 9. *Luc.* 4. 6, 7. & 16. 30. *Job.* 18. 30. &  
19. 12.

Hinc apparet, Conditionalem affirmatam veram  
esse posse ex utrâque parte falsâ; ut *Gen.* 18. 26, &c.  
*Num.* 16. 29. *1 Reg.* 22. 28. *Job.* 8. 19, 39, 42, 54, 55.  
& 13. 8. *1 Cor.* 15. 13, 14, 15, 16, 17, 18, 19. *Gal.* 1.  
8, 9, 10. & 2. 18, 21. & 3. 18. 21. Vide infra §. *Atque*  
*hujus.*

E contrâ, falsa esse potest ex utrâque parte verâ.

*Exempli*

*Exempli gratia.*

Si homo vivit, tum est animal. Si homo animal est, rationalis est.

c Conditionalis affirmata est instar Universalis; ut, Si homo est, animal est: id est, Omnis homo est animal. Si homo est, brutum non est; i. e. Nullus homo est brutum.

Negata est instar Particularis; ut, Non si animal est, homo est; id est, Aliquod animal non est homo. Non si animal est, homo non est; i. e. Aliquod animal est homo.

d Convertitur Conditionalis per Contrapositionem: Partibus nimirum in contradictorias suas mutatis, & deinde transpositis; ut, Si homo est, animal est: Si animal non est, homo non est. Item, Non si animal est, homo est: Non si homo non est, animal non est. Vide Cap. 5. §. Per Contrapositionem.

Hæc Conversio sæpe exprimitur ad majorem rei evidentiam, substitutis etiam aliquando aliis Oppositis pro Contradictoriis; ut, Si longa est, levis est: Si gravis est, brevis est; id est, Si non est levis, non est longa.

Cic. Epist. fol. 18. a. Si iniquus es in me judex condemnabo eodem ego te crimine: Sin me id facere noles, te mihi æquum præbere debebis.

Idem in Ver. 154. b. Si judicio à me vis exigere, remove Siculum Magistratum: Si hanc vim adhibes, (id est, Si non removes Siculum Magistratum) quid opus est judicio?

Et fol. 199. a. Annona si pretium habet, est in calamitate fructuum: Si ubertas in percipiendis fructibus sit, consequitur vilitas in vendendis.



Idem pro *Rabirio* 94. a. Si interfici *Saturninum* nefas sit, arma sumpta esse contra *Saturninum* sine scelere non possunt: Si arma jure sumpta esse concedis, interfectum jure concedas necesse est.

Idem pro *Cluentio* 44. b. Quod si hoc exemplum, &c. tum sortitione ipsum factum oportuit: Sin autem sortiri, &c. minimè censorium est, certè in multorum peccato carpi paucos ad ignominiam & turpitudinem non oportet.

*Senec. trag. Medea, Ver. 434*

*Si vellem fidem*

*Præstare meritis conjugis, letho fuit*

*Caput offerendum: Sin mori nolim, fide*

*Misero carendum.*

*Job. 5. 23. Rom. 11. 6. I Cor. 11. 6. & 15. 12, 13.*  
*I Job. 2. 19. Confer Mat. 10. 38. cum cap. 16. 24.*  
*Et Mat. 12. 30. cum Marc. 9. 40.*

Atque hujus Conversionis consecutio perpetua ac necessaria est. Vide Cap. 15. §. *Propositio Connexa*; Et Cap. 17. §. *Harum etiam*; Et Cap. 31. §. *Secundus modus.*

Hinc, Conditionalis ex impossibili vel falso Consequente æquivalet Simplici & Absolutæ contradictioni Antecedentis.

*Exempli gratiâ.*

*Ter. Andr. Act. I. Sc. 2.*

*Si te inde exemerim, ego pro te molam;*  
 Id est, Nequaquam te eximam.

*Num. 16. 29. I Reg. 22. 28. Vide supra §. Hinc apparet.*

Non

Lib. II. nēfas celere s. in- n, &c. utem prum inent

Cap. X. De Propositione Connexa. Conditionali. 117

Non autem sequitur simpliciter convertendo [Si homo est, animal est: Ergo, Si animal est, homo est.] Vel (quod idem valet) Ergo, Si homo non est, Animal non est.

Quæ fallacia ab Aristotele dicitur τὸ πᾶσι τὸ ἐντομᾶνον. Vide Cap. 5. §. Attenuata; Et §. Universalis affirmata.

Excipe quando hoc fit ex natura materie siue partium; ut, Si homo est, risibilis est: Et, Si risibilis est, homo est; ut Cap. 5. §. Si quando.

Aut ex intentione loquentis; id est, quando intendit Conditionem intelligi restrictivè, viz. hac conditione & non aliter: Quo modo communiter intelligitur in mandatis, Promissionibus, Comminationibus, Pactis, Testamentis, &c.

13. 24. ac xa; odus nfe- omi

Teren. Hecyr. Act. 1. Sc. 2.

Senex si quæret me, modo isse dicito.

Ad portum, percontatum adventum Pamphili.

Audin' quid dicam, Scirte? Si quæret me, uti

Tum dicas: Si non quæret, nullus dixeris.

Alias ut uti possim hac causâ integrâ.

Sic Justinianus Institut. lib. 2. Tit. 20. De Legatis. §. Longè magis. Titio, si negotia mea curaverit, fundum meum do lego; id est, Si non curaverit, non do lego.

Contrà vide infra §. Hinc legato causaliter enuntiato. Gen. 34. 22. Jos. 2. 14, 20. 1 Sam. 11. 2. Mat. 21. 24, 27. Luc. 13. 3, 5.

Atque hoc frequenter exprimitur inferendo contradictorium Consequentis ex contradictorio Antecedentis.

118 *De Propositione Connexa. Conditionali. Lib. II.*

*Cic. Epist. fol. 92. a.* Qui [scil. liber Ciceronis de Oratore] si talis est, qualem tibi videri scribis; ego quoque aliquid sum. Sin aliter: Non recuso quin quantum de illo libro, tantum de mei iudicii famam detrahatur.

*Judic. 4. 8. & 9. 19, 20. 1 Sam. 6. 9. & 12. 14, 15. 1 Reg. 1. 52. 2 Reg. 2. 10. Jer. 38. 17, 18. My. 6. 14, 15. & vers. 22, 23. & cap. 10. 13. Joh. 5. 46, 47. & 8. 47. & 9. 41. & 12. 24. & 16. 7. Rom. 7. 3. Heb. 12. 7, 8. 1 Joh. 4. 2, 3. Vide infra Cap. 18. 5. Gen. 34.*

Hinc, Ex eadem intentione loquentis, Conditionalis ex conditione impossibili sive Antecedente manifeste falso æquivalet simplici & absolute contradictioni Antecedentis.

*Hor. lib. 3. Od. 5.*

*Si pugnat extricata densis  
Cerva plagis: erit ille fortis,  
Qui per fœdis se credidit hostibus:*

Id est, Ut cervæ extricata plagis non pugnat, ita nec ille erit fortis, qui se credidit hostibus.

*Gen. 13. 16. 2 Sam. 5. 6. Jer. 13. 23. & 31. 36, 37. & 33. 29, 21, 25, 26. comparat. cum ver. 22. Vide supra 9. Hinc apparet.*

II. De Causali.

Causalis Propositio est, cujus Conjunctio est Causalis; Quia, quod, quoniam, quandoquidem, cum vel quando pro quandoquidem, Nam, namque, enim, etenim, quippe, utpote; ut pro utpote, Qui, cum habet vim causalem.

Item Conjunctiones finales, viz. ut, ne, quod pro ut.

Item Rationales sive Illativæ, Ergo, igitur, ideo, idcirco, itaque, proin, proinde, propterea, ea propter, quapropter, quare, quamobrem, quocirca.

Notæ causales (specialiter sic dictæ) & Finales Antecedentibus; Rationales sive Illativæ Consequentibus adjunguntur.

Affirmatæ, Gen. 3. 14, 17. Deut. 28. 47, 48. 1 Reg. 20. 28, 42. Eccles. 8. 11. Mat. 3. 13. Job. 15. 19. 1 Cor. 1. 14, 15. & 2. 4, 5.

Negatæ, Gen. 29. 15. Jer. 22. 15. Luc. 13. 2, 3, 4, 5. & 17. 9. Rom. 6. 15. & 9. 7.

Sæpe Affirmatæ & Negatæ conjunguntur, Non quia, sed quia; Non ut, sed ut. Deut. 7. 7, 8. & 9. 5. Jos. 22. 26, 27. Mat. 9. 13. Luc. 9. 56. & 11. 8. Job. 3. 17. & 6. 26. & 9. 3. & 10. 10. & 12. 6, 9, 30, 47. 1 Cor. 7. 35. 2 Cor. 2. 4. & 7. 9, 12. & 9. 4. & 11. 11, 12. 1 Tim. 6. 2. 1 Job. 2. 21.

Præpositiones aliquando suppleunt locum Conjunctionum; Ad, ob, pro, propter. Mat. 6. 1. & 10. 22. & 13. 5, 6, 58. Rom. 1. 20. 1 Cor. 11. 24, 25. 2 Cor. 1. 4. Heb. 9. 26.

Modus Infinitivus post verba motûs. Vide lib. I. cap. 6. §. Notæ Finis.

In Propositionibus causalibus non semper Causatum ex causa inferitur, sed aliquando Causa ex causato, aut aliud quodvis Argumentum ex alio.

*Exempli gratia*

Quia tendit deorsum, grave est. Quia pallet, conscius est. Quia bonos fert fructus, bona arbor est. Quia adulator est, amicus non est. Causa enim hic spectatur non Consequentis, sed consequentiae.

*Luc. 7. 47. I Cor. 10. 5.*

Causalis Affirmata significat, & Consequens sequi ex Antecedente, & utramque partem esse veram. Negata significat vel consequens non sequi ex Antecedente, vel alteram partem non esse veram.

Vera igitur est Causalis Affirmata, quando & Consequentia, & ambæ partes veræ sunt: Falsa quando vel Consequentia, vel altera pars falsa est. Negata contrâ.

*Deut. 1. 27. & 7. 7, 8.*

Veruntamen etiamsi Antecedens falsum sit; tamen quando Propositio enuntiatur causaliter, sumitur & ponitur ab enuntiante tanquam verum.

Hinc Legato causaliter enuntiato falsa causa adjecta non nocet. Sic *Justinian. Institut. De Legatis; Titia*, quia me absente negotia mea curavit, *Stichum* do lego. Hic, licet negotia Testatoris nunquam gesserit *Titius*, Legatum tamen valet. Contrâ si enuntietur conditionaliter, Suprà §. *Sic Justinianus.*

III. De Relativa.

Relativa Propositio est, cujus Conjunctio est Relativa, eique respondens Redditiva.

Relativa Antecedenti, Redditiva Consequenti adjungitur.

f Pro variis particulis Relativis & Redditivis variz etiam sunt species Propositionum Relativarum: Principue autem quinque, viz. Essentiz, Quantitatis, Qualitatis, Loci, & Temporis.

Hæ omnes species reducuntur ad primam: quæ in reliquis semper continetur; viz. Quantus, id est, Cujus quantitatis: Qualis, id est, Cujus qualitatis: Ubi, id est, Quo loco; Quando, id est, Quo tempore.

I. Relativa Essentiz.

In hac, Notæ Relativæ sunt, Qui, quicumque, quisquis, quicquid; id est, Si quis, si quid: Redditivæ, Ille, ipse, hic, is, idem.

Cic. pro *Muræna* 134. Cui dolet, meminit: Cui placet, obliviscitur.

Idem *Offic.* 37. a. Ex *Ennio*. Quem metuunt, oderunt: Quem quisque odit, perisse expetit.

Idem pro *Quinctio* 1. Quæ res in Civitate duæ plurimum possunt, ex contra nos ambæ faciunt in hoc tempore; Summa gratia, & Eloquentia.

Seneca de *Irâ* lib. 22. cap. 33.

Quos læserunt, oderunt.

Qui simulat verbis, nec corde est fidus amicus:  
Tu quoque fac simile. Id est, Si quis simulat.

Exod.

Exod. 32. 33. Num. 22. 35. Judic. 9. 48. Prov. 3. 12.  
 & 11. 28. & 18. 13. Mat. 5. 39, 41. & 7. 2, 12. & 10.  
 27, 38, 42. & 12. 50. & 13. 12. & 18. 4, 5, 6, 18. & 19.  
 6, 9, 29. & 21. 42, 44. & 24. 45, 46. Marc. 6. 16. &  
 10. 15. & 13. 11. Luc. 12. 48. & 14. 27. Job. 1. 12,  
 32, 45. & 5. 19, 28. & 14. 13, 26. & 18. 9, 11. & 20.  
 23. Act. 3. 6. & 10. 15. & 17. 23. Rom. 2. 12. & 8.  
 14, 29, 30. & 11. 7. 1 Cor. 7. 24. & 12. 23. Gal. 6. 7.  
 Phil. 3. 7. & 4. 8. Heb. 12. 6. & 13. 11. Apoc. 3.  
 19.

## 2. Relativa Quantitatis.

In hac, Notæ Relativæ sunt, *Quantus*, *quanti*, *quantum*, *quanto*, *quo pro quanto*, *quam*, *quot*; id est, Si *quantus*, &c. *Redditivæ*, *Tantus*, *tanti*, *tantum*, *tanto*, *eo*, *tam*, *tot*.

*Cic. Attic. 193. b.* *Quanti quanti*, bene emitur, quod necesse est.

*Juvenal. lib. I. Sat. 3.*

*Quantum quisque suâ nummorum servat in arcâ;  
 Tantum habet & fidei.*

*Hor. lib. I. Sat. 2.*

— de *Fusidio faneratore*:

*Quantò perditior quisque est, tantò acrius urget.*

*Exod. 1. 12. Marc. 7. 36. Hebr. 1. 4. & 8. 6. Apoc.  
 18. 7. Vide lib. I. cap. 18.*

## 3. Relativa



3. Relativa Qualitatis.

In hac, Notæ Relativæ sunt, Qualis, ut, quomodo, quemadmodum; id est, Si qualis, &c. Redditivæ, Talis, sic, ita, itidem, similiter.

Cic. de Or. 133. a. Ut sementem feceris, ita & metes.

Idem Epist. fol. 22. Ex Platone, Quales in Repub. Principes essent, tales fore reliquos cives.

Judic. 1. 7. Eccles. 2. 15, 16. & 11. 5. Jer. 5. 27. & 51. 49. Obad. ver. 16. Zach. 7. 13. Mat. 8. 13. & 24. 27, 37. Luc. 6. 31. Job. 5. 21. & 20. 21. Ait. 7. 51. & 23. 11. 1 Cor. 9. 13, 14. & 12. 12. & 15. 48, 49. 2 Cor. 10. 11. 1 Thess. 5. 2, 3. 2 Tim. 3. 8, 9. Jac. 2. 26.

Vide plura lib. 1. Cap. 16.

Negat. Mat. 7. 29. Job. 14. 27. Rom. 5. 15, 16. 2 Cor. 3. 13. Eph. 4. 17. 1 Thess. 4. 5. & 5. 6.

4. Relativa Loci.

In hac, Notæ Relativæ sunt, Ubi, unde, quò, quâ, quorsum; id est, Sicubi, sicunde, &c. Redditivæ, Ibi, inde, &c.

Ubi amor, ibi oculus. Ubi dolor, ibi manus. Ubi uber, ibi tuber. Unde omnia veniunt, eò redeunt.

Cic. Epist. fol. 97. a. Ubi non sis, qui fueris: non est cur velis vivere.

Ruth 1. 16, 17. 2 Sam. 15. 21. 2 Reg. 19. 33. Eccles. 1. 5, 7. & 11. 3. Hof. 1. 10. Mat. 6. 21. & 24. 28. & 26. 13. Job. 7. 34. & 8. 21. & 12. 26. Rom. 4. 15. & 5. 20. 2 Cor. 3. 17. Heb. 9. 16. Jac. 3. 16.

Negat.

Negat. Cic. Paradox. 121. Non ubi quisque erit, ejus loci jus tenebit.

### 5. Relativa Temporis.

In hac, Notæ Relativæ sunt, Quando, quamdiu, dum, donec, cum pro quando, quoties; id est, Si quando, &c. Redditivæ, Tunc, tamdiu, toties.

Compositæ ex Relativis & Redditivis, Antequam, priusquam, postquam, usquedum.

Cic. de Or. 95. Quoties dicimus, toties de nobis judicatur.

Salust. pag. 1. Priusquam incipias, consulto; postquam consulueris, maturè facto opus est.

Thraso Terent. Eunuch. Omnia prius experiri verbis, quam armis, sapientem decet.

Mat. 9. 15. & 13. 25, 26. Luc. 12. 11. & 21, 30, 31, 32. Job. 13, 38. 1 Cor. 11. 26. & 13. 10, 11. & 15. 28, 54. 2 Cor. 3. 15, 16. & 12. 10. Gal. 6. 10. Coloss. 3. 4. 1 Thess. 5. 3. 1 Tim. 4. 13.

Negat. 1 Cor. 16. 2.

Hic etiam loco Conjunctionum usurpantur Præpositiones, In, inter, ante, post.

Job. 42. 10. Prov. 8. 27, 28, 29. Mat. 27. 12. Luc. 24. 30. Gal. 2. 12.

Ex Propositionibus Relativis multæ (præsertim ex Relativis Essentiæ) ad Categoricalas referri possunt. Quædam ex iis, quæ Quantitatis aut Qualitatis esse videntur, ad Copulatas pertinent: ut quæ enuntiantur per Tam, quam; ut, sic; Non solum sed etiam.

Cap.X. De Propositione Connexâ. Crypses. 125

Quod ad significationem, adeoque ad veritatem & falsitatem Propositionum Relativarum attinet: Si solummodo sumantur hypotheticæ, sequuntur Regulam Conditionalium. Si autem ἀπὸ τοῦ, sive positivè accipiantur, sequuntur Regulam Causalium.

Num. 14. 28. Jos. 3. 7. 1 Reg. 21. 19. Job. 17. 16. Coloss. 3. 4.

---

Crypses Connexarum.

1. Aliquando deest Consequens, & dicitur Ἀπαρ-  
τηνόμενον & Ἀπορώμενον.

Simo Teren. Andr.

Quem quidem ego si sensero——

Demea Adelpb.

Si verbum unum posthac——

Laches Eunuch.

Ego te, furcifer, si vivo——

Exod. 32. 32. Et nunc si remittes peccatum eorum  
—— Græcus interpres ita supplet, —— ἀφ' οὗ. Vide  
simile Luc. 22. 42.

Exod. 13. 8. 1 Sam. 1. 22. 2 Chron. 2. 3. Psal. 27. 13.  
Dan. 3. 15. Mat. 25. 9, 14. Marc. 13. 34. & 14. 49.  
Luc. 19. 42. Job. 6. 62. & 13. 18. & 15. 25. Rom. 9. 22.  
2 Cor. 9. 7. 2 Thess. 2. 3. 1 Tim. 1. 3, 4. 1 Joh. 2. 19.

2. Conjunctio aliquando deest.

Juvenal. Sat. 3.

Græculus esuriens in cælum, jusseris, ibit!  
Id est, Si jusseris.

Exod.

126 De Propositione Connexa. Crypses. Lib. II.

Exod. 15. 10, 11, 14. Psal. 23. 1. & 104. 28, 29, 30.  
Mat. 10. 8, 31. & 14. 27. Job. 8. 13.

Præsertim cum Interrogatione.

Gnatho Teren. Eunuch.

Negat quis? Nego. Ait? Aio.

Id est, Si negat, nego: Si ait, aio.

Mitio Teren. Adelp.

Fores effregit? Restituentur.

Discidit vestem? Resarciatur.

Martial lib. 6. Epig. 50.

Vis fieri dives, Bythinice? Conscius esto.

Juvenal. Sat. 8.

——— Sanctus haberi

Iustitiaeque tenax dictis factisque mereris?

Agnosco procerem.

Deut. 20. 5, 6, 7, 8. Psal. 25. 12. & 34. 12, 13. Prov.  
22. 29. & 25. 16. & 26. 12. & 29. 20. Isa. 50. 10.  
Marc. 4. 13. Luc. 12. 42, 43. Act. 25. 12. Rom. 13. 3. &  
14. 22. I Cor. 7. 18, 21, 27. 2 Cor. 11. 22, 23. Jac. 3. 13.  
& 5. 13, 14. Sirac. 7. 22, 23, 24, 26.

3. Sæpe Coniunctio implicatur in Participio.

Exempli gratia.

In Conditionalibus. Act. 15. 29. Gal. 6. 9. I Tim. 4.  
4, 6. 16. & 6. 8. Heb. 2. 3. 2 Pet. 1. 10.

In Causalibus. Mat. 1. 19. & 22. 29. Luc. 20. 36.  
Job. 13. 1, 3. I Cor. 4. 14. & 11. 7, 29. 2 Cor. 1. 23.  
& 3. 12. & 4. 1. & 11. 7. 19. Gal. 4. 16. Coloss. 3. 9, 10.  
Philem. vers. 9, 21. Heb. 4. 2. 2 Pet. 3. 11, 14, 17.

In

In Relativis Essentia. Cum Articulo Propositionivo,  
*Exer.* 18. 4. 20. *Mat.* 4. 16. & 5. 22, 40, 42. & 10. 22,  
 37, 39, 40, 41. & 26. 23, 44. *Luc.* 12. 47, 48. *Job.* 9. 18.  
 1 *Cor.* 6. 4. 3 *Joh.* ver. 6. *Apoc.* 2. 7, 17, 26.

Et sine Articulo. *Gen.* 9. 6. *Prov.* 11. 25, 28. &  
 18. 9, 13. & 21. 13. & 28. 26. & 29. 12. *Mat.* 9.  
 23.

Et Participio Subintellecto. *Mat.* 24. 16, 17, 18. *Gal.*  
 3. 7, 9.

Item per Appositionem Nominis Adjectivi vel Sub-  
 stantivi, Participio subintellecto. *Ignavum fucos pecus;*  
 id est, fucos existentes ignavum pecus.

*Colos.* 3. 4. 1 *Tim.* 1. 1, 2.

In Relativis temporis. *Mat.* 6. 7, 17. *Luc.* 24. 44.  
*Job.* 21. 14. *Act.* 19. 2. *Rom.* 15. 28. 1 *Tim.* 5. 6. 1 *Pet.*  
 5. 10. 2 *Pet.* 2. 9.

Frequentissimè autem, Genitivo apud Græcos, &  
 Ablativo apud Latinos absolute sumpto, Participio  
 vel Expresso, vel Subintellecto.

Sic & in aliis casibus. *Mat.* 8. 1, 5, 23, 28. & 9. 27, 28.  
 & 21. 23. & 26. 71. *Marc.* 9. 28. *Luc.* 8. 27. *Act.* 7. 21.  
*Apoc.* 2. 7.

4. Aliquando partes invertuntur; ut Animal est, si  
 homo est. Vivit, si sentit. Sanus est, si æger non  
 est.

Ejus est velle, qui potest nolle. *Reg. Jur. Civil.* 3.

*Tanti eris aliis, quanti tibi fueris.*

*Tale tuum carmen, &c.*

*Quale sopor fessis, &c.*

*Virgil. Eclog.* 5.

2 Sam. 12. 5, 6. Job. 42. 10. Prov. 3. 27, 28, 29, 30. & 28. 1. Mat. 18. 32, 33, 34, 35. & 20. 27, 28. Luc. 6. 36. & 11. 1. Job. 9. 4. & 10. 17. & 15. 4, 14. & 16. 3, 4, 9, 10, 11. 1 Cor. 11. 1. Gal. 6. 9. 1 Tim. 1. 8. Heb. 6. 3. 1 Job. 3. 4, 7. & 4. 19. Apoc. 3. 21.

Differt hæc Inversio à Conversione (de quâ supra §. *Convertitur*) quòd partes hîc non, ut ibi, mutantur in suas Contradictorias. Imo quanquam transponuntur, tamen manent eadem ut antea fuerant; id est, Antecedens manet Antecedens, & Consequens manet Consequens. Quomodocunque enim collocentur, semper tamen ea pars, quæ habet notam Conditionalem, Causalem, aut Relativam, Antecedens est; altera Consequens. Vel, Ea quæ infert alteram, Antecedens est; Altera Consequens.

5. Aliquando & deest Conjunctio, & partes invertuntur.

*Senec. Trag. Troad. ver. 1016.*

*Nemo se credit miserum licet sit:*

*Tolle felices; id est, Si tolles felices (vel, Si nulli sint felices) nemo se credit miserum.*

### Verficuli.

- a *Tres Connexarum species numerantur. Et ex his Conditionalis Neutram, Causalis utramque Partem, Nunc Neutram nunc ponit utramque Relata.*
- b *Conditionalis, cum infert Pars prima secundam, Vera erit Affirmata, & contra Falsa Negata: Quando non infert, vera hæc & falsa erit illa. Nec refert utrùm Pars vera an falsa sit ulla.*

c *Condi-*

- c *Conditionales affirmatæ, generales*  
Sunt ; contræque negatæ, tanquam particulares.
- d *Conditionali in vertendâ multa notantur.*
- e *Causalis, quando pars infert prima Secundam,*  
*Atque simul vera est pars utraq; ; vera futura est*  
*Affirmata, & falsa negata : At contrâ alioqui.*
- f *Sunt Qui, Quantus, Qualis, Ubi, Quandoque Re-*  
*latæ.*  
*Omnes hæc notæ ad primam rite reducatur.*
- g *Conditionalem aut Causalem prout imitatur,*  
*Ponendo vel non, Vera est aut Falsa Relatâ.*

## C A P. XI.

### De Propositione Disjunctâ.

**D**isjuncta Propositio est, cujus Conjunctio est Disjunctiva ; Aut, vel, ve, an, utrum.

Hanc proximo loco subjicimus Connexæ ; quia majorem cum eâ affinitatem habet, quàm reliquæ duæ, sicut & reliquæ duæ majorem inter se affinitatem habent, ut in sequentibus videbitur. Cap. 12, 13. & Cap. 15, 16, 17. Et Cap. 30, 31, 32, 33, 34, 35.

*Affirmatæ.* Aut dies est, aut nox est. Aut homo non est, aut animal est. Aut fidelis est, aut amicus non est. Aut adulator non est, aut amicus non est.

*Negatæ.* Non aut album est, aut nigrum est. Non aut homo est, aut animal non est. Non aut Substantia non est, aut corpus est. Non aut dives non est, aut avarus non est.



Ex pluribus Membris. Aut vincendum, aut fugiendum, aut moriendum, aut serviendum est.

Hæc plurâ ad duo reduci possunt, idque varié.

*Exempli gratiâ.*

Vel sic, Aut vincendum est——aut fugiendum, aut moriendum, aut serviendum.

Vel sic, Aut vincendum aut fugiendum est——aut moriendum, aut serviendum.

Vel sic, Aut vincendum, aut fugiendum, aut moriendum est——aut serviendum.

Sic etiam iisdem partibus aliter atque aliter transpositis, & deinde aliter atque aliter divisis.

Aut Ver, aut Æstas, aut Autumnus, aut Hyems est.

I Sam. 26. 10. I Reg. 18. 27. Coloss. 2. 16.

Disjuncta affirmata significat, Aliquam partem esse veram: Negata, Nullam partem esse veram.

*a* Vera igitur est Disjuncta affirmata, quando aliqua pars est vera: Falsa, quando nulla pars est vera. Contrâ, Negata vera est, quando nulla pars est vera: Falsa, quando aliqua pars est vera.

*b* Ad veritatem autem Affirmatæ (&, quod idem est, ad falsitatem negatæ) non necesse est ut unica tantum pars sit vera (ut quidam docent,) Qui error & alios errores peperit. Potest enim Negata esse falsa, adeoque Affirmata esse vera, ex ambabus, pluribus, omnibus partibus veris. Imò, quò plures partes veræ sunt, eò verior erit Affirmata, & eò falsior Negata. Vide Cap. 13, 16, 17. Et 30, 31, 32, 33, 34, 35.

*Exempli*

Exempli gratia,

Terent. Hecyr. Act. 3. Sc. 1.

*Matrem ex eo re me, aut uxorem in culpa inventurum  
arbitror.*

*Verè arbitratur, & vera est disjunctio, si utramque in  
culpa invenerit.*

Et Phorm. Act. 1. Sc. 4.

*Me aut herum pessundabunt.*

*Verè dicitur, si utramque.*

Et Heaut. Act. 1. Scen. 1.

*Vel virtus tua, vel vicinitas fecit.*

*Vera est disjunctio, si ambae fecerint.*

Et ibid.

*Aut consolando, aut consilio, aut re juvero.*

*Magis verificat promissum, si & consolando, & con-  
silio, & re juverit.*

Et Andr. Act. 5. Sc. 4.

*Una harum quævis causa me, ut faciam monet:*

*Vel tu, vel quiddam verum est, vel quod ipsi cupio Gly-  
cerio.*

*Si una quævis, multò magis omnes.*

Suprà Cap. 6. Ex Regulis ibi traditis verè dicitur,  
Contrariarum aut Affirmata aut Negata falsa est:  
Subcontrariarum aut Affirmata aut Negata vera est:  
Subalternarum aut vera est Particularis, aut falsa est  
Universalis: Etiam si in primâ utraque sit falsa, in  
secundâ utraque sit vera, in tertiâ & vera sit Particu-  
laris, & falsa sit Universalis.

Quamquam enim aliquando ridiculum est loqui Disjunctivè, cum possimus Copulativè (ut dictum est Cap. 2. §. *Si Propositio*) non sequitur, ut semper sit ridiculum: Multò minus ut sit falsum. Multò verò magis & falsum, & ridiculum est dicere, Quia utrumque membrum verum est, ideo Neutrum verum esse, vel (quod idem est) ideo Disjunctam affirmatam falsam esse.

Hic autem error de unico vero, idem est, aut in eo fundatur, quòd membra disjuncta supponuntur esse semper Opposita: cum ex datis Exemplis appareat, ea esse aliquando solummodo Diverfa, & quidem Subordinata, ita ut possint esse simul vera.

*Eccles. I. 1. 6. Mat. 6. 24. & 12. 33.*

Convertitur Disjuncta simpliciter, id est, Solâ transpositione partium.

*Exempli gratia.*

Aut dies est, aut nox est: Aut nox est, aut dies est.

Ad veritatem enim nihil interest quo ordine partes collocentur: Ad commoditatem autem aliquando aliquid interest, prout oratio vel crescit vel decrescit.

Crescit oratio, quando id quod minus est præcedit, id quod majus est sequitur, additis Particulis [*Etiā, fortè, ad summum.*]

*Exempli gratia.*

*Ter. Heaut. Act. I. Sc. I.*

*Pariter, aut etiā ampliùs.*

*Cic. pro Cælio 42. a.* Aut non timet, aut etiā fateatur.

Idem

Idem de *Arusp.* Resp. 245. a. Aut concedente, aut etiam adjuvante *Milone*.

Idem in *Ver.* 202. b. Aut non minoris, aut etiam pluris.

Idem *Epist.* fol. 18. Bis, terve ad summum.

Idem pro *Quinctio* 14. Biduo, aut summum tri-duo.

1 *Cor.* 14. 27, 29. & 16. 6.

Decrescit oratio, quando id quod majus est præcedit, id quod minus est sequitur, additis Particulis [Saltem, certè, ad minimum.]

*Cic.* ad *Attic.* 138. Eripe mihi hunc dolorem, aut minue saltem.

Idem de *Senecl.* 77. Aut jam urgentis, aut certè ad-ventantis senectutis.

Hac distinctione Crescentis & Decrescentis Oratio-nis non observatâ, Propositio disjuncta potest fieri in-commoda licet vera.

Ex his etiam Exemplis apparet, Membra dis-juncta aliquando non pugnare, sed posse esse simul vera.

d Disjuncta Affirmata similis est Particulari, Negata Universali.

*Exempli gratiâ.*

Aut hoc, aut illud, aut istud est; id est, Aliquid ho-rum.

Non aut hoc, aut illud, aut istud est; id est, Nihil horum.

Aliâ ratione contrâ, Cap. 15. §. *Cum autem.* Item Cap. 16, & 17.

*Crypsis Propositionis Disjunctæ.*

Aliquando Conjunctio deest; ut, Plus, minus; Vo-  
lens, nolens; Velis, nolis; Scias, nescias.

*Hor. lib. 2. Od. 3.*

*Serius, ocyus, Sors exitura.*

*Cic. Attic. 10. 1. Cras, summum perendie.*

*Ter. Heaut. Act. 4. Sc. 1.*

*Melius pejus, profit obfit, nihil vident nisi quod lubet,*  
*1 Cor. 3. 12. & 14. 26.*

## Versiculi.

- a *Aff. Vera ex aliquâ verâ est: at falsa, ubi nulla,*  
*Neg. Falsa ex aliquâ verâ est: at vera, ubi nulla;*
- b *Pluribus ex veris etiam Affirmatio vera est:*  
*Cum (quod nemo negare potest) sit falsa Negata,*
- c *Ad verum nihil est, siue ipsa Oratio crescat,*  
*Siue ea decrescat: tamen est ad commoditatem,*
- d *Disjuncta affirmata est instar Particularis:*  
*Et contra, Disjuncta negata instar Generalis:*  
*Quamvis amba aliter se habeant aliâ ratione,*

## C A P. XII.

## De Propositione Copulatâ.

**C**opulata Propositio est, cujus Conjunctio est Copulativa; Et, ac, atque, nec, neque, neve, cum tum, tum geminarum, tam quàm, non solum sed etiam, non solum sed ne, nedum; sive, ut Græcè *καὶ*, & Hebraicè *וְ* **וְ** *וְ*

*Affirmatæ.* Et amici & inimici diligendi sunt. *Cic. Epist. fol. 177. b.* Nec metuum (id est, Et non metuum) quicquam, & cavebo omnia.

Idem de *Nat. Deorum* 59. *b.* Mala & impia consuetudo est contra Deos disputandi, sive ex animo id fiat, sive simulatè.

Nec bonis nec malis invidendum est; id est, Et bonis non est invidendum, & malis non est invidendum.

*1 Reg. 20. 18. Eccles. 12. 14. Mat. 23. 13. Job. 4. 11 & 6. 36. 1 Cor. 8. 5. 3 Ep. Job. ver. 10. Apoc. 3. 15.*

*Negatæ.* Non & prudens, & improbus est. Non & liberalis est, & justus non est. Non & fidelis non est, & amicus est. Non & sanus non est, & æger non est.

*Exod. 10. 10. & 33. 20. Dent. 22. 1, 4 & 25. 13, 14. Ezr. 4. 3. Isa. 65. 22. Mat. 5. 15. & 6. 24. Marc. 9. 39. Job. 7. 4. Act. 25. 27. 1 Cor. 10. 21. 2 Cor. 1. 18, 19. Jac. 3. 12.*

Sæpe exprimitur Copulata negata per Interrogationem affirmatam: Et quidem emphaticè, ut de Propositione in genere dictum est Cap. 2. §. Interrogatio.

*Cic. in Ver. 98.* An in eum annum nemo poterit progredi edicto, quo Prætor alius futurus est; in eum, quo Prætor alius fuit, regredietur?

*Ovid. Metam. lib. 13.*

*An falso Palamedem crimine turpe est*

*Accusasse mihi, vobis damnassee decorum?*

*Exod. 8. 26. Num. 16. 22. & 23. 19. & 32. 6. Deut. 433. & 5. 26. Judic. 18. 24. 1 Sam. 26. 9. 2 Sam. 4. 9, 10, 11. & 11. 11. 2 Reg. 19. 11. Job. 2. 10. & 9. 4. Prov. 6. 27, 28. Isa. 5. 4. & 36. 12. & 66. 9. Jer. 7. 9, 10. & 8. 4. & 23. 23. & 25. 29. & 45. 4, 5. & 49. 12. Exec. 17. 15. & 33. 25, 26. Amos 3. 3, 4, 5, 6. Jonæ 4. 10, 11. Hag. 1. 4. Mat. 3. 14. & 7. 3, 4 & 16. 3. & 18. 32, 33. Marc. 14. 13. Luc. 6. 42, 46. & 8. 45. & 13. 15, 16. & 14. 5, 28, 31. & 18. 6, 7. & 20. 41, 42, 44. & 24. 18. Job. 2. 20. & 3. 10. & 8. 57. & 11. 8. & 12. 34. & 14. 9. Act. 16. 37. & 23. 3. Rom. 2. 20, 21, 22, 23. 1 Cor. 9. 7. 2 Cor. 11. 29. Jac. 3. 10, 11, 12. Sirac. 2. 10. & 28. 3, 4.*

Ex pluribus membris Affirmatæ frequentes sunt.

*1 Sam. 16. 18. Rom. 1. 29, 30, 31. 1 Cor. 10. 32. 2 Cor. 7. 11. 1 Tim. 3. 2, 3, 4, 16. Jac. 3. 17.*

Negatæ rariores. Vide tamen Cap. 33. §. *Similiter*; & Cap. 35. §. *Non & omne animal.*

Copulata affirmata significat, Omnes & singulas partes esse veras. Negata significat, Aliquam partem esse falsam.

*a* Vera igitur est Affirmata, quando omnes & singulæ partes sunt veræ: Falsa, quando aliqua pars est falsa.

Contrà, Negata vera est, quando aliqua pars est falsa: Falsa, quando omnes & singulæ partes sunt veræ.

*b* Copu-



*b* Copulata affirmata similis est Universali; ut, Et hic, & ille, & iste est; id est, Omnes sunt. Nec hic, nec ille, nec iste est; id est, Nullus est.

Negata similis est Particulari; ut, Non & hic, & ille, & iste est; id est, Aliquis non est. Non & hic non est, & ille non est, & iste non est; id est, Aliquis est.

Aliâ ratione contrâ, Cap. 15, 16, 17.

Convertitur Copulata simpliciter; id est, solâ transpositione partium; ut, Et doctus, & dives est: Et dives & doctus est. Non & Dies est, & Nox est: Non & Nox est, & Dies est.

Sic ubi plures partes sunt, variè transponi & ad binas reduci possunt; ut de Disjunctis dictum est Cap. 11. §. *Ex pluribus. Act. 23. 8.*

Ad veritatem enim nihil interest quo ordine partes collocentur. Ad commoditatem autem aliquando nonnihil interest. Hic enim semper Oratio debet crescere; id est, id quod sequitur debet aliquid superaddere ei quod præcedit, non autem in eo contineri, aut ex eo sequi. Sic rectè dicitur [*Animal & vivit, & sentit.*] Non autem rectè aut commodè, licet verè, [*Animal & sentit, & vivit.*] Quia in hoc Consequens nihil superaddit Antecedenti, sed in eo continetur, sive ex eo sequitur: si enim sentit, vivit.

*Isai. 5. 5, 15, 23. Mat. 10. 9. Marc. 13. 9. Act. 26. 29. 1 Cor. 13. 1, 2, 3. Philip. 4. 16. 1 Thess. 2. 18. 1 Tim. 4. 16.*

Ut Propositio verè Copulata sit, nota Copulativa debet sumi distributivè sive sigillatim, ut in omnibus Exemplis datis.

Contrâ aliquando sumitur collectivè sive complexim; ut, Duo & tria, sunt quinque. Omnis vis nostra in animo & corpore sita est. Sed ejusmodi Propositiones potius censendæ sunt Categoricæ.

*Nam.*

Num. 9. 13. Deut. 14. 6, 9, 10. Job. 24. 11. Prov.  
 11. 12. & 26. 23. & 28. 13. Zeph. 1. 5. Mat. 25. 9.  
 Luc. 11. 28. & 12. 47, 48. & 16. 18. Job. 6. 45. &  
 12. 47. & 20. 29. Act. 25. 27. 1 Tim. 6. 6. Jac. 4. 17.  
 1 Job. 1. 6. & 2. 4. & 3. 17. & 4. 20.  
 Vide Cap. 3. §. Hic Signum [Omnis].

## Crypses Copulatarum.

## 1. Conjunctio aliquando deest.

*Monstrum, horrendam, informe, ingens, cui lumen ad-  
 emptum.*

Ter. Andr. Act. 1. Sc. 1.

——— *Funus interim*

*Procedit, sequimur, ad sepulcrum venimus,  
 In ignem posita est, fletur.*

Et Phorm. Act. 1. Sc. 2.

——— *Persuasit homini,*

*Factum est, ventum est, vincimur, Duxit.  
 Patronum faciunt Dos, Edificatio, Fundus.*

Prov. 27. 12. Mat. 10. 8. Rom. 12. 8, 9, 10, 11, 12, 13,  
 14. 1 Cor. 13. 4, 5, 6, 7. 2 Cor. 6. 4, 5, 6, 7. & 11. 23, 24,  
 25, 26, 27. 2 Tim. 3. 2, 3, 4, 5.

## 2. Conjunctio aliquando implicatur in Participio.

Mat. 25. 25. & 28. 2, 5, 7, 8, 9, 11, 12, 13, 15, & c. Marc.  
 14. 22, 23, 39. Luc. 11. 7, 8. & 16. 34. Job. 8. 2. Act.  
 19. 9. Gal. 1. 14. 1 Tim. 4. 8. & 6. 4. Tu. 2. 12. Jac.  
 2. 9.

Catego.

II. **Cap. XII. De Propositione Copulata.**

139

v. 9. & 7.  
Categorica ex multis Argumentis constans, est quasi Copulata ex multis Propositionibus, Conjunctione subintellecta.

*Exempli gratia.*

*Prov. 22. 9. Bonus oculo dat, dat pauperi, dat panem, dat panem suum, dat de pane suo, benedicetur.*

*Num. 1. 1. Deut. 5. 22. 1 Reg. 17. 13. Psal. 130. 8. Mat. 3. 13. & 4. 1. Luc. 1. 26, 27. & 2. 11. & 4. 20. Act. 4. 34. & 5. 20. & 10. 22. & ver. 33. & 11. 18. & 12. 5. & 13. 23. Rom. 2. 16. Ephes. 5. 20. 2 Tim. 2. 8. Heb. 11. 3. & 13. 15.*

*Verficuli.*

- a *Aff. cunctis veris vera est: Falsa autem, aliquando non.*  
*Neg. cunctis veris falsa est: Vera autem, aliquando non.*  
b *Copula, quae affirmat, pronunciat ut generalis:*  
*Quaeque negat, pronunciat instar particularis.*  
*Quamvis ambae aliter se habeant alia ratione.*

C A P.

## C A P. XIII.

## De Propositione Discretâ.

**D**iscreta Propositio est, cujus Coniunctio est Discretiva; Sed, aut, at, atque, autem, verò, verum, veruntamen, attamen, quanquam tamen.

Estque vel Antithetica, vel Proleptica.

Antithetica est Discreta, cujus Antecedens non occupat objectionem contra Consequens.

*Affirmata.* Non qui patitur, sed qui facit injuriam miser est.

*Cic. de Or. 95. a.* Non enim pudendo, sed non faciendo quod non decet, impudentiæ nomen effingere debemus.

Ut hæc species melius distinguatur à posteriore, plura hujus exempla asseremus; ut, *Gen. 15. 4. & 45. 8. Deut. 9. 5. Isa. 31. 3. & 65. 13, 14. Mat. 3. 11, 12. & 5. 19. & 7. 21, 29. & 9. 12, 13, 24. & 10. 20, 28, 32, 33, 34. & 13. 12. & 15. 11, 17, 18, 20. & 16. 17, 25. & 22. 30, 32. & 25. 29. & 26. 11. Marc. 2. 17. & 12. 44. Joh. 1. 17. & 3. 17, 18. & 4. 13, 14. & 6. 26, 27, 32, 38. & 7. 24. & 8. 23. & 15. 16. Rom. 2. 13, 28, 29. & 9. 8, 16. I Cor. 2. 4, 5. & 7. 32, 33, 34, 35. & 10. 24. & 11. 4, 5, 7, 8, 9. & 14. 2, 3, 4, 22, 23, 24, 33. 2 Cor. 4. 18. & 10. 18. & 12. 14. I Tim. 4. 8. Heb. 5. 13, 14. & 7. 23, 24. & 10. 11, 12. & 12. 14. Et frequentissime in libro Proverbiorum, ut Cap. 10. 1, 2, 3, 4, 5, 6, 7, 8, 9, &c.*

Anti-

Antitheticæ Negatæ rariores sunt: sed fieri possunt ex Affirmatis præponendo Negationem; modo refertur ad Vinculum sive totam Propositionem, non ad alteram partem.

*Proleptica* est Discreta, cujus Antecedens occupat Objectionem contra Consequens.

Hujus Antecedens enuntiatur per Conjunctiones adversativas; Quanquam, cum pro quanquam, quamvis, quantumvis, etsi, tametsi, etiamsi, licet, ut concedentis, ut ut, utcumque, esto.

Consequens per earum Redditivas; Tamen, attamen, veruntamen, nihilominus.

*Exempli gratiâ.*

*Affirmatæ.* Quanquam robustus est, tamen ignavus est. Quanquam anima corpus non est, tamen substantia est. Quanquam planta animata est, tamen animal non est. Quanquam formosus non est, tamen deformis non est.

*Psal.* 44. 17. *Prov.* 30. 24, 25, 26, 27. *Eccles.* 1. 7. *Cantic.* 1. 5. *Isa.* 1. 18. & 10. 22. *Hag.* 1. 6. *Luc.* 5. 5. & 11. 8. & 18. 4, 5. *Job.* 8. 14. *2 Cor.* 4. 16. & 7. 8. & 11. 6. & 13. 4. *Coloss.* 2. 5. *Heb.* 5. 8.

*Negatæ.* Non quanquam improbus est, tamen prudens est. Non quanquam sentit, tamen non vivit. Non quanquam fidelis non est, tamen amicus est. Non quanquam sanus non est, tamen æger non est.

Vide Copulatas negatas, Cap. 12. §. *Negatæ.*

Quæcunque enuntiari possunt per notas Prolepticas [*Quanquam, tamen*] possunt etiam enuntiari per notas Antitheticas [*Sed, autem.*] Non semper è converso: ut

ut apparet ex omnibus exemplis Antitheticarum modò allatis.

*Discreta* magnam habet affinitatem cum *Copulata*: Cui hoc tantum superaddit, quod partes sunt *discretae*; id est, significant aliquam diversitatem inter se. Vide Cap. 15, 16, 17. Et Cap. 33, 34, 35.

*b* Itaque quoad veritatem & falsitatem eadem est hujus atque illius ratio, eademque Regula, viz. quòd *Affirmata* vera est, quando utraque pars est vera? *Falsa*, quando altera pars est falsa. *Negata* contrâ.

*c* Excipe quòd in *Prolepticis* *Antecedens* sæpe accipitur hypotheticè & per modum fictionis, non positivè.

*Exempli gratiâ.*

*Cic. Attic. 193.* Ut omnia contingant, quæ volo; levare non possum.

*Ter. Heut. A& 3 Sc. 2.*

——— *Satrapes si fiet,*  
*Sufferre amator nunquam ejus sumptus queat.*

*Num. 22. 18. Ruth. 1. 12, 13. 2 Sam. 18. 12. 1 Reg. 13. 8. Job. 9. 15, 21, 30, 31. Psal. 27. 3. Prov. 27. 22. Eccles. 6. 6. & 8. 12. Jer. 15. 1. & 22. 24. & 37. 10. & 51. 53. Ezech. 14. 14. Amos 9. 2, 3. Obad. ver. 5. Mat. 26. 33, 35. 1 Cor. 4. 15. & 13. 1, 2, 3. Gal. 1. 8.*

Vide Cap. 14. Enallage secundâ *Conditionalis* pro *Discretivâ*.

In his *Affirmata* vera est, quando *Antecedens* non tollit consequens (id est, quando non infert ejus contradictorium.) *Falsa*, quando *Antecedens* tollit consequens. *Negata* contrâ.

*Discreta*

Discreta affirmata ex ambabus partibus veris, sed non discretis (id est, quando altera pars infert alteram) vera est, sed incommoda, & tantum non ridicula; ut, *Quanquam animal vivit, tamen sentit; vel, Quanquam animal sentit, tamen vivit.* Cap. 2. §. *Si Propositio.*

Convertitur quævis *Propositio Discreta* (sive *Antithetica*, sive *Proleptica*) simpliciter: Et quidem remanente tum veritate, tum commoditate sensûs; id est, Si convertenda vera & comoda sit, talis etiam erit conversa. Quod non semper accidit in conversione *Copulatæ*. Cap. 12. §. *Ad veritatem.*

*Exempli gratiâ.*

*Quanquam planta est animata, tamen non est animal: Quanquam planta non est animal, tamen est animata.*

Sæpe tamen aliò tendit *Convertenda*, aliò *Conversa*.

*Exempli gratiâ.*

[*Quanquam nihil adhuc dedit, tamen multa & magna promissit,*] significat, spem esse, eum aliquando daturum. E converso, [*Quanquam multa & magna promissit, tamen nihil adhuc dedit,*] significat eum nihil daturum nisi verba.

Sic hæc [*Quanquam Deus misericors est, tamen justus est,*] significat, non præsumendum esse. E converso, [*Quanquam Deus justus est, tamen misericors est,*] significat, non desperandum esse.

Semper



Semper enim magis attenditur ad Consequens (utpote quod videtur Positivè & Categoricè enuntiari) quàm ad Antecedens, quod scilicet additur ad illustrationem Consequentis, & sæpe accipitur solummodo hypotheticè; & per modum fictionis, ut dictum est §. *Excipe*.

*Crypses Discretarum.*

1. Conjunctio aliquando deest.

*Cic. Offic. 9.* Semper in fide; quid senseris, non quid dixeris, cogitandum.

Idem *Epist. fol. 1.* Cæteris satisfacio omnibus, mihi ipse nunquam satisfacio.

Idem de *Amic. 113.* Peccasse se non anguntur, objugari molestè ferunt.

Idem de *Senect. 84.* Tantam domum, tantas clientelas *Appius* regebat, & senex & cæcus; id est, quamvis & senex & cæcus esset.

*Ter. Andr.*

*Obsequium amicos, veritas odium parit.*

*Psal. 91. 7. Prov. 11. 21. & 16. 5. & 27. 12. Isa. 26. 10, 13. Mat. 27. 42. Marc. 2. 27. Job. 2. 10. & 4. 22. & 8. 15, 23, 35. & 17. 9. & 20. 29.*

2. Aliquando Conjunctio implicatur in Participio; ut, *Mat. 7. 11. & 26. 60. Marc. 6. 26. Luc. 5. 5. Job. 4. 9. & 7. 15. & 12. 37. & 21. 11. Act. 13. 28. & 28. 4, 17. Rom. 1. 22, 32. & 7. 3. 1 Cor. 9. 19, 21. 2 Cor. 8. 9. & 10. 3. Gal. 4. 1. 1 Tim. 1. 7. Philem. ver. 8. Heb. 5. 8, 12. & 12. 17. Jac. 3. 4. 1 Pet. 1. 6, 8. 2 Pet. 2. 11, 19. 2 Ep. Job. ver. 12.*

3. In

3. In Prolepticis partes aliquando invertuntur;  
*Jos.* 17. 18. *Judic.* 15. 3. *Ruth* 2. 13. *Neb.* 13. 26.  
*Job.* 2. 3. *Jer.* 51. 5. *Ezec.* 2. 6. *Job.* 4. 2. *Act.* 13. 41.  
*2 Cor.* 7. 8. & 12. 11, 15. & 13. 7. *Gal.* 4. 1. *Philip.* 3.  
 3. 4. *Philem.* ver. 19. *Heb.* 6. 9. & 12. 17. *2 Pet.* 1. 12.  
 & 2. 10, 11.

d De Exceptivâ & Exclusivâ.

Ad Propositionem Discretam referuntur *Exceptiva*  
 & *Exclusiva*. Quarum alterâ affirmatâ alterâ nega-  
 tur.

*Exempli gratiâ,*

Exceptivâ affirmatâ Exclusivâ negatur; ut, *Omne*  
*animal præter hominem est irrationale*; id est, *Solus*  
*homo ex animalibus non est irrationalis*. Et per Dis-  
 cretam, *Reliqua animalia, sunt irrationalia, sed homo*  
*non est*.

*Gen.* 47. 22. *Jos.* 11. 19. *Act.* 8. 1. & 26. 29.

Exclusivâ affirmatâ Exceptiva negatur; ut, *Solus*  
*homo ex animalibus est rationalis*: id est, *Nullum a-*  
*nimal præter hominem est rationale*. Et per Discre-  
 tam, *Homo est rationalis, sed reliqua animalia non*  
*sunt rationalia*.

*Gen.* 7. 23. *Jos.* 6. 15. *1 Sam.* 5. 4. *2 Sam.* 17. 2.  
*1 Reg.* 8. 39. & 14. 13. & 15. 5. *2 Reg.* 5. 15. *Dan.* 2. 11.  
*Mat.* 4. 10. & 12. 39. & 13. 57. & 14. 17. & 15. 24.  
 & 17. 21. & 19. 17. *Marc.* 2. 26. & 6. 45. *Luc.* 17. 18.  
*Job.* 3. 13. & 6. 46. & 17. 12. *Act.* 18. 25. *Rom.*  
 13. 8. *1 Cor.* 2. 2, 11. *Gal.* 1. 19. & 6. 14. *2 Tim.*  
 4. 11.

Ambæ simul. *Exod.* 12. 16. & 22. 20. *Deut.* 4. 35.  
*Judic.* 11. 34. *1 Reg.* 12. 20. & 22. 31. *2 Reg.* 17. 18.  
*Mat.* 12. 4. & 17. 8. & 21. 19. *Marc.* 6. 8. & 9. 8.  
*Luc.* 5. 21. *Act.* 11. 19. *Phil.* 4. 15.

Et quemadmodum Exceptiva & Exclusiva ponuntur pro Discretâ, ita & Discreta pro illis.

*Gen.* 2. 16, 17. & 3. 2, 3. *Levit.* 21. 1, 2. *Num.* 14. 23, 24, 30, 31. *1 Sam.* 13. 22. *1 Reg.* 1. 9, 10, 25, 26. *2 Chron.* 6. 5, 6. *Neb.* 4. 23. *Mat.* 12. 31.

Vide Cap. 14. Enallage 10<sup>a</sup>, & 11<sup>a</sup>.

### Versiculi.

- a *Antithesis prior est, Obiectumque occupat alt'ra,*
- b *Copulam & in vero & falso Discreta imitatur.*
- c *Excipe quod primâ est aliquando Proleptica fictâ: Hæc*  
*Vere affirmat, cum non tollit prima Secundam:*  
*Vere eademque negat, cum tollit prima Secundam.*
- d *Exceptivâ atque Exclusivâ etiam hæc referuntur.*  
*Harumque alterutram si affirmes, alt'ra negatur.*

C A P.

C A P. XIV.

De Propositionum Hypotheticarum Enallage.

DE ipsis Propositionibus Hypotheticis tum in genere, tum in specie hactenus diximus: Restant earum Affectiones. Quarum prima est *Enallage*.

a Conjunctionum, adeoque ipsarum Propositionum Hypotheticarum, Enallage est, cum una Conjunctio, adeoque una Hypothetica Propositio pro alia accipitur.

b Hujus aliquas species, Exempli causa, ponemus; reliquas aliorum observationi relinquentes.

I. *Conditionalis pro Causali vel Temporalis.*

Si, pro *Quia*, vel *Quando*.

*Cic. Catil.* III. a. Si non minus jucundi atque illustres sunt ij dies, quibus conservamur, quam illi quibus nascimur, &c.

Idem pro *S. Roscio* 35. Si prodierit, atque adeo cum prodierit, scio enim proditurum.

*Mat.* 6. 30. & 10. 25. *Joh.* 7. 23. & 10. 35. & 13. 14. & 14. 3. *Act.* 11. 17. *Rom.* 8. 17. & 11. 6, 12. 1 *Cor.* 6. 2. *Gal.* 4. 7. 1 *Joh.* 3. 2. & 4. 11.

In his enim utraque pars *divinor.*, sive positivè accipitur.

Sic Hebraicè **¶** Si, pro Siquando, vel Quando-  
cunque, significans actum sæpe repetitum. *Exod.* 40.  
37. *Num.* 21. 9. *Judic.* 6. 3. *Psal.* 50. 18. & 63. 6.  
& 78. 34. & 94. 18. & 138. 7. *Prov.* 3. 24. & 4. 12.  
*Isa.* 4. 4.

2. *Conditionalis pro Discretiva.*

*Si, pro Etſi.*

*Cic. Offic.* 59. Si omnes Deos hominesque celare pos-  
ſimus: Nihil tamen avarè, nihil injuſtè, &c. eſſe faci-  
endum.

Idem in *Ver.* 61. Si nemo tibi reſponſurus eſſet,  
tamen ipſam cauſam, ut ego arbitror, demonſtrare  
non poſſes.

*Ter. Eunuch.*

Redeam? Non ſi me obſecret.

*Num.* 22. 18. 2 *Sam.* 18. 12. 1 *Reg.* 13. 8. *Job.* 9.  
15, 16, 30. *Pſal.* 139. 8. *Prov.* 27. 22. *Eccleſ.* 11. 8.  
*Isa.* 1. 18. *Jer.* 14. 7. & 15. 1. & 22. 24. & 37. 10.  
*Hof.* 4. 15. *Amos* 9. 2, 3, 4. *Obad.* ver. 4, 5. *Mat.* 16. 26.  
*Luc.* 16. 31. & 17. 4. & 22. 67, 68. *Rom.* 9. 27. 1 *Cor.*  
4. 15. & 9. 2. & 13. 1, 2, 3. 2 *Cor.* 5. 1, 16. *Coloſſ.* 2. 5.  
2 *Tim.* 2. 13.

Vide *Cap.* 13. §. *Excipe quòd.*

3. *Copula.*

3. *Copulativa pro Connexiva.*

*Et, pro Si, Quia, Quando, Dum.*

*Num.* 16. 22. *Jos.* 22. 20. *Job.* 24. 11. & 31. 8.  
*Psal.* 33. 9. & 42. 4. & 104. 22, 32. *Prov.* 1. 24. &  
 11. 2. & 23. 14. *Isa.* 5. 4. & 50. 2. & 65. 22. *Amos* 3.  
 4, 5, 6. *Mat.* 18. 21. & 25. 35, 36, 42, 43.

*Præsertim cum Modo Imperativo.*

*Job.* 1. 11. & 2. 5. *Psal.* 37. 3, 4, 5, 27, 34. *Prov.* 4. 4,  
 6, 8, 10. & 7. 2. & 9. 8, 9. & 16. 3. & 19. 25. & 22.  
 6, 10. & 25. 4, 5. & 29. 17. *Amos* 5. 4, 6. *Mat.* 7. 7, 8.  
 & 8. 9. *Luc.* 6. 35, 37, 38. & 10. 28. & 11. 41. & 12. 31.  
*Joh.* 2. 19. *Jac.* 4. 7, 8, 10. *Apoc.* 2. 10. *Sirac.* 11. 34.  
 & 30. 9.

4. *Copulativa pro Antithetica.*

*Et pro Sed.*

*Gen.* 2. 17. & 3. 3. *Psal.* 115. 18. *Luc.* 15. 24, 32.  
*Joh.* 7. 28, 30. *Act.* 7. 9. & 9. 26. & 10. 28. & 16. 7.  
*1 Cor.* 5. 19. & 16. 12.

5. *Copulativa vel Antithetica pro Proleptica.*

*Et, vel Sed, pro Quanquam, Tamen.*

*Senec.* lib. 10. *Epist.* 74.

*Soli Lunæque plurimum debeo:*

*Et non uni mihi oriuntur.*

*Id est, Quanquam non uni mihi,*

L 3

*Gen.*

Gen. 40. 23. Psal. 115. 5, 6, 7. Jer. 27. 15. Mat. 6.  
26. & 11. 25. & 12. 39. Luc. 4. 26, 27. & 12. 24.  
Joh. 9. 30. & 16. 32. & 20. 29. & 21. 23. Act. 7. 5.  
Rom. 6. 17. 1 Cor. 12. 5. 2 Cor. 6. 9, 10. & 13. 7.  
2 Thess. 3. 15.

6. Copulativa pro Redditiva Connexa.

Et, pro Tum, Sic, Idem.

Hor. lib. 2. Sat. 3.

*Qui sceleratus, & furiosus erit.*

Id est, Idem etiam furiosus erit.

Seneca de Ira, lib. 2. cap. 33.

*Quos laeserunt, & oderunt.*

Id est, Eosdem etiam oderunt.

In lingua Hebraica nihil frequentius est.

Gen. 18. 26. & 31. 8. & 32. 8. & 33. 10. & 43. 9.  
Exod. 1. 16. & 48. & 12. 25, 26, 27. & 17. 11. Num.  
21. 9. Deut. 5. 25. & 11. 14. 1 Sam. 17. 9, 24. 2 Sam.  
10. 11. & 15. 10. 1 Reg. 8. 32, 34, 36, 39, 45, 49. 2 Reg.  
7. 4. Psal. 78. 34.

Similiter in lingua Hellenistica. Mat. 6. 10. & 9. 10.  
& 28. 9. Marc. 2. 15. Luc. 2. 15, 21, 27, 28. & 5. 1, 12,  
17. & 7. 12. & 8. 1, 22. & 9. 28, 51. & 10. 38. &  
13. 25. & 14. 1. & 17. 11. & 19. 15, 43. & 24. 4, 5.  
Act. 1. 10. & 7. 57. & 10. 17. 2 Cor. 2. 2, 10. 2 Tim.  
2. 11, 12, 13. Jac. 2. 4. 1 Joh. 2. 18. Apoc. 14. 9, 10.



7. *Copulativa pro Disjunctiva.*

*Es, pro Aut.*

*Ter. Andr.*

*Quo jure quodque injuria.*

*Id est, Quæve.*

*Gen. 45. 6. Exod. 12. 5, 9. & 13. 22. & 20. 4, 10, 17. & 21. 15, 16, 17. Num. 20. 17. Deut. 2. 27. & 5. 32. & 17. 11, 20. & 18. 10, 11. Jos. 8. 20. 2 Sam. 2. 19. & 24. 13. 1 Reg. 18. 10, 27. 2 Reg. 5. 17. Psal. 139. 8, 9. Prov. 20. 20. & 30. 8. Eccles. 4. 8. Jer. 36. 23. & 44. 28. Ezek. 14. 16, 18, 20. Mal. 4. 1. Luc. 1. 15. & 12. 38. Act. 3. 6. 2 Cor. 13. 1.*

*Et, ut semel dicam, Copulativa Vau apud Hebræos pro omnibus fere Conjunctionibus usurpari solet.*

8. *Disjunctiva cum Interrogatione pro Antithetica.*

*Utrum hoc an illud; i. e. Non hoc sed illud.*

*Cic. Paradox. 125. a. Uter ditior est? Cui deest, an cui superat? Qui eget, an qui abundat? id est, Non ille, sed hic.*

*Idem in Ver. 194. Utrum crimini defensio, an comiratus exilio quæritur? id est, Non illud, sed hoc.*

*Judic. 9. 2. & 18. 19. Mat. 9. 5. & 23. 17, 19. Marc. 3. 4. Luc. 22. 27. Act. 4. 19. Rom. 4. 9, 10. 1 Cor. 4. 21. & 9. 8, 10. Gal. 1. 10. & 3. 2, 5. Tobit 5. 11.*

## 9. Antithetica pro Copulativa.

*Non hoc sed illud ; i. e. Non solum hoc, sed etiam illud ;  
vel, Non tam hoc quam illud.*

*Cic. in Ver. 77. b. Non furem sed raptorem : non  
adulterum, sed expugnatorem pudicitiae : non sacri-  
legum, sed hostem sacrorum Religionumque omnium :  
non sicarium sed crudelissimum carnificem civium  
sociorumque, &c.*

*Gen. 35. 10. & 45. 8. Exod. 16. 8. Num. 11. 19, 20.  
Deut. 5. 3. Jos. 17. 17. 1 Sam. 8. 7. & 20. 14. 2 Reg.  
6. 10. Ezr. 10. 13. Prov. 22. 29. Jer. 7. 22, 23. Mat.  
10. 20. & 18. 22. Marc. 9. 37. Luc. 10. 20. & 14. 12,  
13. Job. 4. 21, 42. & 7. 16. & 12. 30, 44. & 14. 24.  
Act. 5. 4. Rom. 15. 3. 1 Cor. 1. 17. & 4. 19. 2 Cor. 2. 5,  
& 8. 5. Ephes. 6. 7. 1 Thess. 4. 8. 1 Tim. 2. 14. 1 Pet.  
3. 4. 1 Job. 3. 18.*

## 10. Exceptiva pro Antithetica.

*Ei μὴ, vel ἀλλ' ἢ, pro 'Αλλ.*

*Dent. 4. 12. 1 Reg. 3. 18. Mat. 12. 4. & 24. 36.  
Marc. 13. 32. Luc. 4. 26, 27. Act. 21. 25. Rom. 14. 14.  
Gal. 1. 7. & 2. 16. Apoc. 9. 4. & 21. 27. Compara  
Marc. 9. 8. cum Mat. 17. 18. & Mat. 5. 13. cum Luc. 14.  
34*

11. *Antithetica pro Exceptivâ.*

Ἀλλὰ, pro Εἰ μὴ.

*Marc.* 10. 40. Vide *Cap.* 13. §. Et *quemadmodum.*

12. *Finalis pro Illativâ.*

*Psal.* 51. 4. *Isa.* 6. 10. *Fer.* 25. 7. & 27. 10, 15.  
*Mat.* 10. 34, 35. & 13. 14. *Luc.* 8. 10. *Job.* 9. 39.

13. *Copulativa pro Relativâ essentiae.*

*Et ille,* pro *Qui.* *Et ejus,* pro *Cujus.*

*Gen.* 22. 24. 1 *Sam.* 1. 1. & 21. 7. & 22. 9, 20.  
2 *Sam.* 12. 30. & 21. 16, 19. *Fer.* 20. 1. *Luc.* 6. 6.  
& 8. 41. & 19. 2.

14. *Copulativa pro Relativâ temporis, vel Ablativo absolute sumpto.*

*Gen.* 18. 1. Et ipse sedebat; id est, Dum ipse sedebat; vel, Ipso sedente.

Sic *Gen.* 19. 23. & 24. 10. *Jos.* 18. 1. *Judic.* 2. 21.  
& 41, 21. & 8. 11. 2 *Sam.* 17. 2. & 24. 3, 13. 1 *Reg.*  
1. 41, 42. 2 *Chron.* 34. 3. *Job.* 28. *Fer.* 20. 4. & 31.  
35. & 34. 1. & 38. 7. & 40. 1. *Marc.* 15. 25.

Verficuli.

a *Compositae inter se variè sua Vincula mutant,*  
*Atque ipsae inter se variè mutantur ab illis.*

b *Exempli.*

b *Exempli causâ quædam observavimus: Atqui  
Multa aliis etiam observanda reliquimus uliro.*

## C A P. XV.

### *De Hypothesi & Consequentia Propositionum Hypotheticarum.*

**D**iximus supra Cap. 9. Omnem Propositionem Compositam rectè & propriè dici Hypotheticam. Esse enim in singulis speciebus aliquam Hypothesin & Consequentiam, sive Illationem alicujus Consequentis ex aliquo Antecedente. Quanam verò ea sit, & quomodo affirmetur & negetur, hoc jam Capite ostendetur,

■ Duo autem hic præmittenda sunt: 1. Copulatam & Discretam, ut supra quoad Veritatem & Falsitatem, Cap. 12 & 13. ita & hic quoad Hypothesin & Consequentiam, & in sequentibus quoad Æquipollentiam & Contradictionem, ejusdem rationis esse, atque adeo pro unâ atque eâdem specie sumi. 2. Connexam & Disjunctam, Affirmatas affirmare, Negatas negare suas Consequencias: Copulatam & Discretam, Negatas affirmare, Affirmatas negare suas Consequencias.

His præmissis, Regulæ de Hypothesi, & Consequentia Propositionum Hypotheticarum tres sunt, pro tribus earum speciebus,

Cap. XV. Propositionum Hypotheticarum. 155

b 1. *Connexa*; Affirmata affirmat, Negata negat, ipsum Consequens sequi ex ipso Antecedente, & contradictorium Antecedentis ex contradictorio Consequentis.

*Exempli gratia.*

*Affirm.* Si homo est, animal est: Et, Si non est animal, non est homo.

*Neg.* Non si animal est, homo est: Et, Non si homo non est, animal non est.

Ex hac reliquæ pendent, ut dictum est Cap. 10.  
§. Hanc ex Hypotheticis.

c 2. *Disjuncta*; Affirmata affirmat, Negata negat alteram partem sequi ex contradictorio alterius.

*Exempli gratia.*

*Aff.* Aut dies est, aut nox est; id est, Si dies non est, nox est: Et, Si nox non est, dies est.

*Neg.* Non aut album est, aut nigrum est; id est, Non si album non est, nigrum est: Et, Non si nigrum non est, album est.

d 3. *Copulata & Discreta*; Negatæ affirmant, Affirmatæ negant, Contradictorium alterius partis sequi ex alterâ.

*Exempli gratia.*

*Neg.* Non & amicus est & tamen adulator est; id est, Si amicus est, adulator non est: Et, Si adulator est, amicus non est.

*Aff.* Et liberalis est, & frugalis est; id est, Non si liberalis est, frugalis non est: Et, Non si frugalis est, liberalis non est.

e Cùm

Cum autem Consequentia affirmatio Universalitatem, negatio Particularitatem importet (ut dictum est Cap. 10. §. *Conditionalis affirmata*) Ideo hac ratione, Disjuncta convenit cum Connexa, id est, Affirmata est instar Universalis, Negata est instar Particularis. Similiter Copulata & Discreta inter se conveniunt, id est, Negatae sunt instar Universalium, Affirmatae instar Particularium: Licet alia ratione contra, Cap. 11, 12, 13.

Harum Regularum confirmationem & usum, vide Cap. 30, 31, 32, 33, 34, 35.

### Verficuli.

- a. Antè notanda duo, quàm quævis Regula detur.
  - 1. Copulaque & Discreta æquè sumuntur ut una,
  - 2. Connexa & Disjuncta affirmatae atque negatae, Consimili pacto affirmantque negantque sequelam. Copulaque & Discreta affirmatae atque negatae, Dissimili pacto affirmantque negantque sequelam.
- b. Partem infert Connexa ex precedente sequentem; Et contraponens contradictoria nectit.
- c d. Ali'rum ex Opposito alterius Disjuncta: Utriusque Oppositum ex ali'ro Discreta & Copula nectunt.
- e. Hac ratione igitur Disjuncta instar generalis, Copulaque & Discreta est instar particularis: Quamvis è contra se habeant alia ratione.

C A P. XVI.

*De Æquipollentiâ & Contradictione Propositionum Hypotheticarum inter se.*

**E**X iis, quæ dicta sunt Capite præcedente pendent Regulæ de Propositionum Hypotheticarum *Æquipollentiâ & Contradictione* inter se. Quæ tres sunt:

*a* 1. *Connexa & Disjuncta*, ex contradictoriis Antecedentibus & iisdem Consequentibus, similes æquipollent, dissimiles contradicunt.


*b* 2. *Connexa & Copulata* (sive *Connexa & Discreta*) ex iisdem Antecedentibus & contradictoriis Consequentibus, Dissimiles æquipollent, Similes contradicunt.

*c* 3. *Disjuncta & Copulata* (sive *Disjuncta & Discreta*) ex singulis partibus contradictoriis, Dissimiles æquipollent, Similes contradicunt.

Quæ omnes Regulæ hoc Diagrammate ad oculum exhibentur.

Connexa





*Harum omnium Exempla.*

*Aquipollentes veræ.*

Si homo est, animal est.

Aut homo non est, aut animal est.

Non & homo est, & animal non est.

Non quancquam homo est, tamen animal non est.

*Aquipollentes falsæ.*

Non si homo est, animal est.

Non aut homo non est, aut animal est.

Et homo est, & animal non est.

Quancquam homo est, tamen animal non est.

Omnes & singulæ Propositiones unius Columnæ contradicunt omnibus & singulis Propositionibus alterius Columnæ.

Similiter & earum conversæ.

*Ramus Dialect.* lib. 2. cap. 16. Videtur ponere Axioma Disjunctum affirmatum, & Copulatum negatum (ex iisdem partibus) tanquam æquipollentia. Quod ex eo inferitur, quod ante dixerat Cap. 8. ejusdem libri, E disjunctis unicum tantum esse verum.

Quod autem è disjunctis non semper unicum tantum sit verum, supra ostendimus Cap. 11. §. *Ad veritatem.*

Et, quod Disjuncta affirmata & Copulata negata (ex iisdem partibus) non æquipolleant, ex eo manifestum est, quia altera earum existente verâ, altera potest esse falsâ.

*Exempli gratia.*

In his, [*Aut album aut nigrum est: Non & album & nigrum est*] Disjuncta affirmata falsâ est, Copulata negata vera est. Contrâ in his, [*Aut animal est, aut homo*

*homo non est : Non & animal est, & homo non est*] Disjuncta affirmata vera est, Copulata negata falsa est.

Sed ut redeamus ad Regulas nostras, Ex iis apparet, quamlibet Propositionem hypotheticam per omnes species variari posse, eidemque posse per omnes species contradici.

*Usus harum Regularum.*

Quod obscure forsan in unâ specie Hypotheticâ enuntiatur, idem clarè & perspicuè in aliâ aliquâ specie enuntiari potest. Et quamvis satis clarè in unâ specie enuntiètur, adhuc clariùs fit, si in pluribus. Atque idem intellige de contradicendo cuivis Propositioni hypotheticâ.

*Exempli gratiâ.*

*Cic. de Or. 136. b.* Nec si *Crassus* hoc non committit, ideo non multi & sæpe committunt. Hæc connexa negata clariùs enuntiatur per Prolepticam affirmatam; viz. Quamquam *Crassus* hoc non committit, tamen multi & sæpe committunt.

Idem pro *Milone* 105. a. Non quia perfecta res non est, non fuit punienda; id est, Quamquam perfecta res non est, tamen fuit punienda.

*Quintilian. lib. 1. cap. 1.* Nec si quid discere satis non est, ideo necesse non est; id est, Quamquam satis non est, tamen necesse est.

Sic in Copulatis, præsertim negatis,

*Exempli*

*Exempli gratia.*

*Cic. de Divin. 1. 30. a.* Non & sunt dii, nec significant futura. Clarius per Disjunctam, Aut dii non sunt, aut significant futura. Clarissime per Connexas, Si dii sunt, significant futura: Si non significant futura, dii non sunt.

*Job. 7. 4.* Nemo occultè facit aliquid, & quærit ipse celebris esse. Per Disjunctam, Aut non occultè facit aliquid, aut non quærit ipse celebris esse. Per Connexas, Si facit aliquid occultè, non quærit ipse celebris esse: Et si quærit ipse celebris esse, non facit aliquid occultè.

Et sæpe per Interrogationem, ut *Job. 2. 10.* An bonum accipiemus de manu Domini, & malum non accipiemus? id est, Non & bonum accipiemus, & malum non accipiemus. Item per Disjunctam, Aut bonum non accipiemus, aut etiam malum accipiemus; vel, Aut malum accipiemus, aut bonum non accipiemus. Per Connexas, Si bonum accipiemus, etiam malum accipiemus: Sin malum non accipiemus, tum nec bonum accipiemus.

Multas Copulatas huic similes, vide Cap. 12. §. Sæpe exprimitur.

Exempla contradicendi uni speciei per aliam.

*Job. 8. 13, 14.* Pharisei objiciunt Christo, Tu de te ipso testimonium perhibes: Ergo, Testimonium tuum non est verum.

Huic Connexæ contradicit Christus per Prolepticam, Etsi testimonium perhibeo de meipso, tamen testimonium meum est verum.

Similiter *Abraham* contradicit diviti, *Luc. 16. 30,*  
31.

Disjunctæ contradicitur per Copulatam, Job. 9. 2, 3.  
Apoc. 3. 15, 16.

Næ autem desit ad manum satis exemplorum tum  
*Equipollentiæ* tum *Contradictionis*: sumamus omnia  
Exempla singularum specierum supra data, Cap. 10,  
11, 12, 13. eorumque *Conversa*; illisque tum *Equi-*  
*pollentiæ* tum *Contradictionis* ex reliquis speciebus  
secundum supradictas Regulas dare possumus;

*Versiculi.*

**Connexa, & Disjuncta.**

a *Equivalent similes,* } *Pars dissimilis, similisque.*  
*Pugnant dissimiles,*

**Connexa, & Copulata sive Discreta.**

b *Dissimiles æquant* } *Similis pars, dissimilisque.*  
*Et similes pugnant*

**Disjuncta, & Copulata sive Discreta.**

c *Dissimiles æquant* } *si partes dissimiles sunt,*  
*Et similes pugnant*

d *Quod forte æquivalet vel contradicit in una.*  
*Obscurè, in reliquis poterit fieri bene clarum.*

C A P. XVII.

De Propositionum hypotheticarum Relationibus & Equipollentiis ad Categoricalas.

**Q**UAMVIS Propositiones hypotheticæ nullam propriè quantitatem habeant; id est, neque Universales neque Particulares sint, adeoque nullam aliam relationem ad se invicem habeant, nisi Contradictionem: tamen habent in se aliquid instar quantitatis, adeoque & inter se, & ad Categoricalas habent etiam aliquid instar Contrarietatis, & Subcontrarietatis, & Subalternationis.

Hoc ut appareat, imprimis repetenda est illa Regula Categoricalarum Cap. 3. §. Quoad sensum. Et sumenda est Negatio prædicati affirmato Vinculo, pro negatione Vinculi affirmato prædicato.

Hoc præmissa, Regulæ de Hypotheticarum quatuor Relationibus & Equipollentiis, cum inter se, tum ad Categoricalas, duæ sunt.

a. 1. *Categoricalæ Universali*, adeoque inter se, Equipollent, Connexa affirmata ex utrâque parte simili: Disjuncta affirmata ex dissimili Antecedente & simili Consequente: Et Copulata atque Discreta negata ex simili Antecedente & dissimili Consequente.

b. 2. *Categoricalæ Particulari*, adeoque inter se, Equipollent, Connexa negata ex simili Antecedente, & dissimili Consequente: Disjuncta negata ex utrâque parte dissimili: Copulata & Discreta affirmata ex utrâque parte simili.

Quæ omnia hoc Diagrammate ad oculum exhiben-

<i>Universal. affirm.</i> <i>Falsæ.</i>		<i>Universal. negat.</i> <i>Falsæ.</i>
Omne vivens sentit. Si vivit, sentit. Aut non vivit, aut sentit. Non & vivit, & non sentit. Non quamquam vivit, tamen non sentit.	<i>Contrariæ.</i>	Nullum vivens sentit. Si vivit, non sentit. Aut non vivit, aut non sentit. Non & vivit, & sentit. Non quamquam vivit, tamen sentit.
<i>Subalternæ.</i>	<i>Contradictoriæ.</i>	<i>Subalternæ.</i>
<i>Particular. affirm.</i> <i>Veræ.</i>		<i>Particular. negat.</i> <i>Veræ.</i>
Aliquod vivens sentit. Non si vivit, non sentit. Non aut non vivit, aut non sentit. Et vivit, & sentit. Quamquam vivit, tamen sentit.	<i>Subcontrariæ.</i>	Aliquod vivens non sentit. Non si vivit, sentit. Non aut non vivit, aut sentit. Et vivit, & non sentit. Quamquam vivit, tamen non sentit.
		Harum



**Cap. XVII. Relationibus & Equipollentis, &c. 185**

**e** Harum singulis Equipollent suæ Conversæ, adeoque eodem modo & referuntur & Equipollent. Vide Cap. 9. §. De Conversione; & Cap. 16. §. Similiter &.

**Verficuli.**

- a** *Connexa & Disjuncta affirmata generales*  
*Sunt: simili illa ex utraque, hæc ex parte secundâ.*  
**b** *Conjuncta & Discreta negata sunt generales;*  
*Si simili ex primâ sunt, dissimilique secundâ.*  
**c** *Particulares Connexa & Disjuncta negata*  
*Sunt: illa ex simili primâ tantum, ista secundâ.*  
*Particulares sunt iidem, quas Copula jungit,*  
*Et Discreta affirmata; s; ex partibus iisdem.*  
**c** *Vertendis notum est versas planè æquivalere.*

**M 3**

**CAP.**

## C A P. XVIII.

## De Propositionibus Decompositis.

**D**Ecompositam Propositionem voco, cujus partes, aut etiam partium partes, sunt Compositæ.

*b* In hac semper plures, sæpè variæ sunt Conjunctiones. Sed illa Conjectio est Principalis, & dat speciem & nomen toti Propositioni, quæ totam exhaustit; id est, quæ partes integrantes totius conjungit. Reliquæ Conjunctiones (suo quæque ordine) partium partes conjungunt, easque denominant. Omnes autem ultimò resolvuntur in Categoricalas.

Hujusmodi sunt pleræque omnes longiores periodi. Quinimo sæpè diversæ periodi, utpote Conjunctionibus devinctæ, in unam Propositionem *Decompositam* coalescunt.


Ad hujusmodi Propositiones tum resolvendas atque intelligendas, tum etiam componendas, earumque partes & particulas suis quasque interpunctionibus artificiosè distinguendas, vocem denique in legendo & pronuntiando debitè & suaviter moderandam, hæc *Logicæ* (De Propositionibus Compositis & Decompositis) mirificè utilis est & necessaria.

In hos igitur usus Exempla quædam variorum Genus ex Autoribus transcribere, & quædam in suas partes & particulas resolvere non gravabimur: Præcipuè Connexas & Discretas. Copulatæ enim (nisi in historiis & narrationibus) rarò, & Disjunctæ rariùs, inveniuntur Decompositæ principales sive integræ; minùs Principalibus frequenter inserviunt.

I. *Connexa.*

Er, 1. *Conditionales.*

Cic. in principio primæ Orationis in *Verrem* (quæ dicitur Divinatio in *Verrem*) fol. 55. Si quis vestrum, Judices, aut eorum, qui adsunt, forte miretur, me, qui tot annos in causis judiciisque publicis ita sim versatus, ut defenderim multos, læserim neminem, subito nunc mutatâ voluntate ad accusandum descendere: Is si mei consilii causam rationemque cognoverit; unâ & id quod facio probabit, & in hac causâ profectò neminem mihi esse præponendum actorem putabit.



Idem in principio Orationis pro Sextio 1. Si quis antea Judices, mirabatur, quid esset, quod pro tantis opibus Reipublicæ, tantæque dignitate Imperii nequaquam satis multi cives forti & magno animo inveni-  
rentur, qui auderent se & salutem suam in discrimen offerre pro statu Civitatis, & pro communi libertate : Ex hoc tempore miretur potius, si quem bonum & fortem Civem viderit, quam si quem aut timidum, aut sibi potiusquam Reipublicæ consulentem.

Exod. 15. 26. & 22. 1. & ver. 2, 3. & ver. 5. & ver. 6. & ver. 7, 8. & ver. 10, 11. & ver. 14, 15. & ver. 16, 17. & ver. 22, 23, 24. & ver. 25, 26, 27. Levit. 6. 2, 3, 4, 5, 6, 7. & 25. 47, 48, 49. Deut. 13. 1, 2, 3, 4, 5. & ver. 6. ad finem ver. 11. & ver. 12. ad finem Capitis. Et cap. 21. 1. ad finem ver. 9. & ver. 10. ad finem ver. 14. & ver. 15, 16, 17. & ver. 18, 19, 20, 21. & ver. 22, 23. 1 Reg. 8. 31, 32. & ver. 33, 34. & ver. 35, 36. & ver. 37, 38, 39, 40. & ver. 44, 45. & ver. 46, 47, 48, 49, 50, 51, 52, 53. Mar. 5. 23, 24. & 21. 21, 22. 2 Thess. 3. 14, 15. 1 Tim. 5. 16. & 6. 3, 4, 5. Heb. 2. 2, 3, 4. Jac. 1. 26. & 2. 2, 3, 4. & ver. 15, 16.

### 20. Causales, Rationales, Motivæ.

Gen. 22. 16, 17, 18. 1 Reg. 3. 11, 12, 13, 14. Prov. 1. 24, 25, 26, 27. 1 Is. 29. 13, 14. & 37. 29. Jer. 7. 13, 14, 15. & 9. 13, 14, 15, 16. Ezech. 15. 3, 4, 5. & ver. 6, 7. & ver. 8, 9, 10, 11. & ver. 12, 13, 14. & ver. 15, 16, 17. & 26. 2, 3, 4, 5, 6. Mar. 6. 19, 20, 21. Luc. 1. 1, 2, 3, 4.

30. *Relativæ. Essentiæ.*

Cic. Act. 1. in Verrem 66. Quod erat optandum maxime, Judices, & quod unum ad invidiam vestri ordinis, infamiamque Judiciorum sedendam maxime pertinebat: Id non humano consilio, sed prope divinitus datum atque oblatum vobis summo Reipublicæ tempore videtur.

Relativa Essentiz.

(Copular.) { Quod erat optandum maximè; Judices,  
& quod unum ma- { Invidiam vestri Ordi-  
ximè pertinebat { nis,  
ad sedandam { Infamiamque Judicio-  
(Cop.) { rum:

(Id(Connex.) { Summo Reipublicæ tempore (id est, quando  
maximè interest Reipublicæ)

(Cop.) { vide- { datum at- { Vobis non humano con-  
tur { que { (Dis- { filio,  
(Cop.) { oblatum { cret.) { sed prope divinitus.

Idem longiore Periodo, Ad *Quirites* post reditum,  
198. Quod precatus sum, &c. — Maxime lator  
*Quirites*.

Exod.9.19. Luc.9.26. Philip.4.8,9. 1 Joh. 1.1,  
2,3.

*Quantitatis.*

Апoc. 18.7.

*Quali-*

## Qualitatis.

*Ios.* 12. 13. *Psalm.* 123. 2. *Prov.* 17. 18, 19. *Ezech.* 13. 1, ad finem ver. 9. *Luc.* 17. 26, 27, 28, 29, 30. *Gal.* 4. 1, 2, 3, 4, 5.

## Loci.

2 *Sam.* 15. 21. *Mat.* 26. 13. *Jac.* 3. 16.

## Temporis.

*Deut.* 22. 8. *Mat.* 25. 31, &c. *Luc.* 14. 12, 13, 14. *Rom.* 9. 11, 12. 1 *Thess.* 5. 3.

## II. Disjunctiva.

*Cic. in Catilin.* 106. Aut exeant, aut quiescant, aut si & in urbe, & in eadem mente permaneant; quæ merentur, expectent.

(Disjunct.)	{	Aut exeant,	{	(Cop.)	{	& in Urbe,	& in eadem mente;					
		aut quiescant,										
		aut (Connex.)						{	(Relat.)	{	quæ merentur,	expectent.

Cap. XVIII. De Propositionibus Decompositis. 571

Exec. 14. 13. ad finem ver. 20. Luc. 13. 2, 3, 4, 5. &c.  
14. 28, 29, 30, 31, 32.

Alia exempla vide Cap. 19. §. *Disjuncta inter se*; &c.  
§. *Disjuncta cum Copulatis*; &c. §. *Disjuncta cum Dis-*  
*cretis*.

III. *Copulatae*.

Gen. II. Opera sex dierum. Deut. 20. 5, 6, 7, 8. Quatuor  
Proclamationes.

Mat. 13. Variae Parabolae.

1 Cor. 13. 1, 2, 3. Variae Prolepticae ejusdem conse-  
quentis, quod Absque charitate nihil sumus.

Sic in omnibus narrationibus rerum gestarum, aut  
gerendarum.

1 Sam. 10. 2, 3, 4, 5, 6. Varia signa Sauli data per Samu-  
elem.

Vide Cap. 19. §. *Copulatae inter se*; &c. §. *Copulatae cum*  
*Discretis*.

IV. *Discretae*.

1°. *Prolepticae*.

Cic. in principio Orationis pro lege Manilia 1. Quan-  
quam mihi semper, &c. — prohibuerunt.

Idem pro Rabirio 90. b. Etsi, Quirites, non est mea  
consuetudinis — ad absolvendum debet videri.

Idem Epist. fol. 52. Etsi adhuc — a dignitate.

Et fol. 62. Etsi statueram — non possem.

Et fol. 71. Etsi unus — sanare potuisset.

Idem Offic. 1. Quamquam te Marce fili — facul-  
tate.



Ter. Haut. A&I. Sc.I.

Quaquam hac ——— adhortatur tua.

Virg. 6. Aeneid. ver. 6.

Quis talia fando ——— Incipiam.

1 Cor. 13. } Etsi loquar linguis (Cop.) } hominum,  
 (Prolep.) } Tamen si charitatem non habeam; } & Angelorum:  
 (Con- } factus sum } Æs sonans,  
 nex.) } ut (Dis } aut cymbalum tin-  
 junct.) } niens.

Neb. 5. 8. Eccles. 8. 12, 13. Isa. 30. 20, 21. Jer. 37.  
 10. Hof. 4. 2, 3, 4. Luc. 10. 19, 20. & 18. 4, 5. 1 Cor. 8.  
 5, 6. Philem. ver. 8, 9.

2°. Antitheticæ.

Mat. 5. 21, 22. & ver. 27, 28. & ver. 31, 32. & ver.  
 33, 34, 35, 36, 37. & ver. 38, 39, 40, 41, 42. & ver. 43,  
 44, 45. & cap. 6. 19, 20. & ver. 31, 32, 33. & cap. 7. 24,  
 25, 26, 27. & cap. 15. 4, 5, 6. Luc. 12. 4, 5. & ver. 8, 9.  
 & ver. 47, 48. & cap. 14. 8, 9, 10. & ver. 12, 13, 14. &  
 cap. 20. 34, 35, 36. Joh. 2. 10. & 4. 13, 14. & 9. 20,  
 21. & 10. 1, 2, 3. & ver. 10. & cap. 20. 30, 31. Act. 13.  
 36, 37. Rom. 14. 17. 1 Cor. 1. 26, 27, 28, 29. Heb. 7. 23,  
 24. & 12. 10. & ver. 11. & ver. 18, 19, 20, 21, 22, 23, 24.  
 Lon-

Longissimæ autem Propositiones Decompositæ, æque admodum frequentes, sunt Antitheticæ ex blais connexionis vel prolepticis.

Exempli gratia.

Boëtius de Consol. lib. 1. Metr. 4.

Nec speres aliquid, nec extimescas:


Exarmaveris impotentis iram.

At quisquis trepidus pavet, vel optat:

Quod non sit stabilis suisque juris;

Abjecit clypeum, locoque motus

Necsit, quâ valeat trahi, catenam.



*Cic. in Ver. 67.* De quo si vos severè religiosèque judicaveritis : Autoritas ea, quæ in vobis remanere debet, hærebit. Sin istius ingentes divitiæ Judiciorum Religionem veritatemque perfregerint : Ego tamen hoc assequar ; ut Judicium potius Reipublicæ , quàm aut reus judicibus , aut accusator reo defuisse videatur.

Idem longiore Periodo, *Epist. fol. 12.* Ego si ab improbis & perditis Civibus Remp. teneri viderem (sicut & meis temporibus scimus, & nonnullis aliis accidisse accepimus : ) non modò non præmiis (quæ apud me minimum valent) sed ne periculis quidem compulsus ullis (quibus tamen moventur etiam fortissimi viri) ad eorum causam me adjungerem ; ne si summa quidem eorum in me merita constarent. Cum autem in Repub. *Cn. Pompeius* Princeps esset, vir is, qui hanc potentiam & gloriam maximis in Remp. meritis, præstantissimisque rebus gestis esset consecutus, cujusque ego dignitatis ab adolescentiâ fautor, in præturâ autem & consulatû adjutor etiam extitissim ; cumque idem Autoritate & Sententiâ per se, consiliis & studiis tecum me adjuvisset, meumque inimicum unum in Civitate haberet inimicum : Non putavi famam inconstantiæ mihi pertimescendam, si quibusdam in sententiis paulum me immutassim, meamque voluntatem ad summi viri, de meque optimè meriti, dignitatem aggregassim.

Idem de *Prævinc. Consular.* Similem habet Periodum sive Propositionem Decompositam de *Cæsare* fol. 76. a. b. quæ sic incipit, Etenim si fortunæ inuneribus amplissimis ornatus, &c. Et sic definit, nec totam *Galliæ* belli rationem prope jam explicatam perturbare atque impedire debemus.

*Fabius*

*Fabius* apud *Livium* lib. 24. cap. 8. Si aut pacem in *Italia*, aut bellum cum eo hoste haberemus, in quo negligentia aut errori locus esset: qui vestris studiis, quæ in Campum, ad mandandos quibus velitis honores, affertis, moram ullam afferret, is mihi parum meminisse videretur vestrae libertatis. Sed cum in hoc bello, in hoc hoste, nunquam ab ullo duce sine ingenti nostra clade erratum sit: eadem vos curâ, quâ in aciem armati descenditis, inire suffragium ad creando Consules decet, & sibi quisque dicere, *Annibali* Imperatori parem Consulenti nomino.

<i>Rom.</i> 7. 3. (Anti- thetica)	{ (Con- ditio- nal.)	{ Si (Relat. temp.)	{ <div>vivente adhuc viro,</div> <div>fuerit cum alio viro,</div>				
				vocabitur adultera.			
	{ Sed (Con- ditio- nal.)	{ <div>si Vir ejus mortuus fuerit :</div> <div>liberata est à lege viri,</div>	{ <div>ita ut</div> <div>si fuerit cum alio vi-</div> <div>ro,</div> <div>non sit adultera.</div>				
				{ (Re- lat.)	{ (Pro- lept.)		

*Gen.* 34. 15, 16, 17. *Exod.* 22. 2, 3. *Num.* 34. 22, 23, 24. & 16. 29, 30. & 30. 3, 4, 5. & ver. 6, 7, 8. & 32. 20, 21, 22, 23. *Judic.* 9. 19, 20. 1 *Sam.* 12. 14, 15. *Job.* 36. 11, 12. *Fer.* 17. 24, 25, 26, 27. & 18. 7, 8, 9, 10. & 38. 17, 18. *Ezec.* 33. 2, 3, 4, 5, 6. & ver. 8, 9. *Mat.* 6. 2, 3, 4. & ver. 5, 6. & ver. 16, 17, 18. & cap. 7. 24, 25, 26, 27. & cap. 24. 45, &c. *Luc.* 10. 8, 9, 10, 11. & 11. 21, 22. & 12. 42, 43, 44, 45, 46. & ver. 47, 48. & cap. 14. 12, 13, 14. *Joh.*

*Job.* 10. 37, 38. & 15. 19. & 21. 18. *Act.* 18. 14, 15. & 25. 11. *1 Cor.* 14. 23, 24, 25. *1 Job.* 1. 6, 7. & ver. 8, 9. & cap. 2. 10, 11.

Totum illud longum Caput *Deut.* 28. est una hujusmodi Propositio: Cujus Antecedens est ver. 1. ad finem ver. 14. Consequens inde ad finem Capituli.

Sic *Levit.* 26. Antecedens ver. 3. ad finem ver. 13. Consequens inde ad finem ver. 20.

Sic duo Capita libri *Job*, viz. 29, & 30.

Vide supra Cap. 10. §. *Atque hoc frequenter.*

*Exempla Decompositarum, in quibus singulis sunt omnes species Hypotheticarum.*

*Exod.* 21. 18, 19. & ver. 20. 21. & ver. 28, 29. & cap. 22. 7, 8. & ver. 14, 15. *Levit.* 22. 19, 20. *Num.* 16. 29, 30. *Deut.* 13. 6, 7, 8, 9, 10, 11. & 15. 12, 13, 14. & 22. 6, 7. *Mat.* 5. 33, 34, 35, 36, 37. & 6. 31, 32, 33. & 13. 20, 21. & 15. 4, 5, 6. & 18. 7, 8. & ver. 15, 16, 17. *Luc.* 12. 29, 30, 31. & 14. 12, 13, 14. *Job.* 3. 8. *Act.* 18. 14, 15. Suprà §. *Rom.* 7. 3. *1 Cor.* 13. 1. & 14. 23, 24. & ver. 27, 28. *Jac.* 2. 15, 16. *1 Pet.* 3. 3, 4, 5, 6. & ver. 8, 9.

#### *Verficuli.*

- a *Simplicibus constat verbis sententia simplex.*  
*Atque ex simplicibus junctis sententia constat*  
*Composita, & paucis plerumque est edita verbis.*  
*Sed Decomposita non semper sufficit unus*  
*Spiritus, aut totam comprehendit pagina tota.*
- b *Hujus at integras princeps Conjunctio partes,*  
*Dein reliquæ reliquas omnes justo ordine jungunt.*  
*Inque Categoricas pars tandem desinit omnis.*

## C A P. XIX.

*De Complicatione partium in Propositionibus Decompositis.*

**a** **D**ecompositæ Propositionis compendium quoddam est Complicatio Partium: cum scilicet plures partes pluribus conjunguntur, sive in eodem genere, sive in diversis.

**b** Hic autem numerus Partium, si explicentur, is erit, qui producetur ex omnibus partibus in se continuè ductis sive multiplicatis.

*Exempli gratiâ.*

I. *Copulata inter se.*

*Cic. de Leg.* 187. a. Donum ne capiunto, neve danto, neque petendâ, neque gerendâ, neque gestâ potestate. Ex sex partibus, viz. 3. per 2. multiplicatis.

Et somnus, & vinum, & epulæ, & scorta, & balneæ, corpora atque animos enervant. Ex decem partibus viz. 5. per 2.

*Cic. Epist. fol.* 217. a. In omni genere & honorum & laborum meorum, & animus, & opera, & auctoritas, & gratia, etiam res familiaris C. Capitonis, præsto fuit & paruit temporibus & fortunæ meæ. Ex partibus 40. viz. 2. 5. 2. 2. in se continuè multiplicatis.

N

Idem

Idem in *Catilin.* 111. Rempub. *Quirites*, vitamque omnium vestrū, bona, fortunas, conjuges, liberosque vestros atque hoc domicilium clarissimi Imperii, fortunatissimam pulcherrimamque urbem hodierno die Deorum immortalium summo erga nos amore, laboribus, consiliis, periculis meis, ex flammâ atque ferro, ac penè ex faucibus fati, ereptam & vobis conservatam, ac restitutam videtis. Ex 252 partibus, viz. 7. 4. 3. 3. infè continuè multiplicatis.

*Isa.* 20. 4. Ex 12 partibus, viz. 2. 2. 3.

2 *Cor.* 1. 1, 2. Ex 16 partibus, viz. 2. 4. 2. 2.

*Philem.* ver. 1, 2, 3. Ex 32 partibus, viz. 2. 4. 2. 2.

*Joh.* 15. 24. Ex 4 partibus, viz. 2. 2.

*Dan.* 5. 23. *Luc.* 24. 19. *Act.* 14. 5. & 27. 10. 1 *Cor.* 12. 13. 2 *Thes.* 2. 2. & 3. 8. *Jac.* 3. 7. *Sirac.* 3. 8.

## II. Disjunctæ inter se.

*Cic. de Provinc. Consular.* 76. a. Una aut altera æstas, vel metu, vel spe, vel pœnâ, vel præmiis, vel armis, vel legibus, potest totam *Galliam* sempiternis vinculis astringere. Ex 12 partibus, viz. 6. per 2 multiplicatis.

*Levit.* 18. 9. Ex 4 partibus, viz. 2. 2.

## III. Disjunctæ cum Copulatis.

*Cic. offic.* 164. a. Nec ut emat meliùs, nec ut vendat, quicquam aut simulabit aut dissimulabit vir bonus. Ex 4 partibus, viz. 2. 2.

*Levit.* 17. 15. Ex 16 partibus, viz. 2. 2. 4.

*Mat.* 19. 29. Ex 16 partibus, viz. 2. 8.



IV. *Disjunctæ cum Discretis.*

*Levit. 22. 23. Ex 8 partibus. viz. 2. 2. 2.*

V. *Copulatæ cum Discretis.*

*Cic. in Ver. 66. b. Non humano consilio, sed prope divinitus vobis datum atque oblatum. Ex 4 partibus, viz. 2. 2.*

*Fer. 35. 8, 9, 10. Ex 24 partibus, viz. 4. 6. 1 Job. 2. 16.*

Verficuli.

- a *Ad Decompositam abbreviandam complico partes ;*  
*Sive illæ ejusdem generis sint, seu variorum.*
- b *Continuè in se multiplicando, has explico partes.*

## C A P. XX.

*De Argumentatione, sive Syllogismo in genere.*

**D**E primo Genere Dispositionis (id est, de Propositione) dictum est. Secundum est *Argumentatio*.

Argumentationis unica perfecta est forma, nempe *Syllogismus*. Ad hunc enim reliquæ omnes, quæ dicuntur, formæ reducendæ sunt, ut videbitur Cap. 36. & sequentibus.

*a* *Syllogismus* est Oratio, in quâ Quæstio cum Argumento ita disponitur, ut duabus Præmissis concessis necessario per concessas inferatur Conclusio.

*b* Concessis igitur Præmissis Conclusio negari non potest aut debet.

*Exempli gratiâ.*

Omnis virtus consistit in mediocritate.

Justitia est virtus. Ergo,

Justitia consistit in mediocritate.

Materia Syllogismi sunt Quæstio, & Argumentum.

Quæstio est Propositio in dubium vocata, ad quam responderi potest per *Etiam* vel *Non*; ut, An justitia consistat in mediocritate.

*Argumentum*

*Argumentum* est medium, per quod *Quæstio* concluditur; ut, *Virtus*.

Forma Syllogismi est legitima dispositio *Quæstionis* cum *Argumento*. Id est, talis quæ congruat cum *Regulis* infra traditis. Aliàs non est Syllogismus sed Paralogismus; Adeoque concedi possunt *Præmissæ*, & tamen *Conclusio* negari. Vide Cap. 44. §. Si *Opponens* concludat.

In omni Syllogismo tres sunt Propositiones, tanquam partes ejus integrantes: viz. duæ *Præmissæ* & *Conclusio*.

*Præmissæ* sunt *Major* & *Minor*.

*Major* est prior *Præmissarum*, in quâ vel *Tota Quæstio*, vel saltem *Prædicatum* ejus, disponitur cum *Argumento*, ut, *Omnis virtus consistit in mediocritate*. Aliàs specialiter dicitur *Propositio*.

*Minor* est altera *Præmissarum*, quæ vel ad *Majorem* vel ex *Majore* assumitur; ut, *Justitia est Virtus*. Aliàs dicitur *Assumptio*.

*Conclusio* est ipsa *Quæstio* ex *Præmissis* illata; ut, *Justitia consistit in Mediocritate*. Aliàs dicitur *Complexio*, vel *Intentio*.

c Harum Propositionum naturalis ordo est, ut suprà, *Major*, & *Minor*, Ergo *Conclusio*.

### Crypses.

1. Hic Naturalis ordo turbatur quinque modis.

1. Minor, & Major, Ergo Conclusio.
  2. Major, Ergo Conclusio, Quia Minor.
  3. Minor, Ergo Conclusio, Quia Major.
  4. Conclusio, Quia Major & Minor.
  5. Conclusio, Quia Minor & Major.
- Applica ad Exemplum datum.

2. Aliquando proponuntur Præmissæ tantum cum notâ Illativâ [*Ergo*] & reticetur Conclusio, tanquam sponte sequens ex præmissis, & cuius obvia; ut, *Omnis virtus consistit in Mediocritate. Iustitia est Virtus. Ergo.*

De aliis Crypsibus, vide Cap. 36. & sequentia.

Verficuli.

- a *Ex falsis falsum, verumque aliquando sequetur :  
Ex veris possunt non nisi vera sequi.*
- b *Præmissæ possunt, si falsæ, jure negari :  
Rectè conclusum nemo negare potest.*
- c *Uno disponuntur partes ordine recto :  
Turbato verò hoc ordine quinque modis.*
- d *Præmissis positis, Conclusio si reticetur :  
Ipsa sequi tamen est cognita sponte sua.*

C A P. XXI.

De Syllogismo Categorico communi in Genere.

**S**Yllogismus est vel Simplex five Categoricus, vel Compositus five Hypotheticus.

*a* Simplex, five Categoricus est, cujus omnes Propositiones sunt Categoricae, earumque adeo partes termini simplices.

Horum duo (id est, partes Quaestionis) appellantur Extrema; Tertius, Medium five Argumentum.

Quomodo Propositiones Hypotheticae hic supplere possint vices Categoricarum, vide Cap. 35. § *Mutari etiam possunt.*

Syllogismus Categoricus & plenior, & brevior, & evidentior, & artificiosior, & omni modo perfectior est quovis Syllogismo Hypothetico. Itaque & accuratius discendus & frequentius usurpandus est.

*b* In hoc Partes quaestionis (five Extrema) seorsum in praemissis Medio, tanquam mensurae suae, applicantur: Et ex Medii vel consensione cum utroque Extremo, vel dissensione ab eorum altero (ab utroque enim dissentire non debet) colligitur Extremorum consensio vel dissensio inter se.

Medium igitur bis in Praemissis capitur, nunquam in Conclusionem: Extremorum utrumque semel in Praemissis, semel in Conclusionem.

Categoricus Syllogismus est vel Communis vel Singularis.

Communis est, cujus altera saltem Præmissa est Communis, (& quidem Universalis :) Conclusio & altera Præmissa vel Communis, vel ejus loco Singularis.

De hoc præcipue tractant Dialectici; Et nos etiam in hoc & septem Capitibus sequentibus tractabimus. De Singulari seorsum agemus Capite 29. habitâ tamen relatione ad Regulas Syllogismorum Communium, quantum opus est.

Syllogismus Communis est, Universalis affirmatus, Universalis negatus, Particularis affirmatus, vel Particularis negatus.

Affirmatus est, cujus omnes Propositiones sunt affirmatae.

Negatus est, cujus Conclusio est negata, Præmissarum altera affirmata, altera negata.

Universalis est, cujus omnes Propositiones simul Universales.

Particularis est, cujus Conclusio est Particularis (vel ejus loco singularis) præmissarum altera saltem Universalis.

Ex dictis colliguntur quinque Regulae generales horum Syllogismorum.

*e* 1. Sint tantum tres termini: viz. duo Extrema, & Medium.

*d* 2. Prædicatum quæstionis sit Majus extremum, id est, jungatur cum Medio in Majore: Subjectum quæstionis sit minus Extremum; id est, jungatur cum Medio in Minore.

*e* 3. Ex puris Negatis nihil concluditur.

*f* 4. Ex puris Particularibus nihil concluditur.

*g* 5. Conclusio sequitur deteriorem partem, id est, in qualitate Negatam, in quantitate Particularem vel Singularem.

Disponitur

Disponitur hic Syllogismus in Figurâ & Modo,

Figura est certa debitaque dispositio Medii cum Extremis in utrâque præmissa.

Modus est debita ratio quantitatis & qualitatis Singularum Propositionum.

*b* Figuræ tres sunt, pro triplici dispositione Medii.

Prima est, in quâ Medium est Subjectum in Majore, Prædicatum in Minore.

Secunda est in quâ Medium est Prædicatum in utrâque Præmissa.

Tertia est, in quâ Medium est Subjectum in utrâque Præmissa.

*i* Modi quatuordecim sunt,

Primæ Figuræ quatuor; *Barbara, Celarent, Darii, Ferio.*

Secundæ item quatuor: *Cesare, Camestres, Festino, Baroco.*

Tertiæ sex: *Darapti, Felapton, Disamis, Datisi, Bocardo, Ferison.*

*K* Horum Modorum ipsa nomina per vocales suas *A. E. I. O.* ostendunt Quantitatem & Qualitatem cujusque Propositionis, ut supra Capite 3.

Versiculi.



## Versiculi.

- a** Simplex est, in quo pars omnis sit quoque Simplex;  
 Et Minor ad, non ex Majore assumitur ipsa.  
**b** Extremum Medio in præmissâ jungito utrâque:  
 Extremum Extremo Conclusio postmodo jungat.  
**c** Sint tantum tria verba, Extrema duo, Mediumque  
**d** Quod sequitur, Majus; quod præcedit, Minus esto.  
**e** Nil possunt ambæ præmissæ inferre negatæ.  
**f** Nil possunt ambæ concludere particulares.  
**g** Parti se adjungat Conclusio deteriori.  
**h** Sub præ Prima, & Bis præ Secunda, & Tertia Bis sub.  
**i** Prima, Barbara, Celarent, Darii, Ferioque.  
 Cesare, Camestres, Festino, Baroco, Secunda.  
 Tertia Darapti sibi vendicat, atque Felapton,  
 Adjungens Disamis, Datisi, Bocardo, Ferison.  
**K** Quanta & qualis sit pars quæque, vocabula monstrant,

## C A P. XXII.

## De Primâ Figurâ.

**R**egulæ hujus Speciales; Major sit Universalis;  
Minor sit Affirmata.

*Bar-* Omne animal vivit.  
*ba-* Omnis homo est animal. Ergo,  
*ra.* Omnis homo vivit.

*Ce-* Nullus habitus est à naturâ.  
*la-* Omnis virtus est habitus. Ergo,  
*rent.* Nulla virtus est à naturâ,

*Da-* Quisquis cupit, eget.  
*ri-* Aliquis locuples cupit. Ergo,  
*i.* Aliquis locuples eget.

*Fe-* Nullus injustus est liberalis.  
*ri-* Aliquis largus est injustus. Ergo,  
*o.* Aliquis largus non est liberalis.

Verficulus.

*Sit Major generalis, & Affirmata Minor sit.*

C A P.

## C A P. XXIII.

## De Secundâ Figurâ.

**R**egulæ hujus Speciales; Major sit Universalis;  
Conclusio & altera præmissarum sint Ne-  
gata.

*Ce-* Summum bonum non faciliè amittitur.

*sa-* Divitiæ faciliè amittuntur. Ergo,

*re.* Divitiæ non sunt summum bonum.

*Ca-* Omnis amicus est fidelis.

*mes-* Nullus adulator est fidelis. Ergo,

*tres.* Nullus adulator est amicus.

*Fes-* Nullus prudens est improbus.

*ti-* Aliquis doctus est improbus. Ergo,

*no.* Aliquis doctus non est prudens.

*Ba-* Omne animal est sensu præditum.

*ro-* Aliquod animatum non est sensu præditum. Ergo,

*eo.* Aliquod animatum non est animal.

Verficulus.

a Sit Major generalis, Quæstio sitque negata.

C A P.

C A P. XXIV:

De Tertiâ Figurâ.

**R**egulæ hujus Speciales; Minor sit affirmata;  
Conclusio sit Particularis.

*Da-* Omnis Spiritus est invisibilis.  
*rap-* Omnis Spiritus est substantia. Ergo,  
*ti.* Aliqua substantia est invisibilis.

*Fe-* Nullum brutum est rationale.  
*lap-* Omne brutum est animal. Ergo,  
*ton.* Aliquod animal non est rationale.

*Di-* Aliquod bellum est necessarium.  
*sa-* Omne bellum est calamitosum. Ergo,  
*mis.* Aliquod calamitosum est necessarium.

*Da-* Omnis pius est felix.  
*ti-* Aliquis pius est afflictus. Ergo,  
*fi.* Aliquis afflictus est felix.

*Bo-* Aliqua castigatio non est inutilis.  
*car-* Omnis castigatio est injucunda. Ergo,  
*do.* Aliquod injucundum non est inutile.

*Fe-* Nullus ignavus est fortis.  
*ri-* Aliquis ignavus est robustus. Ergo,  
*son.* Aliquis robustus non est fortis.

Versiculus.

*a* Sit Minor affirmata, & Quæstio Particularis.

C A P.

## C A P. XXV.

De Conformatione Quæstionum ad Figuras  
& Modos.

**D**UO hic docentur ; 1. Quas Quæstiones singulæ Figuræ recipiant, & quibus Modis. 2. Quibus Figuris & Modis singulæ Quæstiones concludi possint. Utrumque colligitur ex Regulis supra datis, Cap. 21, 22, 23, 24.

a I. Quas Quæstiones singulæ Figuræ recipiant, & Quibus Modis.

Prima Figura omnes Quæstiones recipit : Nempe Universalem affirmatam in *Barbara* ; Universalem negatam in *Celarent* ; Particularem affirmatam in *Darii* ; Particularem negatam in *Ferio*.

Secunda omnes & solas Negatas : viz. Universalem negatam in *Cesare* ; & *Camestres* ; Particularem negatam in *Festino* & *Baroco*.

Tertia omnes & solas Particulares : viz. Particularem affirmatam in *Darapti*, *Disamis*, *Datifi* ; Particularem negatam in *Felapton*, *Bocardo*, *Ferison*.

b II. Qui-

b II. Quibus Figuris & Modis singula Quaestiones  
concludi possint.

Universalis affirmata concludi potest solummodo in  
Primâ Figurâ, adeoque in *Barbara*. Secunda enim  
non admittit Affirmatam, nec Tertia Universalem.

Universalis negata in Primâ & Secundâ Figurâ:  
Modis *Celarent*, *Cesare*, *Camestres*. In Tertiâ enim  
Conclusio semper est Particularis.

Particularis affirmata in Primâ & Tertiâ Figurâ:  
Modis *Darii*, *Darapti*, *Disamis*, *Datisi*. In Secundâ  
enim Conclusio semper est Negata.

Particularis negata in qualibet Figurâ: Modis *Ferio*,  
*Festino*, *Baroco*, *Felapton*, *Bocardo*, *Ferison*. Nullius enim  
Figuræ Regulis excluditur.

Verficuli.

- a Omnes Prima, Secunda sed E. O. Tertiaque I. O.
- b A. Primâ concluditur, E. Primâ atque Secundâ,  
I. Primâ & Postremâ, O. qualibet una Figurâ.

## C A P. XXVI.

*De formatione sive completionem Syllogismi  
Categorici ex datâ Materiâ.*

**H**ic duo docentur. 1. Ex datis Quæstione & Medio formare Præmissas. 2. Ex datis Præmissis colligere Conclusionem.

Utrumque horum ex imperfecto Syllogismo reddit perfectum.

*I. Ex datis Quæstione & Medio formare præmissas.*

*a* Imprimis consideretur in quâ Figura & Modo, vel in quibus Figuris & Modis Quæstio concludi possit, ut docetur Cap. 25. §. *Quibus Figuris.*

Hoc præcognito,

*b* 1. Prædicatum Quæstionis jungatur cum Medio in Majore, Subjectum in Minore.

*c* 2. Medium rectè disponatur: prout ratio Figuræ postulat.

*d* 3. Observetur quantitas & qualitas utriusque præmissæ, prout ratio Modi postulat.

Hoc ultimum ut faciliùs fiat, notandum:



1. *De Qualitate utriusque Præmissæ.*

Quæstione existente affirmatâ, utraque Præmissa debet esse affirmata; ut in *Barbara, Darii, Darapti, Disamis, Datisi*.

Quæstione existente negatâ, si Medium dissentit à Prædicato ejus, & consentit cum subjecto: Major negetur, Minor affirmetur; ut in *Celarent, Ferio, Cesiare, Festino, Felapton, Bocardo, Ferison*. Si consentit cum Prædicato Quæstionis, & dissentit à Subjecto: Major affirmetur, Minor negetur; ut in solâ Secundâ Figurâ, Modis *Camestres & Baroco*.

2. *De Quantitate utriusque Præmissæ.*

In Primâ & Secundâ Figura Major semper sit Universalis, Minor ejusdem quantitatis cum Conclusionem. In Tertiâ utraque præmissa (si fieri potest) sit Universalis, ut in *Darapti & Felapton*. Sin minùs, altera saltem sit universalis; vel Major, ut in *Datisi & Ferison*; vel Minor, ut in *Disamis & Bocardo*.

II. *Ex datis Præmissis colligere Conclusionem.*

e 1. Minus Extremum fiat Subjectum Conclusionis, Majus Extremum Prædicatum.

f 2. Conclusio sequatur utramq; Præmissam, aut earum deteriorem; id est, in qualitate, Negatam; in quantitate, particularem.

g Excipe quòd in Tertiâ Figurâ, etiam si utraque Præmissa sit universalis (ut in *Darapti & Felapton*) tamen Conclusio sit particularis.

## C A P. XXVI.

*De formatione sive completionem Syllogismi  
Categorici ex datâ Materiâ.*

**H**ic duo docentur. 1. Ex datis Quæstione & Medio formare Præmissas. 2. Ex datis Præmissis colligere Conclusionem.

Utrumque horum ex imperfecto Syllogismo reddit perfectum.

*I. Ex datis Quæstione & Medio formare præmissas.*

*a* Imprimis consideretur in quâ Figura & Modo, vel in quibus Figuris & Modis Quæstio concludi possit, ut docetur Cap. 25. §. *Quibus Figuris.*

Hoc præcognito,

*b* 1. Prædicatum Quæstionis jungatur cum Medio in Majore, Subjectum in Minore.

*c* 2. Medium rectè disponatur : prout ratio Figuræ postulat.

*d* 3. Observetur quantitas & qualitas utriusque præmissæ, prout ratio Modi postulat.

Hoc ultimum ut faciliùs fiat, notandum :

*1. De*

## 1. De Qualitate utriusque Præmissæ.

Quæstione existente affirmatâ, utraque Præmissa debet esse affirmata; ut in *Barbara*, *Darii*, *Darapti*, *Disamis*, *Datifi*.

Quæstione existente negatâ, si Medium dissentit à Prædicato ejus, & consentit cum subjecto: Major negetur, Minor affirmetur; ut in *Celarent*, *Ferio*, *Cesare*, *Festino*, *Felapton*, *Bocardo*, *Ferison*. Si consentit cum Prædicato Quæstionis, & dissentit à Subjecto: Major affirmetur, Minor negetur; ut in solâ Secundâ Figurâ, Modis *Camestres* & *Baroco*.

## 2. De Quantitate utriusque Præmissæ.

In Primâ & Secundâ Figura Major semper sit Universalis, Minor ejusdem quantitatis cum Conclusionem. In Tertiâ utraque præmissa (si fieri potest) sit Universalis, ut in *Darapti* & *Felapton*. Sin minùs, altera saltem sit universalis; vel Major, ut in *Datifi* & *Ferison*; vel Minor, ut in *Disamis* & *Bocardo*.

## II. Ex datis Præmissis colligere Conclusionem.

e 1. Minus Extremum fiat Subjectum Conclusionis, Majus Extremum Prædicatum.

f 2. Conclusio sequatur utramque Præmissam, aut earum deteriorem; id est, in qualitate, Negatam; in quantitate, particularem.

g Excipe quòd in Tertiâ Figurâ, etiam si utraque Præmissa sit universalis (ut in *Darapti* & *Felapton*) tamen Conclusio sit particularis.

Hæc omnia pendent ex Regulis suprà datis Cap. 21. 22. 23. 24. Quæ si observentur & in promptu habeantur, formatio Syllogismi citiùs fit quàm dicitur.

Sumantur Exempla ex singulis Figuris & Modis.

Verficuli.

- a *Nosce Figuram, nosce Modum, quæ Quæstio poscat.*
- b *Jungatur Medio extremum majusque minusque.*
- c *Sit Medium vel Sub, vel Præ, ratione Figuræ.*
- d *Utraque præmissa esto qualis quantaque debet.*
- e *Præcedat Minus Extremum, Majusque sequatur.*
- f *Parti se adjungat Conclusio deteriori.*
- g *In postremâ autem sit semper Particularis.*

C A P. XXVII.

*De Reductione Syllogismorum Categoricorum  
ad se invicem. Et primò, De Directâ  
sive Ostensiva.*

**R**eductio Syllogismorum Categoricorum ad se invicem, est traductio eorum ab unâ Figurâ ad aliam.

*a* Vulgo docetur Reductio solummodo Modorum Secundæ & Tertiæ Figuræ ad modos Primæ. Sed idem est usus & eadem via reducendi etiam Modos Primæ Figuræ ad Modos Secundæ & Tertiæ, & Modos Secundæ & Tertiæ ad se invicem. Sæpe enim eadem Quæstio eodem Argumento commodius concluditur in Secundâ aut Tertiâ quàm in Primâ.

*b* In omni Reductione duo considerata sunt: Quò, & Quomodo facienda sit. Et hæc se mutuò inferunt. Si enim Syllogismus reducatur Quò oportet, necessario etiam reduceatur Quomodo oportet: Et si reducatur Quomodo oportet, reducetur etiam quò oportet.

Categoricorum Syllogismorum Reductio duplex est; 1. Directa sive Ostensiva. 2. Obliqua, sive, Ad absurdum vel impossibile.

Directa sive Ostensiva Reductio est, quâ eadem Conclusio eodem Argumento inferitur in diversis Figuris. Dequâ notandum, ut dictum est, Quò & Quomodo facienda sit.

## c 1. Quò.

Unusquisque Syllogismus reducibilis reducitur ad illos Modos aliarum Figurarum, qui incipiunt ab iisdem literis C. D. F. ut, *Celarent, Cesare, Camestres : Darii, Disamis, Datisi : Ferio, Festino, Ferison* : ad se invicem reducuntur.

*Darapti* etiam ad *Darii*, *Felapton* ad *Ferio* & *Festino* reducitur, sed non è converso.

d Quæ incipiunt à B (*Barbara, Baroco, Bocardo*) non reducuntur Directè sive Ostensivè, sed solummodo Obliquè sive Ad impossibile vel absurdum; Ut cap. 28.

## 2. Quomodo.

Per Conversionem Propositionum (Simplicem vel Attenuatam) & aliquando etiam mutationem præmissarum. Hinc enim mutatur Dispositio Medii adeoque Figura.

e Figura Prima & Secunda ad se invicem reducuntur per Conversionem Majoris : Prima & Tertia per Conversionem Minoris : Secunda & Tertia per Conversionem utriusque præmissæ.

f In *Camestres* & *Disamis* Conclusio etiam convertitur, & simul Præmissæ inter se mutantur.

g Hæc etiam indicantur per Consonantes medias & finales S. P. M. Nempe S. significat Simplicem conversionem, P. Attenuatam, M. Mutationem Præmissarum.

Exempla

Exempla petantur ex singulis Modis reducibilibus.

*b* Usus hujus Reductionis est, tum ut perfectiùs teneamus, magisque in promptu habeamus omnes Syllogismorum Figuras & Modos, tum etiam, ut cùm plures fuerint Modi in quibus Quæstio nostra concludi possit, eum eligamus, in quo commodissimè concludatur: Aut si nihil interfit, ne hæsitemus, sed eum sumamus, qui primus sese obtulerit.

Versiculi.

- a* Non tantùm ad Primam reliquas ego duco Figuras.
- b* Mutua se ostendunt, Quò & Quomodo ducere oportet.
- c* Litera prima Modum ostendit, quo quemque reducas.
- d* Incipientem à B. directè nemo reducit.
- e* Majores Prima atque Secunda Figura: Minores Prima & Tertia: utrasque Secunda & Tertia vertunt.
- f* Cam. Dis. Præmissas mutant, Conclusaque vertunt.
- g* S. vult simpliciter verti, Pque Attenuatè.  
M quoque Præmissas inter se denique mutat,
- h* Hinc promptè teneo, promptèque hinc omnibus utor.



## C A P. XXVIII.

*De Reductione Obliquâ, sive Ad Absurdum vel Impossibile.*

**R**eductio Obliqua (sive, Ad Absurdum vel Impossibile) est, cum ex Contradictoriâ veræ Conclusionis & alterutrâ ex veris præmissis colligitur alterius veræ præmissæ Contradictoria (aut in *Darapti* & *Felapton* contraria:) Quæ erit absurda.

Docendi causâ Syllogismus hoc modo reducendus dicatur Directus, Reductus dicatur Obliquus.

*b* Conclusionis Syllogismi Directi Prædicatum indicat Majorem, Subjectum Minorem Syllogismi Obliqui.

*Exempli gratiâ.*

*Bar-* Omne animal sentit.  
*ba-* Omnis homo est animal. Ergo,  
*ra.* Omnis homo sentit.

Reducitur ad Absurdum, vel in Secundâ Figurâ sic.

*Bar-* Omne animal sentit.  
*ro-* Aliquis homo (inquis tu) non sentit. Ergo,  
*ca.* Aliquis homo non est animal. Quod absurdum est.

Vel

Vel in Tertiâ Figurâ sic.

*Bo-* Aliquis homo (inquis tu) non sentit.  
*car-* Omnis homo est animal. Ergo,  
*do.* Aliquod animal non sentit. Quod absurdum.

Atque hæc sufficere possunt ad Reductionem Obliquam cujusvis Syllogismi Categorici cujuscunque Figuræ aut Modi.

c Quod si plenius & distinctius scire volumus, Quò & Quomodo singuli Syllogismi Categorici obliquè reducendi sint; sic habeamus.

1. *Quò.*

Singulæ Figuræ ad reliquas binas reduci possunt: Modi verò hi ad se invicem.

*Barbara, Baroco, Bocardo. Celarent, Festino, Disamis.*

*Darii, Camestres, Ferison. Ferio, Cesare, Datifi.*

*Darapti* etiam reducitur ad *Celarent* & *Cesare*, *Felapton* ad *Barbara* & *Camestres*: Sed non è converso.

d Itaque nullus Syllogismus ad eundem Modum reducitur Obliquè, ad quem reducitur Directè.

## 2. Quomodo.

e Si Figura Prima & Secunda ad se invicem reducendæ sint: servetur Major, & varietur Minor; id est, ponatur Contradictoria Conclusionis pro Minore, & Contradictoria Minoris pro Conclusionem Syllogismi Obliqui.

Si Prima & Tertia ad se invicem reducendæ sint: Servetur Minor, & varietur Major; id est, ponatur Contradictoria Conclusionis pro Majore, & Contradictoria Majoris pro Conclusionem Syllogismi Obliqui.

f Si Secunda & Tertia ad se invicem reducendæ sint: Neutra Præmissa locum suum servet, Neutra cum Conclusionem varietur. Sed in Reductione Secundæ ad Tertiam ponatur Minor pro Majore, Contradictoria Conclusionis pro Minore, & Contradictoria Majoris pro Conclusionem. Contrà, In Reductione Tertiæ ad Secundam, ponatur Contradictoria Conclusionis pro Majore, Major pro Minore, & Contradictoria Minoris pro Conclusionem.

g Usus hujus Reductionis Obliquæ.

Quælibet Quæstio eodem Argumento quo concluditur directe, dupliciter etiam concludi potest oblique: inferendo scilicet ex ejusdem Conclusionis Contradictoriâ aliquid Falsi, Absurdi, Impossibilis, nempe Contradictoriam (aut in *Darapti*, & *Felapton* Contrariam) alterius ex veris præmissis Syllogismi Directi.

Hinc

Cap. XXVIII. *Ad Absurdum vel Impossibile.* 201

Hinc sequetur Sententiam adversarii (id est, Contradictoriam Conclusionis nostræ) esse Falsam, Absurdam, Impossibilem; quia talis est ea, quæ ex illâ sequitur. Ex verâ enim falsa sequi non potest, Cap. 20. §. *Syllogismus*; & §. *Concessis*.

Atque hinc itidem sequetur, Nostram sententiam esse veram: quia Contradictoriæ non possunt esse simul falsæ. Cap. 2. §. *Contradictionis*; & Cap. 6. §. *Contradictoria*.

*b* Hic Obliquus ductus magis confundit & pudefacit adversarium, quàm *Directus*; utpote cogens eum palinodiam canere.

*i* Et, quò absurdior erit Conclusio Syllogismini Obliqui, eò melior est Argumentatio.

1 Cor. 15. 13, 14, 15, 16, 17, 18, 19.

Versiculi.

- a* *Conclusi Oppositum Præmissa sit una: sit al'tra Servata: Oppositum alterius Conclusio fiat.*
- b* *Præ notat Obliqui Majorem, Subque Minorem. Sufficit hoc, ut rite Modum unumquemque reducas.*
- c* *Pleniùs ut discas tum Quò tum Quomodo fiat: Ad reliquas binas traducas quamque Figuram. Sicque agnosce Modos quos ad quos ducere debes.*

Barbara, Baroco, Bocardo *mutua ducas:*  
*Mutua Celarent, & Festino, Disamisque.*  
*Mutha sic Darii, Camestres atque Ferison.*  
*Mutua sic Ferio cum Cesare cum Datifque.*

*Duc*

- Duc ad Celarent & Cesare rite Darapti :*  
*Sed Neutrum illorum ad Darapti rite reducas.*  
*Duc ad Camestres & Barbara rite Felapton:*  
*Sed Neutrum illorum ad Felapton rite reducas.*
- d *Hinc Modum eundem utrâque viâ ne duc ad eundem.*  
*Obtineat trahit ad primos Obliqua Secundos,*  
*At duo verba trahunt ternos Certare Tonanti.*
- e *Primam cum reliquis si ducas, Regula ita esto :*  
*Servet Majorem, varietque Secunda Minorem ;*  
*Tertia Majorem variet. servetque Minorem.*
- f *Sin reliquas inter se ducas, Regula ita esto :*

*Neutra locum servato suum præmissa reducta,*  
*Cum neutrà variet Conclusio ; Sed vice versâ,*  
*Pro Majore Secunda Minorem, proque Minore*  
*Tertia Majorem, Reliquum Conclusio mutet.*

- g *Oppositum absurdum probat esse absurda sequela.*  
*Oppositum falsum, Oppositum verum probat esse.*
- h *Coguntur qui vera negant, absurda fateri :*  
*Ut saltem hoc pudeat, si forsan non pudet illud.*
- i *Quò magis absurda est, magis est Conclusio cogens.*

## C A P. XXIX.

## De Syllogismo Singulari.

*a* SYLlogismus Singularis est, cujus ambæ Præmissæ sunt Singulares, Conclusio vel Particularis vel Singularis.

*b* Hic ex Conclusionem Particulari peculiaris est Tertiæ Figuræ, & Specialiter dicitur Expositorius,

*Exempli gratiâ.*

*Affirmatus.*     *Martialis est lascivus.*  
                       *Martialis est Poëta. Ergo,*  
                       *Aliquis Poëta est lascivus.*

*Negatus.*        *Virgilius non est lascivus.*  
                       *Virgilius est Poëta. Ergo,*  
                       *Aliquis Poëta non est lascivus.*

*c* Ex Conclusionem Singulari (adeoque omnibus Propositionibus Singularibus) fiunt Syllogismi Singulares in omnibus Figuris. *Ex. gr.*

*In Primâ Figurâ.*

*Affirmatus.*     *Pater Alexandri erat Rex Macedonum.*  
                       *Philippus erat Pater Alexandri. Ergo,*  
                       *Philippus erat Rex Macedonum.*

*Negatus.*

*Negatus.*     *Titius non est Sempronius.*  
                   *Hic est Titius. Ergo,*  
                   *Hic non est Sempronius.*

*In Secundâ Figurâ.*

*Negatus.*     *Cato Major non occidit seipsum.*  
                   *Cato Uticensis occidit seipsum. Ergo,*  
                   *Cato Uticensis non erat Cato Major.*

*Negatus.*     *Titius est vir bonus.*  
                   *Hic non est vir bonus. Ergo,*  
                   *Hic non est Titius.*

*In Tertiâ Figurâ.*

*Affirmatus.*     *Venus est Hesperus.*  
                   *Venus est Phosphorus. Ergo,*  
                   *Phosphorus est Hesperus.*

*Negatus.*     *Romulus non erat Numa.*  
                   *Romulus erat primus Rex Romanorum.*  
                   *Ergo,*  
                   *Primus Rex Romanorum non erat Numa.*

In Syllogismis Singularibus observandæ sunt omnes  
 Regulæ Syllogismorum Communium, tam generales,  
 Cap. 21. quàm speciales, Cap. 22, 23, 24. nisi quòd pro  
 Propositionibus Universalibus aut Particularibus po-  
 nantur Singulares.

Hinc,



## Cap. XXX. De Syllogismo Composito, &amp;c. 205

Hinc, Singulares Syllogismi eodem modo, quo Communes, tum formantur Cap. 26. tum reducuntur Cap. 27, 28.

Verficuli.

a Sing'lares sunt Præmissæ Majorque Minorque.

b Concludunt verò Sing'lare aut Particulare.

Illud habet quævis: hoc Tertia sola Figura.

## C A P. XXX.

## De Syllogismo Composito sive Hypothetico in genere.

**H**Actenus de Syllogismo Simplicem sive Categoricali.

a Syllogismus Compositus sive Hypotheticus est, cujus Major est Propositio Composita sive Hypothetica, Minor & Conclusio ex Majore transumptæ.

Hic igitur propriè dicitur Syllogismus κατὰ Μετάληψιν, per Transumptionem; ut Categoricalis κατὰ Πέραςληψιν, per Assumptionem.

b In hoc Major semper constat ex membris binis, aut ad bina reductis: quorum alterum Antecedens est, alterum Consequens.

c Con-

c Consequentia Majoris semper debet esse Affirmata, adeoque æquipollens Categoricæ Universalis. Qualis est Consequentia in Connexâ & Disjunctâ affirmatis, & in Copulatâ atque Discretâ negatis; ut supra Cap. 15, 16, 17. Et infra Cap. 31, 32, 33, 34, 35.

d In his per *Tollere* intelligimus *Contradicere*.

Verficuli.

- a *Composita est Major: Minor & Conclusio in illâ.*
- b *Major membra aut bina habet, aut ad bina reducta.*
- c *Hæc affirmanda est Majoris ubique sequela,  
Sen proprio vinc'lo affirmato, siue negato.*
- d *Tollere cum dico volo Contradicere in istis.*

## C A P. XXXI.

*De Syllogismo Connexo sive Conditionali, ejusque duobus Modis.*

**S**Yllogismus Compositus sive Hypotheticus triplex est, viz. *Connexus sive Conditionalis*, *Disjunctus*, & *Copulatus sive Discretus*.

*Connexus sive Conditionalis* est, qui majorem habens Conditionalem affirmatam, vel exposito Antecedente ponit Consequens, vel ex sublato Consequente tollit Antecedens.

*a* Hujus itaque duo sunt Modi :

Prior exposito Antecedente ponit Consequens ; id est, assumit Antecedens & concludit Consequens.

*Exempli gratia.*

Si homo est, animal est. At homo est. Ergo, Animal est.

Si homo est, brutum non est. At homo est. Ergo, Brutum non est.

Si Dies non est, Nox est. At Dies non est. Ergo, Nox est.

Si non vivit, non sentit. At non vivit. Ergo, Non sentit.

*Job. 7. 22, 23.*

Secundus Modus ex sublato Consequente tollit Antecedens ; id est, Assumit contradictorium Consequentis & concludit contradictorium Antecedentis.

*Exempli*

*Exempli gratia.*

Si omnis blandus est amicus, tum aliquis adulator est amicus. At nullus adulator est amicus. Ergo, Aliquis blandus non est amicus.

Item, Si omne animal est rationale, tum omne animal est homo. At aliquod animal non est homo. Ergo, Aliquod animal non est rationale.

Item, Si nullum animatum est animal, tum Nullum animatum sentit. At aliquod animatum sentit. Ergo, Aliquod animatum est animal.

Item, Si aliquis justus non est prudens, tum Aliquis justus non est vir bonus. At Omnis justus est vir bonus. Ergo Omnis justus est prudens.

*Psal.* 66. 18, 19, 20. *Job.* 8. 39, 40. 1 *Cor.* 7. 14. &c. 15. 13, ad finem ver. 20. *Gal.* 3. 18. 2 *Tim.* 2. 23, 24. *Heb.* 11. 5, 6.

*b* Primus Modus respondet primæ Figuræ Categoricorum : Secundus secundæ.

## Verficuli.

*a* Connexi duplex Modus est : nam & ponit & aufert.

*b* Prima refert Primum, atque Secunda Figura Secundum.

## C A P. XXXII.

*De Syllogismo Disiuncto ejusque unico Modo.*

*a* **S**Yllogismus Disiunctus est, qui Majorem habens Disiunctam affirmatam, ex alterutrâ parte sublata ponit alteram: id est, Assumit Contradictoriam unius partis & concludit alteram.

*Exempli gratia.*

Aut Dies est, aut Nox est. At Dies non est. Ergo, Nox est; vel, At Nox non est. Ergo, Dies est.

Item, Aut Fidelis est, aut Amicus non est (vel, Aut Amicus non est, aut fidelis est) At Amicus est. Ergo, Fidelis est; vel, At fidelis non est. Ergo, Amicus non est.

Item, Aut Amicus non est, Aut adulator non est. At Amicus est. Ergo, Adulator non est; vel, Adulator est. Ergo, Amicus non est.

*b* Similiter ex pluribus membris ad bina reductis; ut, Aut vincendum est, aut fugiendum, aut moriendum, aut serviendum: At non vincendum. Ergo, Aut fugiendum, aut moriendum, aut serviendum: vel, At non fugiendum, aut moriendum, aut serviendum. Ergo vincendum. Vel sic, Aut vincendum aut fugiendum est—— aut moriendum aut serviendum est. At non vincendum aut fugiendum. Ergo, Aut moriendum aut serviendum est; vel, At non moriendum aut serviendum est. Ergo, Aut vincendum aut fugiendum.

P

Sic

Sic iisdem membris quocunque alio modo transpositis aut divisis, & ad bina reductis.

*Cic. pro Rabirio* 95. b. Atqui videmus hæc in rerum naturâ tria fuisse, &c.

2 *Reg.* 7. 4. *Luc.* 16. 3, 4.

c Ponitur à *Ramo* & ejus Commentatoribus, item à *Keckermanno*, *Molinæo*, *Burgersdicio* & aliis, Secundus Modus Syllogismi Disjuncti: Qui scilicet ex alterâ parte Majoris positâ tollat alteram; id est, Qui assumat unam partem & concludat contradictoriam alterius.

*Exempli gratiâ.*

Aut Dies est, aut Nox est. At Dies est. Ergo, Nox non est; vel, At Nox est; Ergo, Dies non est.

Sed hic modus nititur iis suppositis, quæ jam antè refutata sunt, Cap. 11. §. *Ad veritatem*, &c. Et cap. 15. §. *Disjuncta*. Et cap. 16. §. *Connexa & Disjuncta*. Et cap. 17. per totum. Et ampliùs refutabuntur Cap. 33, 34, 35.

Neque necessariò & perpetuò concludit, sed solummodo ubi Membra disjuncta sunt inter se immediatè Opposita. Aliter concedi possunt Præmissæ, & tamen Conclusio negari.

*Exempli gratiâ.*

In illo *Terentiano Hecyr.* Act. 3. Sc. 1.

*Aut matrem aut uxorem in culpâ inveniam.*

Unde non potest sic assumi & concludi: At Matrem; Ergo, non Uxorem. Neque sic, At Uxorem; Ergo, non Matrem. Fortè enim, & quidem

dem probabiliter utramque in culpâ inventurus erat.

Vide *Rob. Sanderſon*, *Compend. Logic.* part. 3. cap. 9.

Et *Auguſtin. Hunnæum*, *Logic.* lib. 4. pag. 257. Edit. *Plantin.*

Hic autem Modus reduci poteſt ad eum qui ſolus à nobis ponitur; viz. mutando ambas partes Majoris in ſuas Contradictorias. [Aut Dies non eſt, aut Nox non eſt. At Dies eſt: Ergo, Nox non eſt. Vel, At Nox eſt: Ergo, Dies non eſt.]

Verſiculi.

- a *Alterutrum tollit Diſjunctus, ponat ut ali'rum.*
- b *Ex multis pariter membris ad bina reductis.*
- c *Hic ejus Modus unicus eſt: Namque iſte Secundus*  
*Eſt ſpurius, nullo cognato teſte probatus.*



## C A P. XXXIII.

*De Syllogismo Copulato sive Discreto, ejusque unico Modo.*

**S**Yllogismus Copulatus, sive Discretus, est; qui Majorem habens Copulatam sive Discretam negatam ex alterutrâ parte positâ tollit alteram; id est, Assumit unam partem, & concludit Contradictoriam alterius.

*Exempli gratiâ.*

Non & amicus est, & adulator est. At amicus est. Ergo, Adulator non est; vel, At adulator est. Ergo, Amicus non est.

Item, Non & amicus est, & fidelis non est; (vel, Non & fidelis non est, & amicus est.) At amicus est. Ergo, fidelis est; vel, At fidelis non est. Ergo, amicus non est.

Item, Non & sanus non est, & æger non est. At sanus non est. Ergo, æger est; vel, At æger non est. Ergo, Sanus est.

Similiter ex pluribus membris ad duo reducendis; ut, Non & Animal est, & homo non est, & brutum non est. At Animal est. Ergo, Non & homo non est, & brutum non est: vel, At homo non est, & brutum non est. Ergo, Animal non est.

Vide

Vide Cap. 35. §. Non & Omne animal vivit, & Omnis homo est animal, & tamen Aliquis homo non vivit. At Omne animal vivit, & Omnis homo est animal. Ergo, Omnis homo vivit.

*b* Nequaquam autem datur Secundus Modus Syllogismi Copulati, qui scilicet ex alterâ parte sublata ponat alteram; id est, qui assumat Contradictoriam unius partis & concludat alteram. Ut, Non potest sic concludi, Non & album & nigrum est. At Album non est. Ergo, Nigrum est: vel, At nigrum non est. Ergo, Album est.

*c* Neque verò illi ipsi Autores, qui contendunt pro Secundo modo Disjuncti, recipiunt Secundum Modum Copulati: quanquam eadem est utrobique ratio.

*d* Hinc liquidò apparet, Propositionem Disjunctam affirmatam & Copulatam negatam, (ex iisdem partibus) non æquipollere; cum non eodem modo ex hac atque ex illâ concludatur. Ex Contradictoriis autem partibus æquipollent (ut ostensum Cap. 16.) adeoque idem concludunt.

### Verficuli.

- a* Alterutrum ponit Discretus, tollat ut ali'rum.
- b* Hic ejus Modus unicus est, atque esse putatur.
- c* Nemo etenim se jactitat invenisse Secundum :  
Cum tamen hic æquè ac in præcedente liceret.
- d* Non ergo æquivalent, ut idem concludere possint,  
Affirmata hæc, illa negata, ex partibus iisdem.  
Attamen æquivalent, & idem concludere possunt,  
Si fuerint etiam Contradictoria membra.

## C A P. XXXIV.

*De Reductione Syllogismorum Hypotheticorum ad se invicem.*

**Q**Uivis Syllogismus Hypotheticus ad quemvis alium reduci potest, mutando Majores inter se (ut docetur Cap. 16.) Minoribus & Conclusionibus iisdem remanentibus.

*b* Quâ ratione omnes se invicem agnoscunt & probant esse legitimos, illegitimosque improbant ac repudiant.

*Exempli gratia.*

Connexus primus; Si homo est, animal est. At homo est. Ergo, Animal est.

Connexus secundus; Si Animal non est, homo non est. At homo est. Ergo, Animal est.

Disjunctus; Aut homo non est, aut animal est; (vel, Aut animal est, aut homo non est.) At homo est. Ergo, Animal est.

Copulatus sive Discretus; Non & homo est, & Animal non est; (vel, Non & Animal non est, & homo est.) At homo est. Ergo, Animal est.

Ex nulla autem harum Majorum (sunt enim omnes Æquipollentes, Cap. 16.) assumi & concludi potest; At Animal est. Ergo, Homo est; vel (quod idem est) At Homo non est. Ergo, Animal non est.

e Hinc igitur refellitur Secundus Modus tum Disjuncti tum Copulati, æque ac Tertius & Quartus Modus Connexi. Omnium enim una eademque ratio est.

Verficuli.

a *Muta Majores, reliquis remanentibus iisdem.*

b *Compositi sic se agnoscuntque probantque vicissim:*

c *Falsosque omnes aspernantur, rejiciuntque;*

d *Tertium ut, & Quartum Connexi, iridemque Secundos*

*Disjuncti & Discreti. Etenim ratio omnibus una.*

## CAP. XXXV.

De Reductione Syllogismorum Categoricorum  
ad Hypotheticos, & contrā.

**Q**uanquam Syllogismus Categoricus (ut dictum est Cap. 21) omni ratione perfectior est quovis Syllogismo Hypothetico : tamen quia Syllogismus aliā atq; aliā formā propositus, rem magis illustrat atq; confirmat; & quia ejusmodi variatio celat artem (cujus ostentatio in familiaribus congressibus & popularibus dissertationibus inepta atque ingrata est) et denique quia varietas ipsa per se grata est, utpote tollens satietatem, quæ ex perpetuâ similitudine oritur; ideo non abs re erit ostendere, quo pacto quilibet Syllogismus Categoricus ad quemlibet Hypotheticum reduci possit.

Reducitur autem vel imperfecte, id est, ex alterâ tantum præmissâ; vel perfecte, id est, ex utraque.

*a* Utroque modo fiat, Syllogismi Categorici præmissa (altera vel utraque) erit Minor Syllogismi Hypothetici, Conclusio eadem.

*b* Major autem variabitur pro variis Hypothetici Speciebus, ut vidimus in Capite præcedente; viz.

**C A P.**  
In Connexo primo; Si Categorici Præmissa (altera vel utraque) tum Conclusio.

In Connexo secundo; Si Contradictorium Conclusionis: tum Contradictorium Præmissæ.

In

Cap. XXXV. *Categoricorum ad Hypotheticos, Sc. 217*

In disjuncto ; Aut Conclusio aut Contradictorium Præmissæ (vel, Aut Contradictorium Præmissæ, aut Conclusio.)

In Copulato sive Discreto ; Non & Contradictorium Conclusionis & Præmissa ; vel, Non & Præmissa & Contradictorium Conclusionis.

Sit unum Exemplum pro omnibus Figuris & Modis ; nempe Syllogismus in *Barbara*. [Omne animal vivit. Omnis homo est animal. Ergo, Omnis homo vivit] Reducitur ad singulos Modos Syllogismorum Hypotheticorum tripliciter : viz. Ex Majore tantum, ex Minore tantum, & Ex utraque simul.

I. *Ex Majore tantum.*

Ad Connexum primum. Si Omne animal vivit, tum Omnis homo vivit. At Omne animal vivit. Ergo, Omnis homo vivit.

Ad Connexum secundum ; Si Aliquis homo non vivit, tum Aliquod animal non vivit. At Omne animal vivit. Ergo, Omnis homo vivit.

Ad Disjunctum ; Aut Omnis homo vivit, aut aliquod animal non vivit ; (vel, Aut aliquod animal non vivit, aut Omnis homo vivit) At Omne animal vivit, Ergo, Omnis homo vivit.

Ad Copulatum, sive Discretum ; Non & Omne animal vivit, & tamen Aliquis homo non vivit. (vel Non & Aliquis homo non vivit, & tamen Omne animal vivit). At Omne animal vivit. Ergo, Omnis homo vivit.

II. *Ex Minore tantum.*

Ad Connexum primum ; Si Omnis homo est animal, tum Omnis homo vivit. At Omnis homo est animal. Ergo Omnis homo vivit.

Ad Connexum secundum ; Si Aliquis homo non vivit, tum Aliquis homo non est animal. At omnis homo est animal. Ergo, omnis homo vivit.

Ad Disjunctum ; Aut aliquis homo non est animal, aut Omnis homo vivit. (vel, Aut Omnis homo vivit, aut Aliquis homo non est animal.) At Omnis homo est animal. Ergo, Omnis homo vivit.

Ad Copulatum, five Discretum ; Non & Omnis homo est animal, & tamen aliquis homo non vivit. (vel, Non & Aliquis homo non vivit, & tamen Omnis homo est animal.) At Omnis homo est animal. Ergo, Omnis Homo vivit.

III. *Ex utraque Premissa.*

Ad Connexum primum : Si Omne animal vivit, & Omnis homo est animal : tum, Omnis homo vivit. At Omne animal vivit, & Omnis homo est animal. Ergo, Omnis homo vivit.

Ad Connexum secundum ; Si Aliquis homo non vivit, tum Aut aliquod animal non vivit, aut Aliquis homo non est animal. At Omne animal vivit, & Omnis homo est animal. Ergo, Omnis homo vivit.

Ad Disjunctum ; Aut Omnis homo vivit, aut Aliquod animal non vivit, aut Aliquis homo non est animal. At Omne animal vivit, & Omnis homo est animal. Ergo, Omnis homo vivit.

Ad



ib. II.  
Cap. XXXV. *Categoricorum ad Hypotheticos, &c. 219*

Ad Copulatum sive Discretum; Non & Omne animal vivit, & Omnis homo est animal, & tamen Aliquis homo non vivit. At Omne animal vivit, & Omnis homo est animal. Ergo, Omnis homo vivit.

Similiter quivis alius Syllogismus Categoricalis cujuscunque Figuræ aut Modi duodecim viis reduci potest ad Syllogismos hypotheticos: id est, ad unumquemque ex quatuor Modis Hypotheticorum tripliciter. Exemplum petantur ex Cap. 22, 23, 24.

Mutari etiam possunt singulæ Propositiones Syllogismi Categoricalis in ipsarum vicarias Hypotheticas, ut docetur Cap. 17.

*Exempli gratia.*

In dato Syllogismo. Si Animal est, vivit. Si homo est, animal est. Ergo, si homo est, vivit.

Item, Aut Animal non est, aut vivit. Aut homo non est, aut Animal est. Ergo, Aut homo non est, aut vivit.

Item, Non & animal est, & non vivit. Non & homo est, & animal non est. Ergo, Non & homo est, & non vivit.

Partibus hoc modo mutatis, Toti Syllogismi, licet constantes ex singulis Propositionibus Hypotheticis, habent vim & formam Syllogismorum Categoricalium, & tales omnino censendi sunt: Quia procedunt non κατὰ μεταλήψιν, transumendo Minorem ex Majore, ut in Syllogismis Hypotheticis; sed κατὰ Πέραςληψιν, assumendo Minorem ad Majorem, ut in Syllogismis Categoricalis.

Idem

Idem judicandum est de Syllogismis, quorum Majores sunt Propositiones Relativæ, ad quas subsumuntur sive assumuntur Minores, & inde Conclusiones colliguntur.

*Exempli gratia.*

Quales in Republicâ Principes sunt, tales sunt reliqui Cives. At in hac vel illâ Republicâ Principes sunt boni. Ergo, Reliqui Cives sunt boni; vel, Principes sunt mali. Ergo etiam, reliqui Cives sunt mali.

Item, Qualis Arbor, talis fructus. At Arbor bona est. Ergo, fructus sunt boni; vel, Arbor mala est. Ergo, fructus mali.

Item, Quantum quisque nummorum habet, tantum habet fidei: At hic vel ille homo multum (aut parum) habet nummorum. Ergo multum (vel parum) fidei.

Item, Ubi Thesaurus cujusque est, ibi est cor ejus. At Thesaurus fidelium in cœlo est. Ergo, Corda eorum in cœlo sunt; vel, Thesaurus infidelium in terra est. Ergo etiam, Corda eorum in terrâ sunt.

Item, Quoties dicimus, toties de nobis judicatur. At sæpè (vel rarò) dicimus. Ergo, sæpè (vel rarò) de nobis judicatur.

Quemadmodum autem Syllogismi Categorici reducuntur ad Hypotheticos, ita etiam Hypothesici ad Categoricos; quando Propositiones Hypotheticæ mutari possunt in Categoricas. Vide Cap. 17.

Verficuli.

- a *Simplicis alterutram fac, aut utramque, Minorem  
Compositi, amborumque eadem Conclusio fiat.*
- b *Major diversa esto ex diversis speciebus.*
- 

C A P. XXXVI.

*De Imperfectis formis Argumentationum.*

est.  
go,  
n-  
ut  
a-  
s.  
a  
a

a *P*Ræter Syllogismum adduntur à Dialecticis aliæ  
etiam formæ Argumentationum. Quarum so-  
lenniiores, & quæ nomen aliquod obtinuerunt,  
septem sunt: viz. *Enthymema, Syllogismus Rhetoricus,*  
*Inductio, Exemplum, Sorites, Dilemma, Bisio.*

b *Hæ autem omnes sunt vel Crypsæ Syllogismorum,*  
*vel specialia capita Argumentorum, non nova genera*  
*Argumentationum.*

c *Singulæ autem specialem & frequentem usum*  
*habent: ideoque eas non omittendas esse putavi-*  
*mus.*

Verficuli.

## Versiculi.

- a Septem alias formas Argumentatio habere  
Dicitur : Enthymema, & Rhetoricum, atque Epagogen,  
Atque Exemplum, Soriten, Dilemma, Biaion.
- b Quarum quæque aut Crypsis tantum est, aut Speciale  
Argumentum, haud Argumentandi nova forma.
- c Nec tamen harum cujusquam non est suus usus.
- 

## C A P. XXXVII.

## De Enthymemate.

**H**Oc, ex dictis Septem, primo loco ponimus : quia  
hujus usus est in reliquis omnibus.

a *Enthymema* (ut vox nunc communiter accipitur à  
Dialecticis) est imperfectus Syllogismus, ex alterâ tan-  
tùm Præmissâ Quætionem concludens.

*Exempli gratiâ.*

Omne animal vivit. Ergo, Omnis homo vivit ;  
vel,

Omnis homo est animal. Ergo, Omnis homo vi-  
vit.

Partes ejus duæ sunt : Antecedens sive Præmissa, &  
Consequens sive Conclusio.

b Cate-

b Categorici Syllogismi quæ Præmissa adfit, quæ de-  
fit, ex collatione Præmissæ cum Conclusionē inno-  
telcit.

Si enim in Præmissâ inveniatur Prædicatum Conclu-  
sionis, illa Præmissa est Major & deest Minor : Si au-  
tem Subjectum, illa Præmissa est Minor & deest Major ;  
ut supra docetur Cap. 21. §. *Prædicatum Quæstio-  
nis.*

c Hypothetici Syllogismi plerunque deest Major : in  
quâ eadem consequentia repetitur, quæ est in ipso *En-  
thymemate* ; ut.

Dies est. Ergo, Nox non est. Deest Major : quæ  
ita supplenda est Cap. 35. §. *Utrocunque.*

In Connexo primo, Si Dies est, Nox non est.

In connexo secundo, Si Nox est, dies non est.

In Disjuncto, Aut Dies non est, aut Nox non est ;  
vel,

\* Aut Nox non est, aut Dies non est.

In Copulato sive Discreto, Non & dies est, & Nox  
est ; vel,

Non & Nox est, & Dies est.

d Aliquando Partes invertuntur, & Argumentum sub-  
jicitur Quæstioni ; Universali pro ratione, particulari  
vel pro ratione vel pro Exemplo.

*Exempli gratiâ.*

*Universali:*

Omnis homo vivit ; quia. Omne animal vivit : vel,  
Omnis homo vivit ; quia Omnis homo est animal.

*Parti-*

## Particulari.

Aliquis locuples eget ; quia Omnis, qui cupit, eget :  
 vel,  
 Aliquis locuples eget ; quia Aliquis locuples cupit :  
 vel,  
 Aliquis locupleseget ; ut, qui cupit.

Itaque Syllogismus contractus (ut vocatur) five ex Tertiâ Figurâ, five ex Primâ vel Secundâ, & five Particularis five Universalis sit, nihil aliud est, nisi *Enthymema* inversum, adeoque Syllogismus imperfectus. Imperfectus autem Syllogismus non est Syllogismus, nisi fiat Explicatus : sicut neque Explicatus erit Syllogismus, si fiat Contractus. Syllogismus enim ab *Aristotele* rectè definitur, *Prior.* lib. I. cap. I. Qui nullâ aliâ re eget, præter ea quæ sumpta sunt, quo concludendi necessitas appareat. Omnis autem Syllogismus contractus aliquâ aliâ re eget, nempe eâ Propositione quæ deest.

e Reductio Obliqua, five Ad absurdum vel impossibile, (cap. 28) compendiosè & perspicuè fit per *Enthymema* : viz. inferendo Contradictorium alterutrius Præmissæ ex Contradictorio Conclusionis.

## Exempli gratiâ.

Aliquis homo (inquis tu) non vivit. Ergo, aliquod animal non vivit. Quod absurdum ; vel,  
 Aliquis homo (inquis tu) non vivit. Ergo, Aliquod animal non vivit. Quod absurdum.

f Com.

f Completur autem Syllogismus, addendo pro ratione consequentiæ, Propositionem quæ omiſſa erat : viz. in priore [Quia Omnis homo est animal ;] In posteriore [Quia Omne animal vivit.]

Verficuli.

- a Præmiſſa tantum breviter concludit ab una
- 1 Enthymema. At nil etiam concludit ab illâ,  
Si non addatur concedaturque quod abſit :
- b Nempe in Simplicibus, ſeu Major ſive Minor ſit ;  
Deerit ut Extremum alterutrum, Majusve Minusve.
- c Aſt in Compoſitis, Major plerunque deeſſe  
Noſcitur : in quâ eſt argumenti tota ſequela.
- d Partes inverti, Argumentum ſubjiciendo.
- e Contradicendo Oblique Enthymema reducit.
- f Suppletur defectus, omiſſam ſubjiciendo.

Q

CAP.



## CAP. XXXVII.

## De Syllogismo Rhetorico.

**S**yllogismus, qui vocatur *Rhetoricus*, est Syllogismus cum uno aut pluribus *Prosyllogismis*.  
*Prosyllogismus* est, qui principali Syllogismo inter-  
 vit ad probandum ejus Majorem vel Minorem: sed  
 proponitur forma *Enthymematica*.

*Exempli gratia.*

Omnis virtus consistit in mediocritate: sicut vitia in excessu aut defectu. At *Justitia* est virtus. Ergo, *Justitia* consistit in mediocritate.

Hic Major probatur ab Oppositis, vel à simili ratione Oppositorum ad Opposita.

Item, Omnis virtus consistit in mediocritate. At *Justitia* est virtus: ut omnes fatentur. Ergo, *Justitia* consistit in mediocritate.

Hic Minor probatur à Testimonio communi.

Item ambobus *Prosyllogismis* conjunctis; Omnis virtus consistit in mediocritate: sicut vitia in excessu aut defectu. At *Justitia* est virtus: ut omnes fatentur. Ergo, *Justitia* consistit in mediocritate.

Vide *Ciceronem*, De *Inventione*, 53, 54. & *Quintilian.* lib. 5. Cap. 14.

*Job.* 8. 39, 40.

*b* Huc pertinet, cum loco Assumptionis vel Conclusionis assumitur vel concluditur aliquid aliud, ex quo sequitur id quod assumendum vel concludendum erat. Ut, Id quod plus est, pro eo quod minus est, Universale pro Particulari, quodvis aliud Oppositum pro Contradictorio, &c.

Sic *Chremes Terent. Eunuch. Act. 3. Sc. 3.* probat, *Thaidem* non esse sororem suam. Ea (id est, soror mea) si vivit, annos nata est sedecim, non major: *Thais*, ego quàm sum, majuscula est. Quod plus est, quàm si dixisset [*Major est, quàm annos nata sedecim.*]

Similiter probatur, Honorem non esse summum bonum. Summum bonum expetitur propter se. Honor expetitur propter aliud; id est, propter opinionem virtutis. Ergo, Honor est subordinatum & inferius bonum.

Item, Summum bonum est proprium ejus, qui illud possidet. Honor est alienum bonum; id est, Honorantis, non honorati. Ergo.

Item, Summum bonum difficulter auferitur, & non nisi propriâ cujusque culpâ. At honor facillimè auferitur; utpote pendens ex opinione & voluntate inconstantis vulgi. Ergo, longè abest à summo bono.

*c* Hæc Argumentatio aliquando longius progreditur, alia Argumenta aliis accumulans, vel subordinata, vel coordinata.

*Exempli gratia.*

Avarum non esse virum bonum sic probatur.

Vir bonus est *emundus*, de jure suo aliquid remittit ; & de bonis suis non tantum sibi & suis, sed & aliis benefacit, pronus ad dandum & erogandum, potius quam ad accipiendum, etiam ubi justè posset accipere. Avarus autem non solum sui tenax ac parcus est, nihil aliis impertiens, sed ne aliis quidem tribuit quod ipsorum est, aliena autem per vim & fraudem rapit, adeoque ne justus quidem est, nedum vir bonus. Quinimò ne suis quidem ipse bonis utitur, neque sibi ipsi quæ ad victum & vestitum necessaria sunt, supeditat; sed ut *Horatius* ait,

—— Nescius uti

*Compositis, metuensque velut contingere sacrum.*

Qui autem sibi nequam est, cui bonus erit? *Sirac.*  
145.

#### Verficuli.

- a Rhetoricus confirmat Majorem atque Minorem.
- b Confirmans pro Confirmato dans aliquando.
- c Nonnunquam accumulans rationem aliâ ratione.

## C A P. XXXIX.

## De Inductione sive Epagoge.

- a* **I**nductio est Argumentatio ab omnibus partibus  
ad totum.  
*b* Estque vel à Membris ad Integrum, vel à Speciebus  
ad genus.  
*c* Utraque etiam est vel Affirmativa vel Negativa.

*Exempli gratia.*

## I. A Membris ad Integrum.

*Affirmativa*; Plebs, Equester ordo, Senatus, optimè  
de Milone sentiunt. Ergo Totus populus Romanus op-  
timè de Milone sentit.

*Negativa*; Cic. pro Flacco. 159. b. Phrygia, Mysia,  
Caria, Lydia, nullius sunt autoritatis. Ergo, Tota Asia  
est nullius autoritatis.

## II. A Speciebus ad Genus.

*Affirmativa*. Cic. de Or. 151, 152. Visus, Auditus,  
Olfactus, Gustus, Tactus, citò fastidiunt ea, quibus  
maximè delectantur. Ergo Omnes sensus, &c. Rom.  
13. 8, 9.

*Negativa*. Arist. Physic. lib. 4. Cap. 8. In Vacuo non  
potest fieri motus naturalis, neque motus præter aut con-  
tra naturam. Ergo, Nullus motus potest fieri in  
Vacuo.

Q 3

Si

d Si non possunt omnes partes (five Membra five Species) enumerari: enumerentur aliquammultæ, & addatur hæc clausula, [*Nec in cæteris contrarium est videre.*] Quam si neget adversarius, oportet eum (si candidè agere velit) dare instantiam five exemplum in contrarium.

Dissolvitur Inductio, si contra vel unam aliquam partem ejus excipi potest, five ex iis quæ exprimuntur, five ex iis quæ non exprimuntur.

Inductio proponitur formâ Enthymematicâ. Argumentum, five Antecedens, vel Præmissa, est Enumeratio partium: Consequens five Conclusio, est Totum ex iis collectum.

Compleri potest in Syllogismum, ut docetur Cap. 37.

#### Verficuli.

- a Totum Epagoge ex sumptis partibus omnibus infert;
- b Integrum nempe ex Membris, Genus ex Speciebus.
- c Utraque fit nunc affirmando, nuncquæ negando,
- d Si non possunt omnes partes enumerari:  
Pro reliquis aliquammultæ tunc enumerentur.

## CAP. XL.

## De Exemplo.

**E**xemplum est Argumentum vel à Singulari ad Particulare, vel ab uno Singulari ad aliud Simile.

Proponitur in formâ Enthymematicâ. Argumentum sive Antecedens, est Singulare: Consequens, sive Conclusio, est vel Particulare, vel aliud Singulare Simile.

*Exempli gratiâ.*I. *A Singulari ad Particulare.*

*Cæsar* pepercit *Ciceroni* inimico suo. Ergo, *Victor* aliquando parcat inimicis suis bello superstitibus.

Hoc nihil aliud est, nisi Syllogismus Expositorius contractus ad Enthymema, Cap. 29. §. *Hujusmodi*, & Cap. 37.

Ut explicetur sive compleatur in Syllogismum, addenda est Minor [*Cæsar* erat *Victor*, *Cicero* erat inimicus bello superstitibus.]

II. *Ab uno Singulari ad aliud Simile.*

*Cæsar* pepercit *Ciceroni* inimico suo. Ergo, Pepercisset etiam *Catoni* inimico suo.

Hic Similitudo est causa consequentiz.

*Deut* 7.18. *Jos.* 22.20. *Judic.* 11.24,25. *Jer.* 7.12, 13,14. *Nabum* 3.8. *Mat.* 12.3,5.

*b* Fortius arguit *Exemplum*, si sit non solum Simile, sed etiam Par, Majus, Minus: ut, Si *Cæsar* æquè aut etiam magis infensus fuerit *Ciceroni* quàm *Catoni*, vel si pares tantum aut etiam minores rationes habuisset parcendi *Ciceroni*, quàm *Catoni*. Vide lib. 1. Cap. 19.

2 *Sam.* 4.10,11. 2 *Chron.* 16.8. *Neb.* 13.26.

Si plura *Exempla* ejusdem generis afferantur, eò propius accedit hæc Argumentatio ad Inductionem: Adeò ut eam *Cicero* appellet Inductionem. *Topic.* 224.

*Mat.* 12.3,4,5. & ver. 41,42. *Luc.* 14.28, &c. & 15. per totum, & 17.26, &c. *Act.* 5.36,37. 1 *Cor.* 10.6, &c. *Hebr.* 11. per totum. *Judæ* ver. 5,6,7.

Si reliqua omnia *Exempla* ejusdem generis afferantur, præter id, quod in Quæstione versatur: Argumentatio valde probabilis est.

#### *Exempli gratiâ.*

Auditus, Olfactus, Gustus, Tactus, (id est, reliqui omnes Sensus, præter Visum) fiunt intromittendo: Ergo etiam visus eodem modo fit.

Sed ne sic quidem concludit universaliter aut necessario, ut Inductio.



c Dissolvitur Exemplum secundi generis, ostensâ diffimilitudine inter id quod infertur, & ea ex quibus infertur.

*Exempli gratiâ.*

Si sic arguatur; Animæ omnium animantium, præterquam hominis, sunt mortales: Ergo etiam Anima hominis est mortalis.

*Resp.* Non sequitur: Quia diffimilis ratio est animæ humanæ, & animarum reliquorum animantium. Longè enim altior & diviniore est illius, quàm harum natura & origo.

Sic *Isa.* 37. Exempla, quæ afferuntur à Rege *Affyrriorum*, ver. 12, 13. refutantur ab *Ezechia* ver. 18, 19.

Verficuli.

- a Exemplum ex Sing'leri infert vel Particulare;  
Vel Simile ex Simili, exque Pari Par, Impari & Impar.
- b Quòd plura exempla adducis plus roboris affers,  
Si similis ratio est; & plus si Pærve vel Impar.
- c Verùm si similis ratio non sit, nihil affers.

## C A P. XLI.

## De Sorite.

**S**orites est concervata series Antecedentium & Consequentium, ultimum tandem cum primo connectens.

**E**jus duo sunt Modi.

Primus (qui & solus ab aliis ponitur) est, quo Consequens Propositionis Præcedentis fit Antecedens Propositionis sequentis, atque ita tandem ultimum Consequens cum primo Antecedente connectitur.

Ratio est, quia Consequens Consequentis est Consequens Antecedentis.

*Exempli gratia.*

Omnis homo est animal. Et,  
 Omne animal est animatum. Et,  
 Omne animatum est corpus. Et,  
 Omne corpus est substantia. Ergo,  
 Omnis homo est substantia.

Secundus modus est, quo Antecedens Propositionis Præcedentis fit Consequens Propositionis sequentis, atque ita tandem primum Consequens cum ultimo Antecedente connectitur.

Ratio est, quia Antecedens Antecedentis est Antecedens Consequentis.

*Exemplis*

*Exempli gratiâ.*

Omne corpus est substantia. Et,  
 Omne animatum est corpus. Et,  
 Omne animal est animatum. Et,  
 Omnis homo est animal. Ergo,  
 Omnis homo est substantia.

Utroque modo principalis Conclusio est eadem,  
 Media omnia eadem, Propositiones omnes eadem,  
 sed diverso ordine collocatæ.

Utrobique tot sunt integri Syllogismi, quot sunt  
 Media; id est, tres in his Exemplis, quia tria Media,  
 viz. Corpus, Animatum, Animal.

c Duplex etiam est *Sorites Enthymematum*: Unus ex  
 eodem Antecedente, alter ex eodem Consequente.  
 Et in utroque duplex est processus, viz. A Principiis  
 ad Conclusionem, & à Conclusionibus ad Principia.

*Exempli gratiâ.*

I. *Ex eodem Antecedente.*

A Principiis ad Conclusiones.

Omnis homo est animal. Ergo,  
 Omnis homo est animatum. Ergo,  
 Omnis homo est corpus. Ergo,  
 Omnis homo est substantia.

A

## A Conclusionibus ad Principia.

Omnis homo est substantia. Quia,  
 Omnis homo est corpus. Quia,  
 Omnis homo est animatum. Quia,  
 Omnis homo est animal.

## II. Ex eodem Consequente.

## A Principiis ad Conclusiones.

Omne corpus est substantia. Ergo,  
 Omne animatum est substantia. Ergo,  
 Omne animal est substantia. Ergo,  
 Omnis homo est substantia.

## A Conclusionibus ad Principia.

Omnis homo est substantia. Quia,  
 Omne animal est substantia. Quia,  
 Omne animatum est substantia. Quia,  
 Omne corpus est substantia.

Quot sunt Enthymemata (adeoque quot sunt Media)  
 tot sunt integri Syllogismi : Quorum unus est Prin-  
 cipalis Syllogismus, reliqui Profyllogismi.

Propositiones hinc possunt esse vel affirmatae vel ne-  
 gatae.

Qui noverit Syllogismum componere, datis Quaesti-  
 one & Medio (cap. 26.) vel Enthymema complere in  
 Syllogismum (Cap. 37.) facile noverit Soriten in Prin-  
 cipalem Syllogismum, & Profyllogismos distinguere,  
 idque varié.

Ufus

*Ufus Soritæ.*

d Per hunc celerrimè discurri potest vel à Principio ad finem, vel à fine ad Principium cujusvis Argumentationis; ex quocunque Prosyllogismis sive novis Mediis constiterit. Et in quacunque ejus parte adversarius hæserit aut titubaverit, statim arripì potest, & uno quasi spiritu, uno quasi momento, transferri vel ad ultimam Conclusionem (id est principalem Quæstionem) progrediendo, vel ad primum principium (id est, primum Argumentum) regrediendo.

e Et quidem utroque ductu; Directo sive Ostensivo, & Obliquo sive Ad absurdum vel impossibile.

Vide Cap. 44. §. 5. *Si Respondens.*

Rom. 8. 29, 30. & 10. 14, 15. 1 Cor. 15. 13, 14, 15. & ver. 16, 17, 18, 19.

Eclipsis Solis quæ erat in Passione Christi, probatur esse miraculosa, adeoque testimonium Deitatis Christi.

Eclipsis illa erat prope Pascha *Judæorum.*

Ergo prope Plenilunium.

Ergo non prope Novilunium.

Ergo non per interpositionem Lunæ inter solem & terram.

Ergo non ex ordinariâ naturali causâ.

Ergo erat miraculosa, & testimonium Deitatis Christi.

Verficuli.

## Versiculi.

a *Primum per Media, Extremo conjungit Acervus.*

b *Atque id dupliciter, sensum at recidendo in eundem.*

c *Enthymematicus Sorites est quoque duplex.*

d *Hinc inde ad summum subito discurret & imum :*

e *Seu rectus, sive Obliquus sit ductus in illo.*

## C A P. XLII.

## De Dilemmate.

a **D**ilemma est Argumentatio utrinque adversari-  
um capiens.

b In hoc, Disjunctio vel expresse vel implicite præmit-  
titur, & optio datur adversario eligendi utram partem  
velit : utramcunque autem elegerit, inde nostra sen-  
tentia confirmatur, illius refutatur.

## Exempla.

*Plutarch. de Vitanda usura. Habes ? Ne fœnerere,*  
*(id est, Ne fœnori accipias) quia non indiges. Non*  
*habes ? Ne fœnerere, quia satisfacere non potes.*

*Chremes*

*Chremes Teren. Heautont. Act. 1. Sc. 1.*

*Vel me monere hoc, vel percunctari puta.*

*Rectum est? Ego ut faciam: Non est? Te ut dicerem.*

*Antipho Teren. Phorm. Act. 5. Sc. 4.*

*Ego nullo possum remedio me exolvere ex his turbis.*

*Quin, si hoc celetur, in metu; Si patefit, in probro siem.*

*Boëtius de Consol. lib. 4. probat, Neminem odio habendum. Bonos enim diligendos esse, malos miserandos.*

*Epictet. Cap. 3. Erit tibi aliquis praelatus in convivio? &c. Si quidem bona ista sunt gratulari debes ei, cui contigerunt: Sin mala, ne doleas te in ea non incidisse.*

*Idem Cap. 57. Nihil clam facito. Nam si perperam facis, rem ipsam fugito: Sin rectè, quid eos vereris, qui non rectè reprehendunt?*

*Seneca Trag. Hippolyt. ver. 1179.*

*— Morerè:*

*Si casta es, viro; Si incesta, amori.*

*Plin. lib. 1. Epist. 23. probat Tribunum Plebis causas agere non debere. Quia convitia fortè multa auditurus est: Quæ si inulta pateretur, iners; si ulcisceretur, insolens videretur.*



*Cato* apud *Sallustium*, contra *Cæsaris* sententiam de distribuendis Conjuratoribus in municipia. Vanum, inquit, est hoc consilium, si periculum ex iis metuit: Sin in tanto omnium metu solus non timet, eò magis refert me mihi & vobis timere.

*Cicero* hoc genere Argumentandi frequentissimè utitur.

Pro *Quinctio* 15. a. Utrumlibet elige: Alterum incredibile est, alterum nefarium, & ante hoc tempus utrumque inauditum, &c. Si illud diceres, improbè mentiri viderere: cum hoc confiteris, id te admisisse concedis, quod ne mendacio quidem tegere possis.

Idem pro *Qu. Roscio* 46. Utrum cætera nomina in Codicem accepti & expensi digesta habes, an non? Si non, quomodo tabulas conficis? Si etiam, quomodo cum cætera nomina in ordinem referebas, hoc nomen triennio amplius, (quod erat imprimis magnum) inadversariis relinquebas?

Et ibid. 49. a. Num Tabulas habet, annon? Si non habet, quemadmodum pactio est? Si habet, cur non nominas?

Et ibid. 53. b. Quæro, potueritne *Roscio* ex Societate suam partem petere, an non? Si non potuit, quemadmodum abstulit? Si potuit, quemadmodum non sibi exegit? Nam quod sibi petitur, certè non alii exitur.

Et ibid. 59. a. Cum de sua parte *Roscio* transegit cum *Flavio*, actionem tibi tuam reliquit, an non? Si non reliquit, quemadmodum H. S. CCCIooo ab eo postea exegisti? Si reliquit, quid ab hoc petis, quod per te petere ac persequi debes?

Idem

Idem pro *Cluentio* 28. a. Tum verò ita sum perturbatus, ut omnia timerem. Si nihil dixissem, ne infantissimus: Si multa in ejusmodi causâ dixissem, ne impudentissimus existimarer.

Et ibid. 45. Sed tu, *Atti*, consideres, confesso, diligenter, utrum Censorium judicium grave esse velis, an *Egnatii*? Si *Egnatii*, leve est, quod Censores de cæteris subscripserunt: Ipsum enim *Egnatium*, quem tu gravem esse vis, e Senatu ejecerunt. Sin autem Censorium: hunc *Egnatium*, quem pater Censoriâ subscriptione exheredavit, Censores in Senatu, cum Patrem ejicerent, retinuerunt.

Idem in *Ver.* 29. b. Utrum hoc tantum crimen prætermittes, an objicies? Si objicies: idemne alteri crimini dabis, quod eodem tempore in eadem Provinciâ tu ipse fecisti? An audebis ita accusare alterum, ut quò minùs tute condemnare, recusare non possis? Si prætermittes: qualis est ista tua accusatio, quæ domestici periculi metu, certissimi & maximi criminis non modò suspicionem, verùm etiam mentionem ipsam pertimescat?

Et ibid. 139. a. Si honoris causâ statuum dederunt, inimici non sunt, credamus testibus: Sin metu coacti dederunt, confitearè necesse est, te in Provinciâ pecuniam statuarum nomine per vim & metum coëgisse. Utrum tibi commodum est, elige.

Et ibid. 194. a. Quod præterea *Verres* imperat, id, si facere non possunt, recusent. Sin possunt: Populi *Romani* potiùs hoc sit vectigal, quàm præda Prætoris.

Idem pro *Muræna* 130. b. Quæ consuluntur (scil. in Jure civili) minimo periculo respondentur. Si id, quod oporteat, respondeas, idem videre respondere, quod *Servius*. Sin aliter: etiam controversum jus nosse & contrectare videre.

Idem pro *Celio* 48. a. Ea (id est, impudica) si tu non es (sicut ego malo) quid est, quod obijciant *Celio*? Sin eam te volunt esse: quid est, quod nos crimen hoc, si tu contempnas, pertimescamus? Quare da nobis veniam rationemque defensionis. Nam aut pudor tuus defendet, nihil à *M. Celio* petulantius esse factum, aut impudentia & huic & cæteris magnam ad se defendendum facultatem dabit.

Et ibid. paulò post. Primum illud requiram, Dixitne *Clodia* quam ad rem aurum tum fumeret, an non dixerit? Si non dixit, cur dedit? Si dixit, eodem se conscientia scelere devinxit.

Et pag. b. Si tam familiaris erat *Clodia*, quàm tu esse vis, cum de libidine ejus tam multa dicis: dixit profecto, quò veller aurum. Si tam familiaris non erat, non dedit. Ita si verum tibi *Celius* dixit, O immoderata mulier! sciens tu aurum ad facinus dedisti? Si non erat ausus dicere, non dedisti.

Idem *Epist.* fol. 97. a. Veni domum, &c. Si esset aliqua forma Reipublicæ, tanquam in Patriâ ut essem: Sin nulla, tanquam in exilio.

Et pag. b. Si hæc Civitas est, civem esse me: Si non; exulem esse non incommodiorem loco, quàm si *Rhodium* aut *Mitylenas* contulissim.

Idem *Epist.* fol. 233. Si erunt in officio amici, pecunia non deerit: Si non erunt, tu efficere tuâ pecuniâ non poteris.

Apud eundem *De Orat.* 140. *Cæsar Crasso*. Si quod difficilius est, id tibi reliquit [scil. *Antonius*] est nobis causa, cur te audire cupiamus: Sin quod facilius est; tibi causâ non est, cur recuses.

Idem in *Verrem* 61. b. notat, *Hortensium*, insignem illum Oratorem, solitum esse hoc genere Argumendi uti. Quoties (inquit) tibi potestatem optinemque facturus sit, ut eligas utrum vells, factum esse necne? verum esse an falsum? Utrum dixeris, id contra te futurum.

*Politian.* lib. 7. *Epist.* 18. Non praestas, quae pollicitus Conqueror, si oblitus: magis etiam, si non oblitus. Oblitum fuisse, vix amici: non praestare, cum recorderis, prorsus inimici.

*Tertullian.* lib. de *Penitentia*. Vanissimum est dicere, *Volui*, nec tamen feci. Atquin perficere debes, quia vis, aut nec velle, quia nec perficis. Quacunque te constitueris, crimine astringeris: quia aut malum volueris, aut bonum non adimpleveris.

*Cyprian.* contra *Demetrian*. Christianum esse, aut crimen est, aut non est. Si crimen est, cur non interficis confitentem? Si non est, quid persequeris innocentem?

*Hieronymus* *Apologia* adversus *Ruffinum*, lib. 1. *Epist.* 36. Si sint vera, quae scripsit, cur publicum timuit? Si falsa, cur scripsit?

Ad 2 *Reg.* 6. 13. &c. Si verum erat, quod Rex *Syria* audierat, ver. 12. frustra mittit invidiatores. Si falsa, non erat causa cur mitteret.

Ad *Mat.* 2. 16. Si puer ille natus, erat Christus: frustra eum *Herodes* conabatur perdere. Si non erat, cur perderet?

Ad *Mat.* 28. 13. Si dormiebant custodes, quomodo sequebantur discipulos Christi furatos esse corpus ejus? Si vigilabant, cur sinebant?

*Ad Mat. 21. 25, 26.* Sacerdotes & Seniores argumentatione hac usi sunt contra seipfos. Si dixerimus, De celo, &c.

*Joh. 18. 23.* Christus pro seipso. Si malè locutus sum, testare de malo: Sin bene, cur me cedis?

*Act. 5. 38, 39.* Gamaliel, Si (inquit) hoc consilium, sive opus, ex hominibus est, dissolvetur. Sin ex Deo est, non potestis dissolvere. Ergo, Abstinete ab hominibus istis, & finite eos.

**c** Ut Dilemma validum sit,

1. Disjunctio debet esse sine Medio.

2. Illatio ex utrâque parte debet esse firma.

**d** Contrâ, Dissolvitur Dilemma,

1. Dando Medium.

2. Negando Consequentiam, sive Illationem ex utrâvis parte.

*Exempli gratiâ.*

*Ad illud Biantis Dilemma* [Si duxeris uxorem formosam, habebis κοινὴν, Communem: Si deformem, habebis μὲν, Molestam. Ergo, Nulla ducenda est.]

Responderi potest,

1. Negando Disjunctionem. Non enim necesse est ut ducatur vel formosa, vel deformis; sed mediocris formæ.

2. Utrâque consequentia vacillat. Neque enim si formosa, ideo communis, neque si non formosa, ideo molesta. Eadem enim potest esse & formosa & casta: Eadem etiam, quæ non commendatur à formâ, potest à virtutibus aliisque rationibus commendari. Vide *A. Gellium*, lib. 5. cap. 11.

Ad

Ad dissolvendum autem Dilemma non requiritur, ut hæc omnia vitia in eo reperiuntur, ut hîc: Sufficit si unum aliquod ei inest; id est, si vel Disjunctio, vel altera consequentia negari possit.

Sic in illo Dilemmate *Catonis* apud *Ciceronem* de *Senectute*. 91. a. Mors (inquit) aut plane negligenda est, si omnino extinguit animum, aut etiam appetenda, si eum aliquò deducit ubi sit futurus æternus.

Et 92. b. Post mortem sensus aut optandus aut nullus.

Et *Tusc. Quæst.* 174. b. In morte aut summum bonum, aut nullum malum.

Et *Senec. Epist.* 24. Mors nos aut consumit, aut emittit. Emisissis, meliora restant: consumptis nihil restat, bona malaque summta sunt.

*Resp.* Disjunctio negatur. Impios enim manent pœnæ post mortem. Adeoque sensus eis nec optandus, nec nullus erit. Mors neque appetenda, neque negligenda. Animos enim eorum neque consumit, neque ad meliora emittit. Futuri siquidem æterni sunt, sed æternè miseri. Bona, non mala summta sunt.

*Dilemma* quomodo retorqueatur per *Biaion*, vide Capite sequente, Modo Primo & Secundo.

### Versiculi.

- a *Adversarium utrinque capit Dilemma. Quod uno*
- b *Disjuncto constat, duplicique exinde sequela.*
- c *Ut validum fiat Dilemma, utrumque require: Ut*  
*Sit Disjunctio vera, & utrinque illatio firma.*
- d *Alterutrum si defuerit, Dilemma vacillat.*

## C A P. XLIII.

*De Biaio, sive Violento.*

\* **B**iaion, sive Violentum, est, quo Adversarii Argumentatio in ipsum retorquetur.

*Hec fit variis modis, præcipue quatuor.*

*Primus Modus.*

**P**rimus Modus (qui & frequentissimus est, & fere solus ab aliis ponitur) est, quando ex Argumento Adversarii inferitur Contradictorium Conclusionis ejus.

Hic semper paratam habere debemus rationem, quare consequentia nostra verior, sive probabilior sit quam Adversarii.

*Exempli gratia.*

Si sic arguat aliquis, Nobilis sum : Ergo, Nolo philosophari, aut bonis literis operam navare.

*Retorquetur.* Imò quia nobilis es, ideo debes, etiam plusquam cæteri, Philosophari, sive bonis literis operam navare.

*Ratio.* Quia plus otii, majorem opportunitatem, majora adjumenta habes. Item, ut dignum genere animum habeas, optimis artibus excultum. Denique, ut cum majore fructu utaris doctrinâ tuâ ad bonum publicum.

*Ter.*



Ter. Prolog. in *Adelph.*

*Nam quod isti dicunt male-voli, Homines nobiles  
Eum adjutare, assidueque unâ scribere :  
Quod isti maledictum vebemens existimant,  
Eam laudem hic ducit maximam ; cum illis placet,  
Qui vobis universis & populo placent,*

*Cic. in Ver. 64.* Dixerat *Cæcilius*, se potius quam *Ciceronem*, debere esse accusatorem, sive actorem contra *Verrem*, quia ipse [*Cæcilius*] fuerat *Quæstor Verris* in *Sicilia*.

Retorquet *Cicero*. Hæc causa gravis esset, si certares uter nostrum illi amicius esset. In contentione suscipiendarum inimicitiarum, ridiculum est putare, causam necessitudinis, ad inferendum periculum justam videre oportere. Vide plura *ibid.*

*Ibid. fol. 55.* Dicebam [*Siculis*] Habere eos actorem *Q. Cæcilium*, qui præsertim *Quæstor* in eadem Provincia post me *Quæstorem* fuisset.

Retorquet. Quo ego Argumento sperabam hanc à me molestiam posse dimoveri, id mihi erat adversarium maxime. Nam illi multo mihi hoc facilius remississent, si istum non nossent, aut si iste apud eos *Quæstor* non fuisset.

*Ibid. fol. 194.* Quid igitur dices? Fecisse alios?

Retorq. Quid hoc est? Utrum crimini defensio an comitatus exilio quaeritur? &c. Potius, te damnato, cæteris angustior locus improbitatis defendendæ relinquatur, quam, te absoluto, alii quod audacissime fecerunt, rectè fecisse existimentur.

Idem pro *S. Roscio* 26. a. Age nunc, Refer animum sis ad veritatem, & considera, &c. jam profectò te intelliges, inopiâ criminum, summam laudem *S. Roscio* vitio & culpæ dedisse.

Idem in *Vatinium* 29. At enim dixisti, Non meâ, sed Reipub. causâ homines de meo reditu laborasse.

*Retorq.* Quasi verò quisquam vir excellenti animo in Remp. ingressus optabilius quicquam arbitretur, quàm se à suis civibus Reipublicæ causâ diligi.

Et paulò pòst. Quod quidem ego reddo tuum. Nam ut tu me charum esse dixisti Senatui populoque Romano, non tam meâ causâ quàm Reipublicæ: Sic ego te, quanquam sis omni diritate atque immanitate teterimus, tamen dico esse odio civitati non tam tuo quàm Reipublicæ nomine.

Idem de *Senect.* 85. b. Sequitur tertia vituperatio Senectutis, quòd eam dicunt carere voluptatibus.

*Retorq.* O præclarum munus ætatis! si quidem id aufert à nobis, quod in adolescentia est vitiosissimum.

Idem de *Orat.* 110, 111. *Crassum* inducit, tria *Catuli* Argumenta retorquentem. Omnia ista (inquit) ego alio modo interpretor, &c. vide locum.

*Cyprian.* de *Eleemosyna.* Ob. Sed enim multi sunt in domo liberi, &c.

*Retorq.* Atqui hoc ipso operari [id est, Eleemosynas dare] amplius debes, quia plures sunt, pro quibus Dominum deprecere: Sicut *Job* obtulit holocausta pro numero liberorum.

Sic si quis objiceret, Nolo dare aliis (præsertim multis) quia ignoro quid futurum sit mali super terram.

*Retorq.* *Eccle.* 11. 1, 2. Da partem septem, nec non & octo [id est, Multis] quia ignoras quid futurum sit mali super terram.

Ob. Cùm faciam prandium aut cœnam, vocabo amicos meos, &c. ut & ipsi me vicissim vocent & fiat mihi retributio; non autem vocabo pauperes, &c. quia non habent quod retribuunt mihi.

*Retorq.*

*Retorq. Luc. 14. 12, 13, 14.* Imò ideo noli vocare amicos tuos, &c. ne forte & ipsi te vicissim vocent, & fiat tibi retributio: Sed voca pauperes, &c. quia non habent quod tibi retribuunt. Retribuetur enim tibi in resurrectione iustorum.

*Luc. 19. 21.* Ob. Timeo te, quod homo sis austerus, &c.

*Retorq. ver. 22, 23.* Ex ore tuo te judico, &c.

Et ver. 24. Ob. Domine, habet decem minas. Quasi dixissent, Ergo, Alia mina non est ei danda.

*Retorq.* Imò ideo date ei, quia habet decem. Nam dico vobis, Omni habenti dabitur, &c.

c Hoc modo retorquetur Dilemma: cum utrumque ejus cornu in adversarium invertitur.

*Exempli gratia.*

Ob. Annona aut cara est, aut vilis. Si cara est: non dabo pauperibus, quia non possum id facere sine magnâ impensâ. Si vilis est: non necesse est dare, quia tum non multum indigent.

*Retorq.* Si cara est: dabis, quia tum maximè indigent. Si vilis est: dabis, quia id potes facere vili & sine magnâ impensâ.

Tale est illud exemplum *Antigoni & Cynici* apud *Senecam, De benefic. lib. 2. cap. 17.*

Et illud *Protagoræ & Euatbli* discipuli ejus apud *A. Gellium, lib. 5. cap. 10.* vel (ut alii) *Coracis & Titia* discipuli ejus apud *Erasm. Adag.* Mali corvi malum ovum.

Sic illud *Filiæ & Patris* apud *Cicer. ad Heren. 13.* *Filia* objicit *Patri.*

*Injuriâ*

*Injuriam abs te indignam afficior, pater.*

*Nam si improbum Chrespontem existimaveras :*

*Cur me huic locabas nuptiis ? Sin est probus :*

*Cur talem invitam invitum cogis linquere ?*

Retorquet Pater.

*Nullam te indignam, Nata, afficio injuriam.*

*Si probus est ; bene locavi. Sin est improbus :*

*Divortio te liberabo incommodis.*

### ¶ Secundus Modus.

Secundus Modus est per Retaliationem : cum scilicet ex Adversarii Argumento ejusve Pari aut Simili, absurdum aliquod eadem ratione inferitur.

### *Exempli gratia.*

*Ob.* Totus homo generatur. Ergo, Anima generatur.

*Retorq.* Eadem ratione, Totus homo moritur. Ergo, Anima moritur. Totus homo, sed non totum hominis.

*Ob.* Bruta edunt opera artificiosa, ut Aves nidos, Araneæ telas, &c. Ergo sunt ratione prædita.

*Retorq.* Etiam Terra & Plantæ edunt opera artificiosa ; (ut, folia, flores, fructus.) Ergo, sunt ratione prædita.

*Cic. in Ver. 113. b.* *Ob.* At enim, ad Verrem ista pecunia non pervenit.

*Retorq.* Adjuvo te, Mei testes idem dicunt : Volcatillo dicunt se dedisse, &c. Et amplius dico, H. S. quadringenties

genties accepisse te arguo contra leges: Nego tibi ullum nummum esse datum. Sed cum ob tua decreta, &c.

*Primasius in Epistolas Pauli.* Si Epistola ad Hebræos, ideo Pauli non erat, quia ejus non habet nomen: ideo nullius erit, quia nullius nomine titulatur.

Hoc modo Retorqueri potest quivis Syllogismus peccans formā; ut, Ex omnibus affirmatis in Secundā Figurā, Equus (inquit Sophista) est quadrupes, Et Leo est quadrupes. Ergo, Leo est equus.

*Retorq.* Anser est bipes. Et Sophista est bipes. Ergo, Sophista est anser.

Huc pertinet, cum in nos objicitur, quod Pari ratione objici potest in illos in quos non debet, aut in quos adversarius nolit: ut in ipsum, aut in amicos, socios, advocatos, testes, judices ejus.

Sic Ulysses in Ajacem, Ovid. Metam. lib. 13. ver. 296.

*Quid quod me duri fugientem munera belli  
Arguit incepto serò accessisse labori?  
Nec se magnanimo sentit maledicere Achilli, &c.*

Et paulò post.

*Neve, in me stolidæ convitia fundere lingua  
Admiremur eum: Vobis quoque digna pudore  
Objicit. An falso Palamedem crimine turpe est  
Accusasse mihi, vobis damnassee decorum?*

Simili modo Retorqueri potest Dilemma: cum eadem aut similis Disjunctio proponitur, & eadem ratione ex utrâque ejus parte absurdum aliquod infer-  
tur.

*Exempli*

## Exempli gratia.

*Augustinus* Epist. 6. ad *Italicam*.

Objecerat Hæreticus: Potuit Christus carni suæ præbere, ut corporeis oculis videret Patrem? An non potuit? Si non potuit, non est Omnipotens: Si potuit, tum potest Deus corporeis oculis videri.

Retorquet *Augustinus*. Potuit Christus carnem suam convertere in substantiam Dei? An non potuit? Si non potuit, non est Omnipotens: Si potuit, tum potest caro Christi converti in Substantiam Dei. Quo pacto (inquit) exierint ex hoc laqueo alieno, sic exeant de suo.

Item inter Epistolas *Augustini* Epist. 11. quæ est *Hieronymi*. Objecerat *Augustinus* contra novam Veteris Testamenti Versionem ex *Hebræo*.

Aut obscura (inquit) fuerunt, quæ interpretati sunt *Septuaginta*, aut manifesta. Si obscura; te quoque in iis falli potuisse credendum est: Si manifesta, illos in iis falli non potuisse credendum est.

Retorquet *Hieronymus*. Tuo tibi Sermone respondeo: Omnes Veteres tractatores, qui Scripturas interpretati sunt, aut obscura interpretati sunt, aut manifesta. Si obscura: Quomodo tu post eos ausus es differere, quod illi explicare non potuerunt? Si manifesta: Superfluum est te voluisse differere, quod illos latere non potuit. Humanitatis tuæ (inquit) est, in quo veniam tibi tribuis, indulgere & cæteris.

*Gregorius Nazianz.* Orat. 35. Tom. 1. *Græcolat.* 365. Objecerat hæreticus contra æternam generationem Filii Dei. Pater (inquit) vel volens Filium genuit, vel nolens. Si nolens: vim ergo ei allatam esse necesse est. Si autem volens: Ergo Filius, voluntatis filius est.

Retor-

Retorquet *Gregorius*. Dic quisquis es, qui temere quicquid libido tua rulerit, effutis. Ex volente Patre tuo natus es? an nolente? Si ex nolente; vis ergo ei allata est: Et quis tandem ei vim attulit? Si autem ex volente patre: Pater tibi propter paucas Syllabas periit; Voluntatis enim filius, & non Patris exististi.

d *Tertius Modus.*

Tertius Modus est, quando ex Contradictorio Argumenti Adversarii inferitur Contradictorium Conclusionis ejus.

*Exempli gratia.*

*Ob.* Non sentit. Ergo, mortuus est.

*Retorq.* Sentit. Ergo, mortuus non est.

*Ob.* Cor, non cerebrum, est principium nervorum. Ergo cor, non cerebrum, est commune sensorium.

*Retorq.* Cerebrum, non cor, est principium nervorum. Ergo, Cerebrum, non cor, est commune sensorium.

*Job. 7. 41, 42.* *Judæi* sic arguebant. *Jesus* natus est in *Galilæa*, non *Bethlebemæ*. Ergo, non natus est ubi Christum nasci oportuit.

*Retorq.* Christus natus est, non in *Galilæa*, sed *Bethlebemæ*. Ergo, natus est ubi Christum nasci oportuit.



## e Quartus Modus.

Quartus Modus est, cùm ex Contradictoriò Conclusionis Adversarii inferitur Contradictorium Argu-  
menti ejus.

## Exempli gratiâ.

*Ob.* Mortuus est. Ergo, Non sentit.

*Retorq.* Sentit. Ergo, Mortuus non est.

*Ob.* Orbes Cœlorum sunt solidi. Ergo, Non dantur  
Cometæ supra Lunam.

*Retorq.* Dantur Cometæ supra Lunam. Ergo, Orbes  
Cœlorum non sunt solidi.

*Ob.* Cœlum movetur ab Intelligentiis. Ergo, Non  
movetur à formâ informante.

*Retorq.* Cœlum movetur à formâ informante, (ut  
omnia reliqua corpora naturalia.) Ergo, Non movetur  
ab Intelligentiis.

*Ob.* Sol est centrum mundi. Ergo, Terra non est.

*Retorq.* Terra est centrum mundi. Ergo, Sol non  
est.

*Ob.* Locus rectè definitur Superficies corporis conti-  
nentis. Ergo, Cœlum supremum non est in loco.

*Retorq.* Cœlum supremum est in loco, (ut sunt reliqua  
omnia corpora naturalia.) Ergo, locus non rectè defi-  
nitur Superficies corporis continentis.

*Ob.* Mundus potuit creari ab æterno. Ergo, Datâ  
immortalitate Animarum humanarum, potuit dari nu-  
merus illarum actu infinitus.

*Retorq.* Non potest dari numerus actu infinitus. Ergo,  
Mundus non potuit creari ab æterno.

f Hos

f Hoc & præcedente modo uti possumus quando-  
cunque adversarius petit principium: id est, sumit pro  
argumento id, quod æquè aut etiam magis dubium est  
quam ipsa Quæstio.

Versiculi.

2 *Quo petitur telo, pugnat Violentus eodem.*

*Quatuor idque modis, alios ut forsan omittam.*

bc *Oppositum Primus probat, Absurdumque Secundus.*

de *Tertius Oppositum Opposito, Quartusque vicissim.*

bc *Horum Primus, itemque Alter, Dilemma retorquet.*

f *Principiumque petentem postremi duo torquent.*

C A P.

## C A P. XLIV.

## De Disputatione. Et Primò, De Sociali.

**U**Sus tum Syllogismi tum reliquarum omnium, quæ adduntur, formarum argumentandi, est ad Disputationem.

Disputatio est Quæstionis propositæ agitatio.

Quæstio est vel Sciscitativa, vel Dialectica propriè dicta.

Sciscitativam voco, ad quam non potest responderi per *Etiã*, vel *Non*; ut quæ fit per hæc vel similia Interrogativa, Quis, quid, quot, quantus, qualis, quomodo, quare, ubi, unde, quò, quà, quando, quamdiu, quoties, &c.

Dialectica quæstio (propriè sic dicta) est, ad quam responderetur per *Etiã*, vel *Non*; ut, quæ fit per hæc Interrogativa, An, num, ne, nonne, necne. Supra, cap. 20.

Quæstio dialectica sola est proprium atque immediatum subjectum Disputationis: Sciscitativa, improprium ac mediatum. Ex Responsione enim ad hanc nascitur illa.

*Exempli gratiã.*

Sit Quæstio Sciscitativa, Quod sit centrum mundi? & responsum sit; Terra: Hinc nascitur Quæstio dialectica, An Terra sit centrum mundi? Et respondetur, *Etiã*, vel *Non*.

a Quæ-

*a* Quæstionis dialecticæ duæ semper sunt partes, altera Affirmata, altera Negata; Et quidè inter se Contradictoriæ. Contrariæ enim possunt esse simul falsæ, & Subcontrariæ possunt esse simul veræ; licèt utrobique altera affirmetur, altera negetur: ut suprà Cap. 6.

Disputatio est vel Socialis vel Solitaria.

*b* Socialis est, ubi Disputantes sunt duæ distinctæ personæ; viz. Opponens (qui specialiter dicitur Disputans) & Respondens. Quorum alter alteri semper debet contradicere. Sic enim alter, & alter tantum, veritatem tuebitur.

*c* Quæstio disputanda eligitur & proponitur aliquando ab Opponente, aliquando a Respondente, aliquando ab aliquo alio. Eligere autem quam partem tueri velit, semper debet esse penes Respondentem.

*De officiis Disputantium.*

*d* Commune officium amborum Disputantium est, ut intelligant terminos & statum Quæstionis controversæ, & ut de iis inter ipsos conveniat. Specialia utriusque Officia sequuntur.

*I. Officia Opponentis.*

*e* 1. Inveniat Argumentum sive Medium. Quod fit ducendo terminos Quæstionis per singula Capita Argumentorum, sive singulos Locos inventionis, lib. 1.

*f* 2. Concludat Quæstionis partem suam (id est Contradictoriam parti Respondentis) formâ Syllogisticâ,

& quoad fieri potest, Syllogismo Caregorico, ut docetur Cap. 21. & 26. & 35.

Brevitatis causâ aliquando uti potest Enthymemate : ita tamen ut, si requiretur, redigat in Syllogismum; ut docetur Cap. 37.

*g* 3. Si qua Præmissa negata fuerit à Respondente : eam, quasi nova Quæstio sit, novo Medio, adeoque novo Syllogismo, concludat. Eodemque modo progrediatur à Syllogismo ad Syllogismum, donec Argumentatio ad finem perducta fuerit.

*b* 4. Si per distinctionem aut limitationem responsum fuerit : eas, si argumento non satisfecerint, tollat. Id est; Ostendat, Nihil in Syllogismo suo dupliciter accipi; vel, si hoc si illo modo quid accipiatur, Syllogismum similiter procedere.

*i* 5. Si Respondens vacillaverit, aut tergiversatus fuerit; modò hoc modò illud affirmans, idemque negans: Opponens adstringat breviter totam argumentationem suam in Soriten Enthymematum; & si progrediendo à Principiis ad Conclusiones, si regrediendo à Conclusionibus ad Principia, ei ubique occurrat & insistat; ut docetur Cap. 41. §. *Per hunc*.

*k* 6. Si Argumento satisfactum fuerit : ne amplius litiget, sed aut quiescat, aut ad novum Argumentum transeat.

*l* 7. Opponenti maximè cavendum est, ne propositionem veram aut probabilem Argumento minus vero, aut minus probabili probare instituat; adeoque cum meliores partes aut ab initio habuerit, aut in progressu disputationis, Respondentis lapsu, aut imprudentiâ nactus

nactus fuerit, eas hoc modo amittat, & Respondenti tradat.

## II. Respondentis Officia.

m 1. Argumentum five Syllogismum Opponentis totum audiat.

2. Distinctè repetat. Idque tum Adversarii gratiâ, ut agnoscat nihil in eo mutatum esse: Tum gratiâ Auditorum (si qui fuerint) ut vim Argumenti melius percipiant: Tum denique sui ipsius gratiâ, ut illud diligentius perpendat, meliusque consideret, quid respondendum sit.

3. Audito & repetito Argumento, breviter & aperte respondeat.

Modi respondendi varii sunt: Alii directi, alii indirecti.

### *Directè respondetur quatuor Modis.*

n 1. Si Opponens aut ab initio non concludat suam partem Quæstionis (id est, Contradictoriam parti Respondentis) aut in progressu Disputationis non probaverit Propositionem negatam: Respondens rejiciat Argumentum tanquam nihil ad rem, nihil ad se; neque omnino examinet vel materiam vel formam Syllogismi. Hoc autem ut clarius fidentiusque faciat, ostendat distinctè tum quid Opponens concludat, tum quid concludere debeat.

o 2. Si Opponens concludat quod concludendum est, sed vitioso Syllogismo: Respondens vitium illud notet, ostendatque, si opus est, contra quam regulam peccet, neque examinet aut curet, utrùm Præmissæ sint veræ an falsæ. Nunquam enim respondendum

est ad materiam Syllogismi si peccet formâ. Vitiolus enim Syllogismus non est Syllogismus, sed Paralogismus: ideoque concedi possunt Præmissæ, & tamen Conclusio negari, Cap. 20. §. *Forma Syllogismi*. Et hîc etiam ostenso quomodo Syllogismus peccet, ostendi etiam potest, quomodo corrigendus sive rectificandus sit.

p 3. Si forma Syllogismi legitima sit, sed altera Præmissarum falsa: Respondens illam neget. Si ambæ Præmissæ falsæ sint: neget utram commodius ei visum sit negare, non reticendo etiam de falsitate alterius. Aut si liberaliùs cum Adversario agere placeat: neget utramque, & permittat ejus arbitrio probare utram velit.

q 4. Si neque forma Syllogismi sit apertè vitiosa, neque Præmissarum altera nudè & simpliciter neganda esse videatur: tum semper latet aliquid ambigui in terminis vel Simplicibus vel Conjunctis, quod distinctione vel limitatione solvendum est. Quanquam revera omnis Syllogismus in quo est aliquis terminus ambiguus, habet implicite quatuor terminos, adeoque peccat formâ. Caput 21. §. *Sint tantum tres*.

Huic affine est, cum quid pro quo accipitur; id est, cum Diverſa accipiuntur vel pro iisdem, vel pro Oppositis; ut notatum fuit lib. I. Cap. 9.

† Indirecti modi respondendi tres præcipuè sunt; Ἐξουσιώδης, Ἀντιποροῦς, & Βλατόν.

1. Ἐξουσιώδης est contemptio Argumenti tanquam Responsione indigni: siquidem revera tale sit. Nam quale est Argumentum, talis debet esse Responsio. Nugis enim seriò & operosè Respondere, perinde ridiculum est, atque nugari in re seriâ.

2. Ἀντιποροῦς



2. Ἀντιποσέξ (latè sumpta) est Objectio Paris, aut etiam Majoris, vel Rationis rationi, vel Autoritatis autoritati.

3. Βίασις, five Retorsio (de quo Capite præcedente) secundum omnes Modos ejus.

Hæ autem duæ postremæ indirectæ Responsiones usitatiores sunt in Disputatione Solitaria quàm in Sociali. Et in utrâque ferè, non nisi præmissâ aut subjunctâ aliquâ directâ responsione, adhibendæ. Respondentis enim Officium est respondere, non regerere. Nam, ut dici solet, Allegare inconueniens, non est solvere Argumentum. Et, Non valet exemplum, quod litem lite resoluit.

f Respondenti maximè cavendum est, ne aut ab initio falsam partem Quæstionis defendendam suscipiat, aut in progressu Disputationis veram aliquam Propositionem neget, adeoque veritatem prius susceptam amittat, & Opponentem tradat.

t Ex Propositionibus Hypotheticis, Opponentem maximè inferviunt Connexæ & Disjunctæ affirmatæ, Copulatæ & Discretæ negatæ. Respondenti, Connexæ & Disjunctæ negatæ, Copulatæ & Discretæ affirmatæ.

### Versiculi.

- a *Semper habet binas dialectica Quæstio partes.  
Illarum utraque erit Contradictoria utrique.*
- b *Respondens unam tenet, Opponens tenet alteram.*
- c *Quisquis proponit, Respondens eligit utram  
Ipsius inter sit partem defendere velle.*
- d *Commune Officium est, ut uterque intelligat, utque  
Conueniat quid controversum, quidque datum sit.*

## Officia Opponentis.

- e i. *Inveniat Medium, Extremis per singula ductis.*  
 f 2. *Legitimâque suam formâ concludito partem.*  
 g 3. *Reddat, siqua negata fiet Præmissa, probatam.*  
 h 4. *Si malè distinctum fuerit, bene tollat oportet.*  
 i 5. *Si titubetur, Sorites astringat in arctum.*  
 k 6. *Si satis est factum Argumento, exinde quiescat.*  
 l 7. *Si veras nactus partes, ne postea perdat.*

## Officia Respondentis.

- m *Audiat, & repetat, respondeat & repetito.*  
*Quatuor idque modis directè simpliciterque.*  
 n 1. *Si non Conclusum est quod oporteat, abjiciatur.*  
 o 2. *Si non legitimè Conclusum, detegat illud.*  
 p 3. *Si falsa est Major Præmissa, Minorve, negetur.*  
 q 4. *Si latitet vitium distinguendo eruat illud.*  
 r 5. *Indirectè respondeto, sicubi oportet :*  
*Per Contemptum, perque Objectum, perque Retortum.*  
 f 6. *Imprimis caveat Respondens, & moneatur,*  
*Ne veras partes amittat vera negando.*  
 ‡ *Opponentî Connexa & Disjuncta ministrant*  
*Affirmatæ, Conjuncta & Discreta negatæ.*  
*Respondenti Conjuncta & Discreta ministrant*  
*Affirmatæ, Connexa & Disjuncta negatæ.*

## C A P. XLV.

## De Disputatione Solitariâ, sive Positione.

**D**isputatio solitaria est, ubi unus idemque Disputans & Opponentis & Respondentis officio fungitur. Vel, Est tractatio Quæstionis Dilecticæ perpetuâ oratione. Quæ Oratio ab aliis *Suppositio*, ab aliis *Positio* appellatur.

*a* Hujus, ut aliarum Orationum, quinque sunt partes: viz. *Exordium*, *Expositio*, *Confirmatio*, *Confutatio*, *Peroratio*. Quarum tres Mediæ, essentielles & principales sunt: Prima & ultima, Accidentariæ & minus Principales.

*b* I. *Exordium*.

Exordium ex variis locis peti potest; ut,

1. A facilitate, vel difficultate Quæstionis propositæ.

2. A celebritate, vel raritate.

3. Ab utilitate, necessitate, sublimitate.

4. A convenientiâ, respectu loci, temporis, personarum, &c.

5. *Περὶ ἀπορίας*, ab apparente inutilitate, non-necessitate, humilitate, inconvenientiâ, respectu loci, temporis, personarum, &c. Quæ objectiones occupandæ & tollendæ sunt.

6. Denique ex quavis re, quæ propriè ad Quaestionem pertineat. Quod autem alienum (vel ut Rhetores vocant, vulgare) est, id est, quod cuius Quaestioni aut Orationi æque convenit, nulli convenit.

Atque in hoc præcipuè genere Orationum, Exordium per breve omnino esse debet, & potius nullum quàm nimium.

### c II. *Expositio.*

Hic, 1. Termini Quaestionis (si opus est) explicandi sunt: sed eatenus tantum, quatenus ad Quaestionem intelligendum conducit, & quantum satis est.

2. Summa cura adhibenda est, ut rectè figatur status Controversiæ; ne plures Quaestiones pro una atque eadem, aut unam pro alia accipiamus.

3. Variis Opinionibus recitatis, ostendendum est, quid nobis cum singulis conveniat, quid discrepet; quid diversum, quid oppositum nobis sit.

### d III. *Confirmatio, sive Κατασθέν.*

*Confirmatio*, sive *Κατασθέν*, est, quâ sententiam nostram astruimus, & contradictoriam destruimus (unâ enim & eadem opera utrumque fit) omni genere Argumentorum, tum artificialium sive rationum, tum inartificialium sive testimoniorum.

Hæc in varia sæpe membra distribuitur, pro variis opinionibus à sententiâ nostrâ discrepantibus:

Huic subjungitur ipsius *Communitio*. Quâ in singulis Argumentis vel colligimus & notamus ea, quæ responderi solent, vel occupamus ea quæ responderi possunt.

sunt, & contra utraque communimus & stabilimus Argumenta nostra:

De hac parte vide Cap. 44. in *Officiis Opponentis.*

c IV. *Confutatio*, sive *'Ανακυδή.*

Per Confutationem hic intelligimus non destructionem Opinionum sententiæ nostræ Oppositarum per Argumenta nostra (hoc enim, ut modò dictum est, unâ & eâdem operâ fit cum Confirmatione sententiæ nostræ;) sed Responsum ad objectiones contra sententiam nostram allatas. Igitur, ut in Confirmatione, Opponentis, ita in Confutatione, Respondentis parte agimus.

Confutationi suæ etiam subjungitur *Communitio*: id est, Defensio Responsum nostrarum contra instantias Adversariorum: Cùm scilicet vel colligimus & notamus ea quæ regeri solent, vel occupamus ea quæ regeri possunt, & contra utraque Responsum nostras communimus & stabilimus.

De hac parte vide Cap. 44. in *Officiis Respondentis.*

Quando post recitatam positionem secutura est Disputatio socialis (ut in Academiis nostris mos est:) tota hæc pars (confutatio, ejusque Communitio) melius ad eam reservatur, & in Positione omnino omittitur: Ne eadem Responsum, tanquam crambe reposita, nausæam & fastidium pariant. Saltem minùs auditores delectant, minoremque apud eos ingenii laudem obtinent, Responsum, quæ meditata & præparata domo afferuntur, quàm quæ extempore in ipsâ arenâ ex Opponentis Objectionibus natæ videntur.

## f V. Peroratio.

Peroratio (præsertim si Positio vivâ voce pronuntiata fuerit) habeat brevem & summariam repetitionem præcipuorum Capitulorum, unâ cum Apostrophe ad Auditores, ex iisdem ferè locis desumptâ, ex quibus Exordium.

## Verficuli.

- a *Ordior, Expono, Confirmo, Refuto, Peroro:*  
*Tres Mediæ sunt Præcipuæ partes: reliquæ autem,*  
*Prima viam sternit tribus his, atque ultima claudit.*
- b *Quicquid Quæstio fert, exinde Exordia sumas.*  
*Convenit at nulli, quod & æque convenit omni.*
- c *Exponas quantum est opus, & quantum satis ad rem.*
- d *Firma Argumentis propriis: Responde alienis.*
- f *Utque incepisti, simili ratione perora.*

CAP.

## C A P. XLVI

## De Methodo.

**H**Actenus de Propositione, & Argumentatione.  
Restat ut de Methodo breviter dicamus.

*Methodus* est variarum Propositionum Homogenearum, (id est, ad unum aliquem scopum pertinentium) juxta naturæ ordinem dispositio.

*a* Ad perfectam igitur Methodum tria requiruntur.

1. Ut nihil Homogeneum (sive ad scopum propositum pertinens & necessario requisitum) desit.

2. Ut nihil Heterogeneum, aut impertinens admisceatur.

3. Ut omnia disponantur juxta Ordinem naturæ.

Cùm autem Ordo nihil aliud sit, nisi ratio Prioris & Posterioris: ideo etiam Ordo naturæ est, ut id quod prius & notius naturæ est, præcedat; quod posterius est, sequatur.

*b* Illud verò naturæ prius & notius est, quod potest esse & concipi sine posteriore. Posterius est, quod non potest esse aut concipi sine priore.

*c* Hinc, quò aliquid generalius sive universalius est, eò prius & notius est naturæ, adeoque priore loco disponendum; inde ad specialiora gradatim descendendum.



Unaquæque igitur res. primò in genere proponenda, explicanda, & definienda est, ejusque generales Affectiones tradendæ: eadem postea in suas partes distribuenda est.

d In distributionibus præcedat Partitio Integri in membra: Sequatur Divisio Generis in species.

Singulæ autem Partes (sive Membra sive Species) eodem ordine tractentur, quo propositæ fuerunt.

e Si partes propositæ longiusculæ fuerint: adhibendæ sunt Transitiones. Quæ doceant, 1. Quid dictum sit. 2. Quid restet dicendum. Quorum alterutrum aliquando brevitatis causâ omitti potest. Et utraque magis necessaria sunt ad reficiendum Auditorum memoriam atque attentionem, cum res agitur vivâ voce, addè ut aliquid Auditores fugere possit, quàm cum in scriptis ante oculos extat, & recognosci à lectoribus potest.

Hæc, quam diximus, naturalis ac perfecta Methodus est: Quâ utendum, cum Auditor vel Lector simpliciter docendus est, præsertim in tradendis Artibus & Scientiis. Quam ipsam & nos in hac nostrâ Summulâ Dialecticâ, si minus assecuti, secuti saltem sumus.

f Quoties autem non simpliciter docendus, sed delectandus aut aliquo modo movendus est Auditor Lectorve: variæ adhiberi possunt Crypses, sive occultationes naturalis Methodi, prout commodum videbitur; viz.

1. In defectu; Homogenea quædam omittendo, aut breviter tantum perstringendo.

2. In Excessu; Heterogenea quædam admiscendo, ut in Digressionibus; aut Homogenea quædam identidem repetendo, sive diutius insilendo, ut in Commorationibus.

3. In

3. In Transpositione, naturalem ordinem turbando.

Hæc appellatur Methodus Prudentiæ: illa prior Methodus Naturæ. Illa rei, hæc Agentis. Illa artis, hæc Artificis.

## Versiculi.

- a *Perfectâ in Metodo nil desit, nilque supersit ;  
Ordine Naturæ ponantur singula Membra.*
- b *Naturâ prius est, quod per se stare valebit.  
Posterius verò quod totum pender ab illo.*
- c *Præcedat generale igitur, spèciale sequatur.*
- d *Et cum distribuis, partire in membra prius, post  
Dividito in species : Et Proposita ordine tracta.*
- e *Partibus in longis adhibeto Transitiones :  
Quæ doceant, quid jam dictum sit, quidque sequatur.*
- f *Hic etiam triplicem observet Prudentia Crypsin.*

Versiculi

*Verficuli in Libro Secundo.*

Caput.	Numerus.	Caput.	Numerus.
1	8	26	7
2	18	27	10
3	16	28	31
4	8	29	3
5	10	30	5
6	10	31	2
7	4	32	4
8	5	33	8
9	22	34	5
10	17	35	3
11	9	36	6
12	5	37	10
13	7	38	3
14	4	39	5
15	13	40	5
16	8	41	6
17	9	42	5
18	8	43	6
19	3	44	28
20	8	45	8
21	15	46	10
22	1		
23	1		
24	1		
25	3		

---

383

---

FINIS.

